

## **STENOGRAM**

**Desete Radne sjednice Skupštine Kantona Sarajevo  
održane 29.12.2015. godine sa početkom rada u 9,00 sati**

### **Predsjedateljica:**

Otvaram Desetu Radne sjednice Skupštine Kantona Sarajevo.

Pozdravljam uvažene kolege i poslanike, članove Vlade i uvažene goste, kao i predstavnike medija koji prate rad današnje sjednice.

Nadam se da će cijenjeni gledaoci Televizije Kantona Sarajevo sa pažnjom pratiti rad današnje sjednice, te će uvažiti ovo naše zakašnjenje koje je najavljeno da će sjednica biti u 9,00 sati te im upućujem srdačne pozdrave, a svima nama želim uspješan rad i ugodnu radnu atmosferu.

Prema evidenciji Službe, sjednici prisustvuje 31 zastupnik, što je dovoljan broj za punovažan rad i odlučivanje.

Izostanak sa ove sjednice opravdali su: Pleho Haris.

Prijedlog dnevnog reda Desete Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 16.12.2015.godine.

Na osnovu člana 73. Poslovnika Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, br: 41/12, 15/13 i 47/13), Kolegij Skupštine Kantona Sarajevo prihvatio je da se Prijedlog dnevnog reda Desete Radne sjednice, dopuni sa sljedećim tačkama:

1. Prijedlog zakona o unutrašnjim poslovima Kantona Sarajevo;  
**(razmatraće se kao tačka 6)**
2. Prijedlozi odluka o potvrđivanju razrješenja vršilaca dužnosti predsjednika i članova Skupština kantonalnih javnih komunalnih preduzeća:
  - a) KJKP „Vodovod i kanalizacija“ d.o.o. Sarajevo;
  - b) KJKP „Rad“ d.o.o. Sarajevo;
  - c) KJKP „Park“ d.o.o. Sarajevo;
  - d) KJKP „Pokop“ d.o.o. Sarajevo;
  - e) KJKP „Sarajevogas“ d.o.o. Sarajevo;
  - f) KJKP „Toplane Sarajevo“ d.o.o. Sarajevo;
  - g) KJKP „Tržnice – pijace“ d.o.o. Sarajevo;**(razmatraće se kao tačka 8)**
3. Prijedlozi odluka o potvrđivanju imenovanja vršilaca dužnosti predsjednika i članova Skupština kantonalnih javnih komunalnih preduzeća:
  - a) KJKP „Vodovod i kanalizacija“ d.o.o. Sarajevo;
  - b) KJKP „Rad“ d.o.o. Sarajevo;
  - c) KJKP „Park“ d.o.o. Sarajevo;
  - d) KJKP „Pokop“ d.o.o. Sarajevo;
  - e) KJKP „Sarajevogas“ d.o.o. Sarajevo;
  - f) KJKP „Toplane Sarajevo“ d.o.o. Sarajevo;
  - g) KJKP „Tržnice – pijace“ d.o.o. Sarajevo;**(razmatraće se kao tačka 9)**
4. Prijedlozi odluka o potvrđivanju razrješenja vršilaca dužnosti predsjednika i članova Skupština kantonalnih javnih preduzeća, i to:
  - a) Kantonalno javno preduzeće „ZOI '84“ Olimpijski centar Sarajevo d.o.o Sarajevo;
  - b) Kantonalno javno preduzeće „Veterinarska stanica Sarajevo“ Sarajevo d.o.o. Sarajevo;

- c) Kantonalno javno preduzeće za gospodarenje državnim šumama „Sarajevo-šume“ d.o.o. Sarajevo;
  - d) Kantonalno javno preduzeće „Poljoprivredno dobro Butmir“ d.o.o. Sarajevo – Ilidža;
  - e) Kantonalno javno preduzeće Centar „Skenderija“ d.o.o. Sarajevo;
- (razmatraće se kao tačka 10)**

5. Prijedlozi odluka o potvrđivanju imenovanja vršilaca dužnosti predsjednika i članova Skupština kantonalnih javnih preduzeća, i to:

- a) Kantonalno javno preduzeće „ZOI '84“ Olimpijski centar Sarajevo d.o.o Sarajevo;
  - b) Kantonalno javno preduzeće „Veterinarska stanica Sarajevo“ Sarajevo d.o.o. Sarajevo;
  - c) Kantonalno javno preduzeće za gospodarenje državnim šumama „Sarajevo-šume“ d.o.o. Sarajevo;
  - d) Kantonalno javno preduzeće „Poljoprivredno dobro Butmir“ d.o.o. Sarajevo – Ilidža;
  - e) Kantonalno javno preduzeće Centar „Skenderija“ d.o.o. Sarajevo;
- (razmatraće se kao tačka 11 )**

6.

- a) Prijedlog odluke o potvrđivanju razrješenja vršilaca dužnosti predsjednika i članova Skupštine KJKP „GRAS“ d.o.o. Sarajevo;
  - b) Prijedlog odluke o potvrđivanju imenovanja v.d. predsjednika i članova Skupštine KJKP „GRAS“ d.o.o. Sarajevo;
- (razmatraće se kao tačka 12);**

7.

- a) Prijedlog odluke o potvrđivanju razrješenja vršilaca dužnosti predsjednika i članova Skupštine Javnog preduzeća „Televizija Kantona Sarajevo“ d.o.o. Sarajevo;
  - b) Prijedlog odluke o potvrđivanju imenovanja predsjednika i članova vršilaca dužnosti Skupštine Javnog preduzeća „Televizija Kantona Sarajevo“ d.o.o. Sarajevo;
- (razmatraće se kao tačka 13);**

8. Prijedlog odluke o davanju saglasnosti Kantonalnom javnom preduzeću “ZOI '84” Olimpijski centar Sarajevo d.o.o. Sarajevo za upis hipoteke na nekretnine u vlasništvu radi kreditnog zaduženja kod komercijalne UNION BANKE d.d. Sarajevo, sa Izjašnjenjem Ministarstva privrede Kantona Sarajevo broj: 07-05-05-28617/15 -1 od 22.12.2015. godine, a u vezi sa izvještajem Zakonodavno-pravne komisije broj: 01-05-31747/15 od 14.12.2015. godine.

**(razmatraće se kao tačka 14);**

9. Informacija o radu Komisije za praćenje provedbe racionalizacije u predškolskim ustanovama, osnovnim i srednjim školama kao javnim ustanovama na području Kantona Sarajevo. **(razmatraće se kao tačka 20)**

PRELAZIMO NA UTVRĐIVANJE DNEVNOG REDA DANAŠNJE SJEDNICE.

**Na osnovu naprijed navedenog, Prijedlog dnevnog reda današnje, 10. Radne sjednice, utvrđujem Dnevni red:**

- 1. Poslanička/zastupnička pitanja, inicijative i odgovori;
- 2. Prijedlog Budžeta Kantona Sarajevo za 2016. godinu;

3. Prijedlog zakona o izvršavanju Budžeta Kantona Sarajevo za 2016.godinu;
4. Prijedlog zakona o dopunama Zakona o osnovnom odgoju i obrazovanju;
5. Prijedlog zakona o dopunama Zakona o srednjem obrazovanju;
6. Prijedlog zakona o unutrašnjim poslovima Kantona Sarajevo
7. Nacrt zakona o uvođenju posebnih muzejskih zona zaštite, korištenja i obnove kulturne baštine i organizacije saobraćaja na lokalnim cestama na području Kantona Sarajevo;
8. Prijedlozi odluka o potvrđivanju razrješenja vršilaca dužnosti predsjednika i članova Skupština kantonalnih javnih komunalnih preduzeća:
  - a) KJKP „Vodovod i kanalizacija“ d.o.o. Sarajevo;
  - b) KJKP „Rad“ d.o.o. Sarajevo;
  - c) KJKP „Park“ d.o.o. Sarajevo;
  - d) KJKP „Pokop“ d.o.o. Sarajevo;
  - e) KJKP „Sarajevogas“ d.o.o. Sarajevo;
  - f) KJKP „Toplane Sarajevo“ d.o.o. Sarajevo;
  - g) KJKP „Tržnice – pijace“ d.o.o. Sarajevo
9. Prijedlozi odluka o potvrđivanju imenovanja vršilaca dužnosti predsjednika i članova Skupština kantonalnih javnih komunalnih preduzeća:
  - a) KJKP „Vodovod i kanalizacija“ d.o.o. Sarajevo;
  - b) KJKP „Rad“ d.o.o. Sarajevo;
  - c) KJKP „Park“ d.o.o. Sarajevo;
  - d) KJKP „Pokop“ d.o.o. Sarajevo;
  - e) KJKP „Sarajevogas“ d.o.o. Sarajevo;
  - f) KJKP „Toplane Sarajevo“ d.o.o. Sarajevo;
  - g) KJKP „Tržnice – pijace“ d.o.o. Sarajevo;
10. Prijedlozi odluka o potvrđivanju razrješenja vršilaca dužnosti predsjednika i članova Skupština kantonalnih javnih preduzeća, i to:
  - a) Kantonalno javno preduzeće „ZOI '84“ Olimpijski centar Sarajevo d.o.o Sarajevo;
  - b) Kantonalno javno preduzeće „Veterinarska stanica Sarajevo“ Sarajevo d.o.o. Sarajevo;
  - c) Kantonalno javno preduzeće za gospodarenje državnim šumama „Sarajevo-šume“ d.o.o. Sarajevo;
  - d) Kantonalno javno preduzeće „Poljoprivredno dobro Butmir“ d.o.o. Sarajevo – Ilidža;
  - e) Kantonalno javno preduzeće Centar „Skenderija“ d.o.o. Sarajevo;
11. Prijedlozi odluka o potvrđivanju imenovanja vršilaca dužnosti predsjednika i članova Skupština kantonalnih javnih preduzeća, i to:
  - a) Kantonalno javno preduzeće „ZOI '84“ Olimpijski centar Sarajevo d.o.o Sarajevo;
  - b) Kantonalno javno preduzeće „Veterinarska stanica Sarajevo“ Sarajevo d.o.o. Sarajevo;
  - c) Kantonalno javno preduzeće za gospodarenje državnim šumama „Sarajevo-šume“ d.o.o. Sarajevo;
  - d) Kantonalno javno preduzeće „Poljoprivredno dobro Butmir“ d.o.o. Sarajevo – Ilidža;
  - e) Kantonalno javno preduzeće Centar „Skenderija“ d.o.o. Sarajevo;
12.
  - a) Prijedlog odluke o potvrđivanju razrješenja vršilaca dužnosti predsjednika i članova Skupštine KJKP „GRAS“ d.o.o. Sarajevo
  - b) Prijedlog odluke o potvrđivanju imenovanja vršilaca dužnosti predsjednika i članova Skupštine KJKP „GRAS“ d.o.o. Sarajevo;

- 13.
- a) Prijedlog odluke o potvrđivanju razrješenja vršilaca dužnosti predsjednika i članova Skupštine Javnog preduzeća „Televizija Kantona Sarajevo“ d.o.o. Sarajevo
  - b) Prijedlog odluke o potvrđivanju imenovanja vršilaca dužnosti predsjednika i članova Skupštine Javnog preduzeća „Televizija Kantona Sarajevo“ d.o.o. Sarajevo;
14. Prijedlog odluke o davanju saglasnosti Kantonalnom javnom preduzeću “ZOI '84” Olimpijski centar Sarajevo d.o.o. Sarajevo za upis hipoteke na nekretnine u vlasništvu radi kreditnog zaduženja kod komercijalne UNION BANKE d.d. Sarajevo, sa Izjašnjenjem Ministarstva privrede Kantona Sarajevo broj: 07-05-05-28617/15 -1 od 22.12.2015. godine, a u vezi sa izvještajem Zakonodavno-pravne komisije broj: 01-05-31747/15 od 14.12.2015. godine;
15. Prijedlog odluke o davanju saglasnosti na Odluku o privremenom finansiranju Zavoda zdravstvenog osiguranja Kantona Sarajevo, za period od 01.01.2016. do 31.03.2016. godine, broj;UO/04-23224-2/15, koju je donio Upravni odbor Zavoda zdravstvenog osiguranja Kantona Sarajevo na sjednici održanoj 09.12.2015.godine;
16. Prijedlog odluke o davanju saglasnosti na Izmjene i dopune Finansijskog plana Zavoda zdravstvenog osiguranja Kantona Sarajevo za 2015. godinu i Odluku o izmjenama i dopunama Odluke o izvršavanju Finansijskog plana Zavoda zdravstvenog osiguranja Kantona Sarajevo za 2015. godinu;
17. Prijedlog odluke o davanju saglasnosti na Program rada JU „Služba za zapošljavanje Kantona Sarajevo" Sarajevo za 2016. godinu;
18. Prijedlog odluke o davanju saglasnosti na Finansijski plan JU „Služba za zapošljavanje Kantona Sarajevo" Sarajevo za 2016. godinu i na Odluku o izvršenju Finansijskog plana JU "Služba za zapošljavanje Kantona Sarajevo" Sarajevo za 2016. godinu;
19. Prijedlog odluke o izmjeni Odluke o imenovanju Komisije za izbor i imenovanja i administrativna pitanja Skupštine Kantona Sarajevo;
20. Informacija o radu Komisije za praćenje provedbe racionalizacije u predškolskim ustanovama, osnovnim i srednjim školama kao u javnim ustanovama na području Kantona Sarajevo.

Molim poslanike da se izjasne o Predloženom dnevnom redu. U redu. Gospodin Ademović ima riječ. Izvolite.

**Poslanik/zastupnik Kemal Ademović:**

Uvažena predsjedavajuća, zamjenici predsjedavajuće, sekretaru, uvaženi zastupnice i zastupnici, premijeru i članovi Vlade, predstavnici udruženja građana, sindikata, javnih ustanova, dragi gledaoci TVSA sve vas selamim i pozdravljam. Zakonodavno pravna komisija je na sjednici održanoj 25.12. a vezano za dnevni red u vezi sa tačkom Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i Prijedlog odluke o privremenom finansiranju Zavoda zdravstvenog osiguranja sugerisala sljedeće:

- komisija sugeriše Skupštini da u dnevnom redu zamijeni redoslijed ovih tačaka, te da se prvo razmatra Prijedlog odluke o davanju saglasnosti na izmjene i dopune Finansijskog plana Zavoda zdravstvenog osiguranja i Odluke o izmjenama i dopunama Odluke o izvršavanju Finansijskog plana Zavoda zdravstvenog osiguranja za 2015 godinu.

Pod tačkom Nacrt Zakon o uvođenju posebne muzejskih zona zaštite korištenja i obnove kulturne baštine i organizacije saobraćaja na lokalnim cestama na području Kantona Sarajevo Zakonodavno pravna komisija sljedeće sugeriše Skupštini:

- da prije razmatranja Nacrta zakona, a u skladu sa članom 131 i 132 Poslovnika Skupštine Kantona Sarajevo provede prethodni postupak. S tim u vezi Skupština bi se trebala izjasniti pod ovom tačkom dakle da li će provesti prethodni postupak ili će ostati nacrt zakona, a i naravno izjasniti se oko zamjene ove dvije tačke. Dakle da prvo ide razmatranje Odluke o rebalansu praktično ovog Zavoda zdravstvenog osiguranja, Finansijskog plana za 2015, pa tek onda iza toga da ide Odluka o privremenom finansiranju. Hvala.

#### **Predsjedateljica:**

Dakle, molim poslanike da se izjasne o prijedlogu gđina Ademovića, što znači da bi tačka, mislim da sada ne čitam, da li se slažete o ovom prijedlogu, možete li se izjasniti?

Ko je za? Ko je protiv? Ko je suzdržan?

**Temeljem glasovanja za je glasalo 28, protiv ništa i 1 suzdržan. Hvala lijepo.**

Znači sada se izjašnjavamo o dnevnom redu. Tko je za ovaj dnevni red? Tko je protiv? Tko je suzdržan?

**Temeljem glasovanja, Za je glasalo 29 poslanika, protiv ništa, suzdržan ništa.**

KONSTATUJEM DA JE SKUPŠTINA USVOJILA PRIJEDLOG DESETE RADNE SJEDNICE DNEVNOG REDA.

Prelazimo na prvu tačku dnevnog reda, a to su:

#### **AD – 1.**

#### **POSLANIČKA/ ZASTUPNIČKA PITANJA I INICIJATIVE**

##### **Poslanik/zastupnik Goran Akšamija:**

Zahvaljujem predsjedavajuća. Pozdravljam sve prisutne i gledaoce KTV. Moja dva pitanja su danas upućena prema Ministarstvu za obrazovanje, nauku i mlade Kantona Sarajevo. Prvo pitanje koje želim postaviti to je da li Ministarstvo poduzima ikakve mjere za ukidanje katastrofalnog devetogodišnjeg osnovnog obrazovanja, s obzirom da isto ne prati smanjenje srednjoškolskog obrazovanja? Uzimajući u obzir Bolonjski proces studija, koji studiranje ograničava na minimum pet godina, neki fakulteti i šest, faktički dolazimo u situaciju da lice koje završi svoje školovanje i stekne visoku stručnu spremu nije u mogućnosti da realizuje puni penzijski staž radi ovakvih mjera koje su poduzete. Smatram da bi trebalo što prije krenuti bez ikakvih dodatnih obrazloženja, da se sada javlja višak kadrova i da se ponovo vrati na osmogodišnje obrazovanje i da se omogućiti da se ono već sprovodi odnosno da bude prelomni trenutak polazak u peti razred. Da se ne čekaju nove generacije i na taj način ova greška koja je za mene stvarno velika, ispravi. Drugo pitanje, upućeno Ministarstvu je ustvari da mi se objasni koji je benefit skraćivanja časova u ovom periodu, znači svjesni smo ovog velikog aero zagađenja, odnosno šta učenici tim dobijaju. Koliko je meni poznato, te mjere se odnose na sprječavanje kretanja ulicom, da su djeca izložena što manje štetnim uticajima, međutim sa ovim skraćivanjem časova ništa se ne dobiva nego smo čak došli u jednu apsurdnu situaciju gdje su roditelji opterećeni šta da rade sada sa djecom po završetku skraćene nastave. Hvala.

**Poslanik/zastupnik Hamed Aljović:**

Poštovana predsjedavajuća, poštovani kolegice i kolege zastupnici, poštovani premijeru i ministri, poštovani građani Kantona Sarajevo, sve vas srdačno pozdravljam. Moje prvo pitanje upućeno je Kantonalnom javnom preduzeću Sarajevo šume doo Sarajevo. Molim direktora KJP Sarajevo šume doo Sarajevo da mi odgovori ko ovjerava finansijski izvještaj u KJP Sarajevo šume doo Sarajevo i koju funkciju obavlja u preduzeću. Obrazloženje. Članom 37 stav 2 Zakona o računovodstvu i reviziji u FBIH SL novine FBIH broj 83/9 propisano je da finansijske izvještaje pravnog lica, pa i one štampane na računaru moraju biti ovjereni i potpisani i pečatom certificiranog računovođe. U praksi kod pojedinih pravnih lica u FBIH finansijski izvještaj ovjeravaju izvršni direktori za finansije što je u suprotnosti sa gore navedenim zakonom.

Moje drugo pitanje upućeno je prema Ministarstvu pravde i uprave Kantona Sarajevo. Molim ministra pravde i uprave Kantona Sarajevo da mi odgovori koje aktivnosti su poduzeli na izradi nacrtu Zakona o lokalnoj samoupravi Kantona Sarajevo i kada će se isti uputiti prema Vladi i Skupštini Kantona Sarajevo. Obrazloženje: član 58 Zakona o principu lokalne samouprave FBIH Službene novine FBIH broj 49/6 i broj 51/9 kantoni su bili dužni uskladiti svoje zakone sa ovim zakonom te izvršiti prijenos poslova i nadležnosti kao i odgovornosti dodijeljenih jedinicama lokalne samouprave. Ovim zakonom u roku od 6 mjeseci od dana njegovog stupanja na snagu Zakon je stupio na snagu 2006 godine a Kanton Sarajevo nije ni do danas izvršio svoju zakonsku obavezu. Zahvaljujem.

**Poslanik/zastupnik Neira Avdibegović:**

Hvala uvažena predsjedavajuća. Pozdravljam sve prisutne u sali kao i gledatelje ispred malih ekrana. Ja za danas imam jednu zastupničku inicijativu upućenu Ministarstvu saobraćaja Kantona Sarajevo. Inicijativa se odnosi na rješenje problema sa kojim se vozači susreću prilikom vožnje iz pravca naselja Koševsko brdo ulicom Jukićeva prema Vogošći.

Obrazloženje: Poštujući trenutno važeću saobraćajnu signalizaciju i znakove, prilikom vožnje iz pravca naselja Koševsko brdo ulicom Jukićeva ne postoji mogućnost uključenja na cestu koja vodi ka Vogošći, a da se pritom ne načini prekršaj.

Naime, na jednom uključenju iz ulice Jukićeva na ulicu Alipašina, koja vodi ka Vogošći, nalazi se saobraćajni znak "zabrane skretanja", a na drugom križanju, koje se nalazi preko puta benzinske pumpe Gazprom, nailazimo na punu liniju. Savjesni vozači koji saobraćaju ovom relacijom, kao i stanovnici naselja Koševsko brdo, su primorani kružiti kroz naselje Ciglane, kako bi se bezbjedno uključili na cestu koja vodi ka Vogošći, a što predstavlja dodatne i bespotrebne kilometre i vrijeme.

S druge strane, veliki broj vozača na ovom mjestu svakodnevno čini prekršaje, uključivanjem na cestu preko pune linije, a posebno u jutarnjim i poslijepodnevnim satima, kada su evidentne velike gužve na ovom pravcu. Na ovaj način se ugrožava bezbjednost svih učesnika u saobraćaju, te sa ciljem otklanjanja ove opasnosti molim da resorno Ministarstvo razmotri moju inicijativu i utvrdi najbolje rješenje za ovaj problem.

**Poslanik/zastupnik Sabahudin Delalić:**

Zahvaljujem predsjedavajuća. Sve srdačno selamim i pozdravljam kao i gledaoce pored malih ekrana. Ja imam dvije zastupničke inicijative ali da ne bih gubili vrijeme ja ću ih dostaviti u pisanoj formi. Zahvaljujem.

**Poslanik/zastupnik Selma Filipović:**

Hvala. Poštovana predsjedavajuća, koristim priliku da pozdravim sve prisutne kao i gledaoce Kantona Sarajevo. Imam jedno pitanje odnosi se prema Ministarstvu unutrašnjih poslova. Za

pohvalu je što je policijski komesar Kantona Sarajevo gospodin Vahid Čosić izvršio temeljnu procjenu sigurnosne situacije i razmijenio informacije sa svim obavještajnim i sigurnosnim agencijama u BIH putem Interpola te osigurao da za najluđu noć u godini u glavnom gradu BIH budu pojačane mjere osiguranja. One su bile pojačane i kvalitetne i prilikom posjete Pape Franje Sarajevu i BIH i to je za svaku pohvalu, ali šta je sa nama običnim građanima Sarajeva koji su svakodnevno izloženi nesigurnosti, neefikasnosti i neradu institucija koje imaju obavezu da osiguraju siguran život građanima. Svakodnevne krađe auto-mafije, pljačke prodavnica, banaka, paljevine automobila, sitne krađe unose veliku dozu nemira među građanima a adekvatne reakcije države ne vidimo. Tragično je da se građani moraju sami organizovati da bi se sebi osigurali sigurnost imovine i života. Ovim putem tražimo da komesar Tužilaštvu Kantona Sarajevo i MUP Kantona Sarajevo u saradnji sa svim sigurnosnim agencijama u BIH, MUP RS-a, SIP-om, FUP-om, državnim Tužilaštvom pokrenu aktivnosti ili osiguraju sigurniji život građana našeg grada. Na kraju postavljam pitanje ministru MUP-a da mi odgovori koliki broj krađa automobila od ukupnog broja se odnosi na krađu u Kantonu Sarajevo te u nadležnosti kojeg tužilaštva je da postupa u slučajevima krađa automobila kada se isti sa teritorije Kantona Sarajevo gdje se desi krivično djelo transportuju na teritorij RS-a. Hvala lijepo.

**Poslanik/zastupnik Bibija Kerla:**

Hvala predsjedavajuća. Pozdravljam sve prisutne, pozdravljam gledaoce i koristim priliku da čestitam svima predstojeću Novu godinu i ja se nadam da će sljedeća biti daleko uspješnija što se tiče, ne samo našeg rada nego i inače mira u BIH. Ja imam samo ustvari dva pitanja. To je jedno pitanje za Ministarstvo poljoprivrede. Mogu li ja dobiti spisak svih dobitnika podsticaja u 2015 godini, jer po mom saznanju postoji ne samo da kažem nepravilnosti nego čak šta više i kriminalne radnje u toj oblasti. I dalje, tražim spisak iz računovodstva Skupštine Kantona Sarajevo o prekovremenim satima svih ministara i zaposlenih u Skupštini Kantona Sarajevo. Hvala lijepo.

**Poslanik/zastupnik Predrag Kojović:**

Zahvaljujem predsjedavajuća i pozdravljam sve prisutne. Ja sam imao dva pitanja koja su vrlo konkretna i vezana ustvari za rad ove Skupštine. Prije svega nisam dobio odgovor na pitanje koje sam postavio na prošloj sjednici kada sam tražio da Vlada obezbjedi spisak onih poslanika koji obavljaju određene ili su imenovani u rukovodeće strukture JU, kao i onih poslanika koji se nalaze u raznim komisijama koje se osnivaju pri ministarstvima. To što nisam odgovor dobio ja mislim već dovoljno govori za sebe. Ali ja ću insistirati na svakoj sjednici dok ne dobijem ovaj odgovor. Drugo moje pitanje se također odnosi na nešto što se tiče ove Skupštine, a radi se o sljedećem. Nakon nekoliko pokušaja da na Kolegiju nametnemo kao tačku dnevnog reda pitanje mi to zovemo, primanja dvostrukih naknada, znači gdje profesionalni zastupnici osim plate primaju i paušale. Mi smo tu inicijativu pokrenuli na prethodnoj Skupštini. Skupština je glasala da se ta tačka dnevnog reda uvrsti na sljedeću sjednicu. Ja ne razumijem, volio bih da čujem obrazloženje zbog čega ta tačka dnevnog reda nije na današnjoj sjednici jer sada to više nije pitanje Kolegija. Kada Skupština donese zaključak to se jednostavno mora primijeniti a nije urađeno iako su rađene nadopune dnevnog reda. Eto toliko. Hvala.

**Predsjedateljica:**

Hvala gospodine Kojoviću. To ćemo razmatrati na sljedećoj redovnoj sjednici. Eto samo da imate odmah odgovor.

**Poslanik/zastupnik Sabina Čudić:**

Radi se o inicijativi koju sam ja u pismenom obliku podnijela prošli put ali je izostalo izjašnjenje, vjerovatno mojoj greškom jer nisam na prošloj sjednici na tome insistirala koja



zahtijeva izjašnjenje Skupštine Kantona Sarajevo. Radi se o prijedlogu zajedničke inicijative prema Vladi FBiH za izmjene Zakona o posredovanju u zapošljavanju i socijalnih sigurnosti nezaposlenih osoba. Kao što sam obrazložila na prošloj sjednici radi se o problemu koji se tiče nezaposlenih osoba, a kojima je ukinuto pravo registracije na birou po osnovu, po mogućnosti jednokratnog ugovora od 208 KM, što predstavlja 25% prosječne plate a što nije naravno dovoljan iznos da bi se osoba smatrala zaposlenom odnosno da bi izgubila pravo na zdravstveno osiguranje. Zato pozivam, tražim od zastupnika i zastupnica u ovoj Skupštini da podrže zajedničku inicijativu prema Vladi FBiH za hitne izmjene člana 3 Zakona o posredovanju u zapošljavanju i socijalnoj sigurnosti nezaposlenih osoba kako bi se ukinula odredba kojom lica koja ostvare mjesečni prihod kao što sam rekla veći od 25% prosječne plate gube status nezaposlene osobe. Mislim da ne smijemo dopustiti nastavak prakse u kojoj se lica koja ostvaruju prihod niži od minimalne plaće tretiraju kao zaposlene osobe odnosno ne mogu ostvariti prava koja im pripadaju na polju posredovanja u zapošljavanju i socijalne sigurnosti a posebno naravno kada je u pitanju zdravstveno osiguranje čime se ja mislim i Ustav BiH odnosno da bi se ovo pitanje moglo potegnuti i u Strazburu. Dakle pozivam kolege da se na kraju ove tačke dnevnog reda izjasne da li podržavaju da uputimo inicijativu ka Federalnom parlamentu u čijoj je nadležnosti ovo pitanje. Hvala.

**Poslanik/zastupnik Zvonko Marić:**

Hvala predsjedavajuća. Pozdravljam srdačno sve prisutne u Sali i neizostavno gledatelje koji prate ovaj TV prenos. Moje pitanje se odnosi nešto slično je kolegici Selmi Filipović, ali prije toga samo da kažem, budući da sam i ja tražio te statističke podatke vrlo je indikativno i izaziva konfuziju kod ljudi koji to prate čak i u medijima da je nedavno objavljeno kako je na području cijele FBiH ukradeno 46 automobila. Međutim samo na području Kantona se ukrade blizu hiljadu u prosjeku automobila u toku jedne godine. To je vrlo zabrinjavajući podataka s obzirom ako se usporedi na Banja Luku gdje se ukrade u šest mjeseci 78 automobila a onda to stvara jako lošu sliku i imidž gradu Sarajevu. Stoga, dakle pitam definitivno ako može da mi se odgovori iz policijskih struktura, prije svega mislim na komesara i operativni dio policije, kako i na koji način zaštititi građane od te pošasti koja je zahvatila glavni grad BiH jer sinoć znamo da su ukradena tri automobila na području Bjelašnice. I ako imate podatak i ako čujete od građana koji dođu u Sarajevo da borave ali i spavaju na Palama i ostavljaju automobil i dolaze taksijem zato što im je tamo sigurnije za automobile, molim da mi se odgovori koje ćete mjere poduzeti da se zaštite građani od toga i svi turisti koji žele da posjete ovaj grad. Nanose štetu i turizmu i mnogim oblastima a posebice mislim na ovaj i te kako loš imidž koji se stvara o glavnom gradu BiH. Hvala.

**Poslanik/zastupnik Mersiha Mehmedagić:**

Zahvaljujem predsjedavajuća. Pozdravljam sve prisutne kao i građane Kantona Sarajevo koji prate današnje zasjedanje. Naime ja sam na sjednici 07.10.2015.godine postavila pitanje vezano za koncesije. Pitanje upućeno Ministarstvu privrede i Vladi Kantona Sarajevo pa ću ga ponovo pročitati. Koje konkretne mjere su poduzete ili se planiraju poduzeti kako bi se obezbjedila decidna primjena ugovora o koncesiji i unaprijedili mehanizmi naplate koncesione naknade. U prilogu sam tražila da mi se dostavi detaljan pregled obaveza i uplata po korisnicima za eksploataciju mineralnih sirovina i voda po osnovu potpisanih ugovora o koncesiji i odluke o plaćanju nadoknade za istraživanje i eksploataciju mineralnih sirovina i vode za 2014. tražila sam pregled korisnika koji eksploatišu prirodne resurse bez zaključenog ugovora, zahtjeva za pokretanje tužbi za korisnike koji krše potpisani ugovor i odluku, odobrenja za eksploataciju mineralnih sirovina i vode za 2015 godinu i dodijeljenih koncesija u 2015 godini. Mislim da obrazloženju nije potrebno ponovo čitati. Radi se naime o pitanju koje inicira transparentniji proces praćenja i zaključivanja ugovora, novih koncesija i praćenje naplate prethodno zaključenih ugovora o koncesiji. Zahvaljujem.

**Poslanik/zastupnik Rasim Smajić:**

Zahvaljujem predsjedateljice. Pozdravljam sve prisutne u sali kao i gledaoce pored malih ekrana. Ja imam dva zastupnička pitanja. Jedno se odnosi na, upućeno će biti Ministarstvu za boračka pitanja tj ministru Muharemu Fiši. Molim ministra za boračka pitanja da mi odgovori ko su članovi svih komisija koje su formirane u Ministarstvu za boračka pitanja od 2015 godine, da mi se dostave spiskovi sa imenima i prezimenima kako i stručnom spremom svih članova komisija sa posebnim osvrtom na stručne komisije. Također zahtijevam da se navede na koji period su imenovani i koja im je visina naknade. Ukoliko uvaženi ministar ne odgovori u što kraćem mogućem roku isto pitanje postavljam premijeru Vlade Kantona Sarajevo Elmedinu Konakoviću. I moje drugo zastupničko pitanje odnosi se , upućeno je Ministarstvu prostornog uređenja i okoliša, ministru Čedomiru Lukiću. Molim ministra za prostorno uređenje i okoliš da mi odgovori šta je sa glamurozno najavljenim projektom I 13, ili E 30, ne znam više ni kako se zove. Znam da je na području Opštine Novo Sarajevo. Kao i je li istina da je firma Rama glas pokrenula sudski spor protiv ovog projekta, ako jeste i koji je razlog. Također molim ministra da mi odgovori da li je postupak dodjele građevinske dozvole bio sproveden po zakonu propisanoj proceduri, kao da mi se dozvoli uvid u čitav postupak od samog početka. Također želim da vas pitam zašto nisam bio pozvan na javnu raspravu iako sam uredno prijavio na oglas objavljeni u printanim medijima po pitanju izdavanja ekološke dozvole za gore navedeni projekat. Molim pismeni odgovor i u što kraćem roku za obadva moja zastupnička pitanja. A što se tiče mog zastupničkog pitanja postavljenog na prošloj sjednici tražio sam od uvažene sekretarice Skupštine Kantona Sarajevo da mi dostavi spisak svih zastupnika iz Skupštine Kantona a koji su predstavnici u Domu naroda FBiH, da mi dostavi imenom i prezimenom ko je primao paušale u Skupštini Kantona i u Domu naroda. Znači trebalo je ići sa zahtjevom prema Domu naroda da se dostavi spisak svih zastupnika iz Skupštine Kantona u mandatu 2014 – 2018 jer postoje indicije da su pojedini zastupnici primali paušale i u Skupštini Kantona i u Domu naroda. Isti ti zastupnici pokreću inicijative da se ukinu zastupnicima u Skupštini Kantona paušali tj naknade koje primaju u Skupštini Kantona. Toliko, hvala.

**Poslanik/zastupnik Segmedina Srna Bajramović:**

Zahvaljujem uvažena predsjedavajuća za riječ i pozdravljam sve prisutne. Ja imam dva pitanja. Prvo upućujem prema Ministarstvu unutrašnjih poslova. Prema ministru unutrašnjih poslova. Naime, raspoložem informacijom da se u MUP-u nalazi ogroman broj inozemnih kaznenih listova. Dokumenta koji su pandan našim sudskim presudama izrečenim našim građanima u inostranstvu, uglavnom u zemljama EU. Kaznena prekršajna evidencija vodi se prema mjestu rođenja, tako da nakon što se preko ministarstva inostranih poslova ili Interpola ti dokumenti dostave u BiH šalju se u MUP koji je dužan te inostrane kaznene listove promptno dostaviti ovlaštenim sudskim tumačima ili prevoditeljima nakon čega se tekst tih dokumenata verificira od strane naših sudova i vraća se ponovno u MUP radi uvođenja tih osoba u odgovarajuću evidenciju kaznenu prekršajnu. Naime 2011 godine kao jedan od uslova za liberalizaciju viznog režima od strane EU naložene su između ostalog i mjere uspostavljanja elektronske baze podataka u kojima su trebale biti i ove baze. Krivična, prekršajna i operativna baza, uz obavezu da te inoformacije imaju odgovarajući protok informacija kako u zemlji tako i sa policijskim tijelima drugih zemalja i za ovo je važno je napomenuti, EU izdvojila značajna sredstva i donirala opremu. Ali je prema mojim informacijama te baze podataka nikada nisu zaživjele niti stavljene u funkciju do kraja. Molim ministra da se ova informacija provjeri i obrazloži. Ako se ispostavi da je tačna u svjetlu sve većih sigurnosnih izazova, konkretno terorističkih napada, prijetnje terorizmom i drugih oblika ekstremizma, posebno zabrinjava činjenica da bi se u tim dokumentima mogli skrivati okorjeli kriminalci. Pa i teroristi. Dakle molim provjeru ove informacije i imena

odgovornih osoba zašto nikada ova baza podataka nije zaživjela, ako se utvrdi tačnost ovoga što sam rekla. Moje drugo pitanje upućujem ministru obrazovanja. Naime, kao što je široj javnosti i građanima Kantona Sarajevo poznato cijena vrtića u JU Djeca Sarajeva je od oktobra povećana za 20 KM. Pošto sam se za ovu inicijativu zalagala još u prošlom mandatu njen cilj je bio unapređenje zdravlja djece te smanjenje bolesti nastalih kao posljedica loših prehrambenih navika. Dakle u pitanju je bilo uvođenje standarda i normativa prehrane koji bi bili važeći u svim vrtićima JU Djeca Sarajeva. Zanima me šta se postiglo povećanjem, odnosno u šta je investiran novac kada djeca još uvijek za doručak i užinu imaju džem i eurokrem, dakle jaja, mlijeko i mliječni proizvodi se već više od pola godine ne nabavljaju. Obećano je uvođenje HASAP sistema kontrole što se koliko znam još uvijek nije desilo. Ukratko sve je ostalo isto. Toliko zahvaljujem.

**Poslanik/zastupnik Mario Vukasović:**

Zahvaljujem predsjedavajuća. Pozdravljam sve prisutne kolege, ministre, gledaoce kraj malih ekrana. Moje pitanje danas, odnosno dvije inicijative upućene su Ministarstvu saobraćaja, a tiču se postavljanja usporivača brzine u Općini Novo Sarajevo na dvije lokacije. Jedna lokacija jeste u Ulici Azize Šaćirbegović u blizini OŠ Vladimir Nazor, a druga se odnosi na postavljanje usporivača brzine u Ulici Trg Heroja u blizini OŠ Hrasno. Naime, radi se kada govorim o usporivačima brzine u Ulici Azize Šaćirbegović, radi se o ulici koja prolazi kroz naselje, koja ima tri trake i gdje svakodnevno automobili jure velikom brzinom, pretiču preko pješačkih prelaza i u posljednjih deset godina nebrojeno puta se desilo da su pješaci tu nastradali ili bivali povrijeđeni. Što se tiče usporivača brzine na Trgu heroja, otvaranjem prolaza sa druge strane Trg heroja se pretvorio u pravu saobraćajnicu. Uz dječji, odnosno šareni park nalazi se ulica kojom vozači jure i ta ulica se također nalazi u blizini OŠ Hrasno te bih zamolio Ministarstvo saobraćaja ukoliko ove ulice i nisu u njihovoj nadležnosti da apeluju prema Općini Novo Sarajevo da se ove dvije stvari realizuju. Hvala.

**Predsjedateljica:**

Evo sa ovim smo iscrpili prvu tačku dnevnog reda poslanička/zastupnička pitanja i inicijative. Sada bih dala na glasanje prijedlog gđe Sabine Ćudić koja je dala prijedlog zajedničke inicijative prema Vladi Federacije BIH, to ste dobili sada u printanoj formi, pa bih voljela da se sada izjasnimo o njenom pitanju.

Ko je za? Ko je protiv?

Temeljem glasanja dobili smo ZA 24, protiv ništa i suzdržan 1.

**Dakle, konstatujem da smo usvojili Inicijativu gospođe Sabine Ćudić.**

Prelazimo na drugu tačku dnevnog reda.

**AD – 2.**

**PRIJEDLOG BUDŽETA KANTONA SARAJEVO ZA 2016. GODINU**

Prijedlog budžeta ste dobili uz poziv za sjednicu. Molim predstavnika Predlagača da podnese uvodne napomene. Izvolite ministre Halebiću. Molim služba neka provjeri poslanike gdje su.

**Ministar Jasmin Halebić:**

Ministar je prvom dijelu obraćanja podnio uvodno izlaganje u formi powerpoint prezentacije. U drugom dijelu, ja imam obavezu da se osvrnem na onaj formalni dio na amandmane koje smo dobili u toku javne rasprave.

Zbog toga ću preći za govornicu. Dakle u toku javne rasprave pristiglo je ukupno 18 amandmana. Zatim smo imali dva prijedloga od strane skupštinskih komisija a i Vlada je uložila ukupno pet amandmana. Amandmani su došli od strane Kluba zastupnika BOSS

Nermin Bjelak, amandman SDP BiH Segmedina Srna Bajramović, Amandman zastupnika Hameda Aljovića, te stavovi na izvještaj komisije za prostorno uređenje, stambeno komunalnu politiku, infrastrukturu i zaštitu okoliša.

Ako dozvolite ja ću ove amandmane pročitati nastojeći da vas ne opterećujem brojevima prekomjerno jer se svi ovi brojevi u smislu pozicija nalaze u materijalima.

Klub zastupnika BOSS Nermin Bjelak na prijedlog budžeta Kantona Sarajevo za 2016 godinu je podnio amandman koji se odnosi na prijedlog da se prihodovna strana JU Gerontološki centar uveća i da ona sa 300.000 KM iznosi 350.000 KM. A na poziciji sufinansiranje materijalnih troškova.

Obrazloženje: potrebno je povećati izdvajanja sredstava u cilju ulaganja u održavanje objekata i opreme u 2016 godini.

Stav predlagača je da se Amandman prihvata na način da se umanjuje pozicija sa pripadajućeg razdjela ugovorene i druge posebne usluge za iznos od 50.000 KM na resornom Ministarstvu i da se povećava pozicija pa onda broj kao u materijalu na ime podrške radu i materijalnih troškova sufinansiranja materijalnih troškova KJU Gerontološki centar.

Zatim Klub zastupnika SDP Segmedina Srna Bajramović na prijedlog budžeta za 2016 godinu podnijela je amandman da se naknade, takse i prihodi sopstvenih djelatnosti poveća za minimalno 15.100.000 i to u dijelovima naplate naknade za parkirališta, korištenja prirodnih resursa, korištenja površinskih i podzemnih voda, za industrijske procese, korištenje šuma, veterinarskih usluga i sanitarnih pregleda.

U obrazloženju ovog amandmana navodi se da su usvojenim izmjenama i dopunama budžeta Kantona Sarajevo za 2015 godinu utvrđena sredstva u iznosu od 75 miliona KM u dijelu prihoda i da su ona u nacrtu budžeta za 15 miliona bila manja. Međutim riječ je o razgraničenjima koja u ovom trenutku nisu poznata tako da je stav predlagača da se amandman je prihvata. Razgraničenje iz 2015 godine će biti poznata u 2016 godini nakon izrade Završnog računa i naknadno će se uvrstiti u Budžet Kantona Sarajevo odlukom Vlade.

Sljedeći amandman je bio da se u svim glavama i potrošačkim jedinicama ekonomskog koda koji je odnosi na plaće i naknade troškova zaposlenih a gdje nije došlo do novog zapošljavanja predviđeni iznosi umanje i vrate na iznose iz 2015 godine.

U obrazloženju se navodi da je uočeno da se kod određenih ministarstava sredstva predviđena za plate i naknade zaposlenih povećavaju u odnosu na 2015 godinu.

Stav je predlagača da se amandman je prihvati. A plaće i naknade troškova zaposlenih planirane su u skladu sa postojećim koeficijentima, radnim stažom, koji se tokom vremena uvećavaju kao i ostalim potrebnim naknadama troškova zaposlenih. A ja sam spomenuo uvećane otpremnine.

Sljedeći amandman je da se u osnovnom obrazovanju na poziciji plaća i naknada zaposlenih iznos poveća za 4,5 miliona KM.

Obrazloženje je da je izdatak za plaće i naknade uposlenih u osnovnom obrazovanju umanjen za 4,5 miliona KM i da se istovremeno predviđa umanjene broja zaposlenih za 280. zatim se navodi da je u Ekspozeu premijera uočeno da se će se zalagati za poboljšanje uslova u obrazovanju naročito osnovnog obrazovanja u Kantonu Sarajevo. Pokušavam da skratim. Spominje se također racionalizacija u osnovnom obrazovanju, raskidi ugovora, umanjivanje prava u osnovnom obrazovanju, i na taj način ostvarene uštede. Stav predlagača je da se amandman ne prihvata a obrazloženje je da prihodi od 15 miliona na koje se poziva ovaj amandman, ja sam ranije već objasnio, zapravo su razgraničenja. Tako da ovo povećanje zapravo nije moguće.

Naredni amandman je da se poveća Fond transfer za nauku, istraživanje i razvoj na 1,5% planiranog budžeta čime bi se obuhvatili svi istraživačko razvojni projekti i svi naučni programi koji se realiziraju u okviru UNSA. Obrazloženje je da su naravno nauka najjači resurs iz kojeg proistiće svaka stabilna jednog društva. Zatim se poziva na situaciju amandman u okruženju i činjenicu da se izdvaja više za nauku u ostalim zemljama u okruženju nego kod nas. Stav predlagača je da se amandman je prihvata a obrazloženje efikasno upravljanje troškovima ustanova nauke koje se finansiraju kroz transfer nauke moguće je jedino kada se te ustanove nauke premjeste u trezor. Dakle kada se njihovo finansijsko poslovanje bude odvijalo putem Trezora u tom momentu će se moći efikasno upravljati troškovima na ovoj poziciji.

Sljedeći amandman je da se uvrsti u budžet Kantona Sarajevo pozicija finansiranja općinskih vijeća mladih u ukupnom iznosu od 12.000 KM i da bude taj iznos podjednako raspoređen ka svim općinskim vijećima mladih u Kanton Sarajevo. U obrazloženju se navodi da je to minimalan iznos koji je neophodan da se pokriju troškovi funkcionisanja vijeća mladih te se poziva na zakonsku regulativu koja normira ovu oblast. Stav predlagača je da se amandman ne prihvata a obrazloženje je da će se finansiranje razmotriti i eventualno uvrstiti u budžet kada se formira Kantonalno vijeće mladih.

Naredni amandman je da se u dijelu za neprofitne organizacije doda novi kod Transferi neprofitnim organizacijama koje se bave pitanjima ekonomskog osnaživanja žena i mladih. I da se sredstva koja se sada realizuju na poziciji kantonalne agencije za privatizaciju umanje za 10% što bi bilo ekvivalentno iznosu od 35.000 KM. Obrazloženje je da je cilj ovoga granta osnaživanje nezaposlenih mladih žena pri aktivnom uključivanju na tržište rada i to u sistem podrške zapošljavanju i samozapošljavanju dugoročno nezaposlenih i manje obrazovanih mladih i podršku mladima i stjecanje znanja i vještina koje će im omogućiti socijalnu koheziju i razvoj međusobne solidarnosti. Zatim se navodi da bi se kroz ovaj grant kreirala osnova za socijalno ekonomsku inkluziju dugoročno nezaposlenih manje obrazovanih mladih kojima prijeti u protivnom socijalna isključenost.

Stav predlagača je da se amandman ne prihvata a obrazloženje transferi neprofitnim organizacijama izvršavaju se na osnovu javnog poziva za određenu godinu u okviru pripadajućih resora i putem javnog poziva se neprofitne organizacije odabiru za finansiranje. Zbog nedostatka sredstva transfer koji se ovdje navodi u amandmanu nije moguće uvažiti.

Sljedeći amandman je bio ideja o formiranju Foruma sigurnosti. A amandman glasi u budžetu je neophodno izdvojiti sredstva za formiranje tijela za djelovanje i unapređenje sigurnosne situacije u Kantonu Sarajevo. Umanjivanjem za 1% sredstava KAP-a što bi iznosilo oko 3500 KM. Dato je i adekvatno obrazloženje ovoga amandmana. Pored ekonomske nesigurnosti kroz stalna poskupljenja komunalnih usluga i troškova života u kantonu posljednji period svjedoci smo enormnog porasta krivičnih djela, oružanih pljački i paljevina uništavanja tuđe imovine, krađe automobila, svakodneвно pucanje iz vatrenog oružja na sarajevskim ulicama. Neophodna je izgradnja zajedničke odgovornosti za lokalnu sigurnosnu situaciju kroz primjenu preventivnih mjera i aktivnosti koja može u značajnoj mjeri unaprijediti život i razvoj lokalne zajednice a što bi bilo u domenu rada Foruma sigurnosti. Stav predlagača je da se amandman je prihvata. Obrazloženje. Unutar razdjela MUP-a postoji niz aktivnosti na rješavanju i unapređenju sigurnosne situacije u Kantonu Sarajevo.

Zatim je tu jedan broj amandmana koji je došao od strane zastupnika Hameda Aljovića  
Amandman I

Na ekonomskom kodu kao u materijalu - Bruto plaće i naknade kroz ovaj amandman se predlaže umanjeње za 1 milion KM a riječ je povjerenicima sindikata u osnovnim školama u

Kantonu Sarajevo i njihovom angažmanu u Sindikatu. Iz ove budžetske stavke isplaćuje se iznos od  $\frac{1}{4}$  a kantonalnom sindikalnom predsjedniku i povjereniku od  $\frac{1}{2}$  nastavničke ili profesorske plaće. Zatim se navodi da je sindikat organizacija civilnog društva i da bi se uposlenici osnovnih škola trebali plaćati za svoj rad i samo za svoj rad u nastavnom procesu a ostala njihove aktivnosti kao što je ova sindikalna bi trebale biti regulisane drugim Zakon om ili se obavljati na volonterskoj osnovi.

Usvajanje amandmana bi uštedilo 1 milion KM. Riječ je o amandmanu za osnovno obrazovanje.

Stav predlagača je da se amandman ne prihvata. Plaće i naknade troškova zaposlenih su za sve budžetske korisnike planirane u skladu sa postojećim koeficijentima, radnim stažom kao i ostalim potrebnim naknadama troškova zaposlenih.

Amandman II je povezan sa ovim amandmanom a on govori o izdacima za nabavku građevina odnosno izgradnju fiskulturne sale u JU 7 osnovna škola na Ilidži u iznosu od 1 milion KM. Dakle ideja je da se prethodnim amandmanom uštedi 1 milion KM i da se taj iznos uloži i investira u izgradnju fiskulturne sale. Navodi se da školu pohađa 700 učenika. Kao i to da za ovu fiskulturnu salu već postoji glavni projekat. Stav predlagača je da se amandman ne prihvata a s obzirom na nemogućnost umanjnja sredstava predloženih u amandmanu 1.

Sljedeći amandman se odnosi na srednjoškolsko obrazovanje uz istu ideju. Dakle tim amandmanom se predlaže odnosno njegovim usvajanjem se predlaže ušteta o 500.000 KM. Amandman se ne prihvata uz obrazloženje kao što je da to u prethodnom amandmanu da su plaće i naknade troškova zaposlenih regulisane zakonima.

Sljedeći amandman je da se u budžetu za Ministarstvo za boračka pitanja uvrsti budžetska stavka pod nazivom sredstva za dodjelu pomoći za otplatu poljoprivrednih kredita boračke populacije u iznosu od stotinu hiljada KM uz obrazloženje da je proteklih godina putem komercijalnih banaka građanima Kantona Sarajevo u Ministarstvu privrede Kantona Sarajevo plasirano, odnosno putem ministarstva plasiran određen broj poljoprivrednih kredita i da je povrat tih kredita iz opravdanih razloga usporen. Cilj ovoga prijedloga je pomoći ovoj kategoriji stanovništva, dakle pripadnicima boračke populacije u olakšavanju ionako složene situacije u kojoj se oni nalaze. Formalni stav predlagača je da se amandman ne prihvata mada je ideja dobra i kroz resorno Ministarstvo će ova ideja biti u nešto manjem iznosu od 50.000 KM realizovana. Dakle sa pozicije u okviru ministarstva za boračka pitanja (nerazumljivo) jednokratne novčane pomoći ova sredstva će biti predmetom realizacije.

Sljedeći amandman je da se JKP Trnovo umjesto prijedlogom planiranih stotinu hiljada KM iznos poveća na 250.000 KM uz obrazloženje da navedeno preduzeće ima nadležnost za 22 vodovodna sistema te da ima visoke troškove redovnog održavanja, čišćenja vanjskog uređenja itd. A planirana sredstva navedeno preduzeće bi uložilo u ugradnju vodomjera. Formalni stav predlagača je da se amandman ne prihvata, mada u prijedlogu Vlade, vidjet ćete to kasnije, ovaj stav je uvažen. I obezbjeđena u sredstva u iznosu od dodatnih 60.000 KM.

Amandman VI, naredni amandman je da se umanje sredstva za Razvojnu agenciju SERDA, umjesto planiranih 400.000 na iznos od 200.000 uz obrazloženje da SERDA se finansira pored Kantona Sarajevo mada je Kanton Sarajevo njen najveći finansijer i iz budžeta ostalih vlasnika SERDE, dakle stejkholdera i to iz budžeta jedinica lokalne samouprave za teritoriju koju SERDA svojim aktivnostima pokriva. Stav predlagača da se amandman ne prihvata.

Naredni amandman je da se nabavka materijala u JU Djeca Sarajeva umjesto planiranih 712.000 poveća na 900.000 uz obrazloženje da u navedenoj JU nedostaju osnovna sredstva za rad te da se često roditelji djece samoorganizuju i da kupuju neophodan materijal za rad. Stav predlagača je da se amandman ne prihvata. Amandman je nepotpun i ne predlaže se smanjenje drugih rashoda i izdataka sa kojih će se obezbjediti sredstva. Također Ministarstvo za obrazovanje i nauku će u slučaju potrebe za navedenim obezbjediti sredstva unutar svog razdjela jer Ministarstvo za obrazovanje ima to je poznato, najveći finansijski razdjel u okviru cijelog budžeta.

Naredni amandman je da se projekat škola u prirodi umjesto prijedlogom planiranih 155.400 KM poveća na iznos 200.000 uz obrazloženje koje sugerije da ovaj projekat ima višestruku korist za Kanton Sarajevo, njime bi se smanjio između ostalog i broj maloljetničke delinkvencije u Kantonu Sarajevo a stav predlagača je da se amandman ne prihvata zbog nedostatka sredstava.

Sljedeći amandman je da se transfer neprofitnim organizacijama udruženja građana umjesto na poziciji ministarstva finansija umjesto prijedlogom planiranih 80.000 umanjiti na 10.000 uz obrazloženje da se neracionalan čini prijedlog da ministar finansija može odabrati projekte za finansiranje UG u iznosu od 80.000 KM. Stav predlagača je da se amandman ne prihvata. Amandman nije potpun. U 2015 godini već je izvršena racionalizacija na ovoj poziciji od ranijih 100.000 KM. Iznos je smanjen na 80.000 KM.

Zatim imamo ono što nam je stiglo kao izvještaj sa sjednica skupštinskih komisija. I to Izvještaj Komisije za prostorno uređenje, stambeno komunalnu politiku, infrastrukturu i zaštitu okoliša koje su uputile prijedlog na budžet Kantona Sarajevo. Da se sredstva predviđena u Budžetu Kantona Sarajevo za utopljanje objekata koriste za utopljanje javnih objekata. U slučaju da je potrebno utopljanje stambenih objekata onda bi se dio sredstava trebao opredijeliti na individualne stambene objekte socijalnih slučajeva. I drugi prijedlog a se sredstva za infrastrukturno uređenje i rješavanje imovinsko pravnih odnosa u industrijskim zonama Ilijaš, Hadžići, Vogošća i Ilidža uvećaju za 500.000 KM. Stav predlagača je da se amandman djelimično prihvata. I to obrazloženje će biti pročitano u nastavku. Dakle pozicija na razdjelu Ministarstvo privrede, infrastrukturu uređenje i rješavanje imovinsko pravnih odnosa u industrijskim zonama Ilijaš Hadžić Vogošća i Ilidža će se uvećati za 400.000 KM a umanjiti će se pozicija u razdjelu Ministarstvo komunalne privrede pod nazivom studija izvodivosti sanacije i rekonstrukcije vodovodne mreže za iznos od 400.000 KM. Također smatram neophodnim za pomenuti da je u nacrtu ova stavka iznosila 210.000 KM i ovim uvećanjem 400.000 ukupna sredstva predviđena za infrastrukturne projekte u industrijskim zonama su je 610.000 KM.

Zatim imamo amandman kojim se otklanja jedan propust a to je da je na poziciji Skupština Kantona Sarajevo greškom konstatovan broj zaposlenih 27 a zapravo je riječ od 28 zaposlenih i u prijedlogu, u budžetu će taj propust biti otklonjen.

U okviru ministarstva komunalne privrede i infrastrukture predlaže se da su u okviru ekonomskog koda sufinsiranje Azila za pse Prača, da se taj kod briše i otvori nova stavka obezbjeđenje sredstava za prihvatilište pasa lutilica te da se pripadajući iznos prebaci na novu stavku. Zatim da se sa pozicije KJKP Rad nabavka mehanizacije za pražnjenje kontejnera sredstva prebace na ekonomski kod kao u materijalu te da se otvori nova stavka i da se postojeća sredstva prebace na novu stavku. Također predlaže se da se sa ekonomskog koda Studija izvodivosti sanacije i rekonstrukcije vodovodne mreže u okviru VIK-a sredstva

prebace na ekonomski kod kojim bi se otvorila nova pozicija a da se postojeća sredstva prebace na tu novu poziciju.

Zatim imamo amandmane u okviru kapitalnih transfera. I to za nekoliko općina. To su općine Stari GRAD, Centar, Novo Sarajevo, Novi Grad, Ilidža i Vogošća a riječ je o poziciji izgradnja, popločavanje i rekonstrukcija vodovodne i kanalizacione mreže i održavanje komunalne infrastrukture. Predlaže se da se takav opis pozicije briše te da se otvori nova pozicija pod nazivom Rekonstrukcija vodovodne i kanalizacione mreže putem VIK-a i da se postojeća sredstva prebace na novu poziciju.

Sljedeći prijedlog je da se sredstva kod KJKP Pokop umanje za 150 000 KM te da se u istom iznosu prebace na novo otvorenu stavku pod nazivom Otkup zemljišta na gradskom groblju Vlakovo.

Sljedeći amandman je iz domena saobraćaja. Umanjuju se dvije pozicije jedna od njih je izgradnja i rješavanje imovinsko pravnih odnosa na primarnim gradskim saobraćajnicama za 100 000 KM. A druga je program restrukturiranja Grasa za iznos od 97.000 KM te da se povećaju pozicije, dakle ovih 197.000 KM bi bilo raspoređeno na Ministarstvo kulture i sporta na projekat JEZZ fest za iznos 20.000 KM, zatim u okviru istog ministarstva nove pozicije troškovi pripreme reprezentacije za košarkaško prvenstvo u Španiji 50.000. te pozicija nova, Olimpijada u sjedećoj odbojci za iznos od 50.000 KM. U okviru ministarstva kulture i sporta prijedlog je da se sredstva na poziciji memorijalni malonogometni turnir Alija Izetbegović povećaju za 1900 KM čime bi ova pozicija iznosila u ukupnom iznosu 6000KM. Zatim da se na Kabinetu premijera ekonomski kod otvori nova pozicija izrada projektne dokumentacije za spomenik Ženi i da se doda iznos od 5000 KM. Da se u Ministarstvu finansija otvori pozicija finansira subanalitika JAN027 da se poveća za iznos od 20.000 KM. Da se u Ministarstvu za rad socijalnu politiku raseljena lica i izbjeglice doda nova pozicija u okviru UG Udruženje Radost života i da se doda iznos od 10.000 KM. Da se u Ministarstvu kulture i sporta otvori nova pozicija Gorska služba spašavanja u iznosu od 21 000 KM. Da se u Ministarstvu za rad i socijalnu politiku otvori nova pozicija udruženja građana civilne žrtve rata za iznos 20.000 KM. Da se u okviru Ministarstvo zdravstva otvori nova pozicija podrška organizaciji naučno istraživačkih skupova u iznosu 15 000 KM. A da se za isti iznos umanjí pozicija na Kabinetu premijera, Opština Srebrenica pokroviteljstvo obilježavanju godišnjice genocida nad Bošnjacima Srebrenice, sigurnosne zone UN-a za iznos od 15 000 KM. Da e u Ministarstvu komunalne privrede sredstva koja se dodjeljuju Radu umanje za 60.000 KM a da se poveća pozicija koja je bila predmetom jednog amandmana. Dakle JKP Trnovo za iznos od 60.000 KM. Zatim da se u okviru Ministarstvo za boračka pitanja sredstva za mjesečni dodatak za djecu RVI umanjí za poziciju 10.000 KM i da se otvori nova pozicija Transfer za poticaj zapošljavanju branilaca i članova njihovih porodica u iznosu od 10.000 KM. I u komunikaciji sa Našom strankom stigao je prijedlog da se otvore tri nova projekta. Jedan od njih je interaktivna IT nastava za najmlađe u iznosu od 30.000 KM. Zatim projekat baze talenata u iznosu od 7000 KM, i projekat Ljetna škola za mlade naučnike u iznosu od 30.000 KM. A pripadajuća sredstva su planirana umanjénjem na Ministarstvu za obrazovanje nauku i mlade sa pozicije Programi nauke za ukupan iznos od 67 000 KM.

Također, ovdje iznosimo i amandman na Zakon o izvršavanju budžeta a to je da se u članu 25 stav 5 iznos od 12 miliona KM zamjeni iznosom od 28 miliona KM. Dakle dodaje se iznos od 16 miliona KM. A riječ je o pokretanju projekta izgradnje vertikalnog transporta na Bjelašnici. I ovim izmjenama mi omogućavamo da se taj projekat koji je usvojen na Vladi u 2016/17 godini realizuje imajući u vidu predstojeće aktivnosti oko sportske manifestacije EYOF 2019 kao i naravno stimulaciju i dinamiziranje turizma na Bjelašnici i Igmanu.



Ja sam pročitao sve ove amandmane koristio sam mogućnost skraćivanja da bi smo evo uštedjeli na vremenu a materijali su dostavljeni integralno svim zastupnicima.

Poštovana predsjedavajuća evo ja sam izložio ovu tačku.

**Predsjedavajuća:**

Hvala lijepo. Evo za riječ se javlja naš premijer Dino Konaković.

**Premijer Elmedin Konaković:**

Pa i ja ću pokušati da ne budem ni izbliza ovako dug. Zaista kratko još opšti osvrt na naše korekcije u odnosu na Načrt. I da kažem još samo nekoliko stvari dodatnih pojašenja u odnosu na amandmane koji se odbijaju ili prihvataju. Prije svega konceptualno prijedlog SDP u kom se povećava ta prihodovna strana apsolutno prihvatamo. Samo je u ovom trenutku nemoguće odrediti ili zadužiti za izvršenje određenog iznosa sredstava neke od ustanova. Tako da mi uredbu na kojoj radimo smo morali zaustaviti trenutno zbog nekih sugestija iz kulture, jer taj segment sopstvenih prihoda je širokog polja i potpuno se slažemo da imamo ogromne potencijale u tom dijelu ali ih je teško projicirati budžetom. Mi smo sinoć u ovoj Sali imali sastanak sa svim budžetskim korisnicima, sa direktorima JKP, napravili smo prezentaciju budžeta sa akcentom na prihodovnu stranu u narednoj godini poseban dio sopstvenih prihoda. Iz tog razloga je tehnički nemoguće prihvatiti amandman i rasporediti ga na druge stvari za koje se također slažemo. Recimo

Te investicije u nauku a dijelom je odgovarao Halebić zašto u ovom trenutku prije integracije UNSA mislimo da nemamo prostora na budžetu a da imamo prostora na jedinstvenom računu UNSA u kojem smo, nećemo sada otvarati tu temu, preinteresantna je, detektovali prostor i za Zakon o studentskom standardu i za unapređenje nauke u kantonu. Prvi put digresija, imamo ove godine na poziciji 350.000 KM od racionalizacije, od ušteda direktno s budžeta. I mi mislimo da taj iznos nije dovoljan, ali na žalost u ovom trenutku ne možemo zaista učiniti ništa više od ovoga. Tako da i ova gruba, administrativna procedura u kojoj se kaže amandman se odbija, zaslužuje da samo još neke stvari ovdje prodiskutujemo. Kada govorimo o amandmanima kolege Aljovića, dakle tu također postoji prostor u Zakonu ili u kolektivnom ugovoru crpe se prava sindikata koja u članu 59 i 104 čini mi se, 59 osnovno, 104 srednje imaju prava trenutno da imaju manji broj radnih sati, pretvoreno u novac to predstavlja ove iznose, i mi smo počeli jučer razgovore o kolektivnom ugovoru. To je dio naših rasprava i prije nego što se eventualno to promijeni, također nije moguće na ovaj način reagovati. Još smo neke stvari, dakle hoću da se osvrnem na ono što sam s ove bine u ime ove Vlade obećao dakle činjenica da mi danas imamo bolje, veći budžet MUP-a, to smo nagovijestili, posebno na segmentu kupovine i nabavke opreme. I tu također očekujemo da je moguće povećanje na ovoj stavci, ali ponovo smo se vratili na onaj koncept koji zagovara ministar Halebić, realnog planiranja koji nam je dao sve ove rezultate u ovoj godini, realnog planiranja i racionalne potrošnje. I nadamo se nekom rebalansu ka gore, ukoliko se ovaj trend porasta prihoda u FBiH nastavi i ukoliko mi pojačamo tu prihodovnu stranu, onda možemo naravno govoriti o većim sredstvima na način na koji to planira MUP. Također smo oživjeli taj projekat nabavke stanova za boračku populaciju. Nije onakav kako je od nas tražila Koordinacija boračkih udruženja, ali mislim da je minimum koji ipak zadovoljava da se ta priča također nastavi i oživi da će ona također biti tretirana na način ako prihodi budu bolji u nekom rebalansa nastavit ćemo politiku koju smo najavili, evo budžetom smo je ovdje potvrdili. Imali smo također i ove neke sitne korekcije u kojem smo na kraju uradili, ubacivali smo te projekte sjedeću odbojku, Olimpijadu, kadetsko košarkaško prvenstvo, na zahtjev i predsjednika komisije Amela Mekića i komisije i naših zastupnika i javnosti, naravno to su neke sitne stvari kojima smo dodatno ojačali neka ministarstva, nekim sredstvima koja ponovo dolaze s te prihodovne strane. Dakle, ovo što je govorio Halebić o malom debalansu na platama. Dakle

ne prati nam taj rast, ustvari stabilizacija zapošljavanja s obzirom na nove prijeme i porast plata na kontu koji je uvećan za čini mi se 2 i nešto više miliona, od toga je 1,2 milion onih kadeta za koje smo planirali sredstva pa nismo utrošili pa je to ona razlika. Dakle, gro te razlike odnosi se na 129 novih uposlenika MUP-a koji to finansiraju sopstvenim prihodima i odnosi se na ove otpremnine o kojima je govorio Halebić i odnosi se na specifičnost, uštede i racionalizaciju, napravili smo u obrazovanju, a zapošljavamo 30 novih inspektora koji imaju mnogo veća primanja. U Tužilaštvu su također veća primanja, i naravno to je riječ o minulom radu koji se svake godine taj koeficijent blago povećava. To su stvari kojima mi eventualno nismo do kraja zadovoljni i mislimo da će u ovoj narednoj godini nakon ove bila je zaista, vjerovatno to osjetite i vi navala ljudi koji idu u ovu prijevremenu penziju tako da ta sredstva planirana od ustvari koja su planirana na otpremninama dodatno opterećavaju ovu stavku na budžetu i ona ne prati kvalitetno ovaj moratorij koji ćemo nastaviti u narednoj godini kvalitetno pratiti tu rashodovnu stranu. Dakle govorili smo o žičari. Ovdje smo napravili pretpostavku da ona ne opterećuje budžet ove godine izmjenama Zakona o izvršenju budžeta stvara se pretpostavka za dobar elaborat ovaj idejni projekat je polazni osnov koji je Vlada usvojila i do kraja ćemo razmotriti početkom januara tu opciju i krenut ćemo u realizaciju tog projekta. Riječ je o mogućem zaduženju do 16 miliona KM i koje se neće vjerovatno realizovati u ovoj godini i nećemo vraćati. Vjerovatno će u toku tih pregovora biti taj grejs period koji je ne opterećeva budžet ovogodišnji. Još jednom dakle akcenti naredne godine su prvi prioritet vodosnadbijevanje tu smo radili još jednu malu korekciju da ne bi smo sa opštinama ulazili u nesporazume kako se i na koji način rekonstruiše mreža. Nakon što uradimo dijagnostiku za koju smo predvidjeli novac, sada smo samo promijenili namjenu. U svim se opštinama i dalje realizuju projekti ali na osnovu dijagnoze ali ne na osnovu želje naše ili na osnovu želje lokalne zajednice. Da ne bi se sada bavili predizbornim načinom implementiranja ovih sredstava pa smo tu ovu malu tehniku ovim amandmanom Vlade korigovali tako da će ona biti implementirana u lokalnoj zajednici, ipak na osnovu struke a ne na osnovu nekih naših predizbornih ciljeva. Dakle, tu su prioriteti, sigurnost tu smo pokazali na ovom budžetu. Prioriteti su nastavak ove izgradnje stanove za boračku populaciju, oživljavamo i povećavali smo. Nismo smanjivali ništa osim kabineta premijera. Tu smo smanjivali neke cifre nepotrebne i mislim da smo industrijske zone i ovaj segment razvoja privrede također na zahtjev i zastupnika i naših dogovora da taj dio stimulišemo u narednom periodu jer evidentno da se dešava ekspanzija interesa za investiranje u Sarajevu i to su stvari koje su eto neki naš opšti osvrt na ovaj budžet. Pokušali smo zaista u javnoj raspravi iskomunicirati što više ljudi. Bilo je jako puno zainteresovanih i na nivou politika smo razgovarali o svim mogućim korekcijama. Bili smo zaista ponosi na nacrt koji je usvojen jednoglasno i koliko god je moguće prihvatili smo sugestije i za ove stvari koje su objektivno i neki zastupnici i drugi predlagači vidjeli malo bolje nego što vidi Vlada i mi smo ih evo danas na zadnjoj sjednici Vlade koja je završena pet minuta prije početka ove Skupštine na kraju finalno prihvatili sve što je bilo moguće u ovom budžetu. Sve moguće dalje procedure koje govore o prebacivanju u rebalansu su naravno moguće u okviru onih 10% Vlade i eventualno ako budu prihodi onako kako planiramo vjerovatno nekim rebalansom u nekom pozitivnom smjeru. Evo ja bih sada da više ipak govorite vi, da eventualno mi odgovaramo na pitanja vezano za budžet. Hvala.

**Predsjedavajuća:**

Hvala premijeru. Da li neko iz radnih tijela želi nešto reći? Nema. Ima li pitanja? Izvolite.

**Poslanik/zastupnik Bibija Kerla:**

Hvala lijepa. Ja samo želim da postavim jedno pitanje. Mene interesuje šta je stavka ostalo u budžetu? Jer kada uzmete u jednom privrednom subjektu imate kontni plan i ona kaže to, to i

to, pa me interesuje šta je to ostalo? Hvala lijepo. Nalazi se u svim subjektima, znači u svim. Kada uzmete plan prihoda i rashoda, znači u svim subjektima, počev od privrede, kulture i sporta, šta je ostalo molim vas?

**Predsjedavajuća.**

Ima li još pitanja?

**Poslanik/zastupnik Hamed Aljović:**

Zahvaljujem predsjedavajuća. Znači moje prvo pitanje predlagачu budžeta koji je pravni osnov da se u budžetu predloži 1,5 milion za plaćanje ovih sindikalnih povjerenika? I drugo pitanje, koji kriteriji su korišteni pri izradi budžeta za osnovne i srednje škole? Hvala.

**Predsjedavajuća:**

Ima li još pitanja? Nema pitanja. Otvaram raspravu.

**Poslanik/zastupnik Mersiha Mehmedagić:**

Zahvaljujem predsjedavajuća. Još jednom sve srdačno pozdravljam. Prijedlog budžeta je za 5.602.200 KM veći od nacrt, što predstavlja rast od 0,8% na osnovu čega se unaprijed ne može očekivati revolucija u odnosu na nacrt. Analiziramo li strukturu rashoda finansiranih iz ovog povećanja vidjet ćemo da je za tekuće troškove nepromijenjenoga broja zaposlenih izdvojeno dodatnih 2.658.200 KM. U obrazloženju se navodi da su ovo nedostajuća sredstva za plaće i naknade ranije uposlenih pa se nadamo da je ovo posljednje povećanje sredstava za plaće koje će se pravdati korekcijom nepotpunog plana. Naime, o prijemu 130 kadeta pričamo od prijedloga za 2015, a opet se obrazlaže da je u nacrtu bilo predviđeno finansiranje za samo 2 mjeseca. Dodatnih 178.800 KM izdvaja se za plaće vatrogasaca u KUCZ a broj zaposlenih je nepromijenjen. Nema potrebe za ovim jer Vlada ima mandat da odobri novo upošljavanje, i ako ga je bilo treba to transparentno prikazati da nam se bar uštede muke u matematskim akrobacijama da dođemo do konačnog broja zaposlenih. Za kapitalna ulaganja usmjereno je dodatnih 3.290, 300 KM i u ovoj se raspodjeli zaista ništa ne može prigovoriti jer u Ministarstvu za boračka pitanja sa 1,2 miliona podržava se projekat kupovine stanova borcima. Sa 50.000 finansira se kupovina stanova nosiocima najviših ratnih priznanja. Kroz dodatnih 300.000 za jednokratne pomoći će se moći udovoljiti zahtjevima većeg broja boračkih porodica za ogrjev, slične potrebe. Izdvojena su i dodatna sredstva u iznosu 50.000 za sufinansiranje pravne pomoći braniocima i ovo je zaista dobar primjer brige društva i jasnog opredjeljenja da borce ne smijemo ostaviti na cjedilu u rješavanju njihovih postratnih egzistencijalnih, pravnih i svih drugih problema. Ministarstvo unutrašnjih poslova je usmjeren dodatni milion KM za nabavku opreme primljenim kadetima i očekujemo da će ovo biti isplativa investicija u bolju sigurnosnu situaciju u Kantonu Sarajevo. Ministarstvu zdravstva je usmjereno još 150.000 za dogradnju Doma zdravlja u Ilijašu i nadamo se da će se u eventualnom rebalansu naći prostora i za ostale započete a ne dovršene kapitalne projekte. Od primjedbi koje smo iznijeli u toku rasprave na nacrt, Vlada je prihvatila da izdvoji dodatna sredstva za sport, pa je školski i takmičarsko razvojni sport podržan u iznosu 120.000. prijedlog koji smo uputili za preusmjeravanje 50.000 KM sa pozicije izrada plana upravljanja otpadom, zato što smo taj plan već usvojili na otvaranje nove pozicije osnivanje Fonda za zaštitu okoliša i energetske efikasnost Kantona Sarajevo nije prihvaćen. Predložili smo to jer smatramo da bi ovo uveliko pomoglo u organizovanom radu na projektima koji mogu povući grantove iz EU fondova za zaštitu okoliša i energetske efikasnost. Situacija sa zagađenjem zraka u Sarajevu, kanalizacijom koja teče Miljackom kroz grad, sa gubitkom toplotne energije zbog nemogućnosti utopljanja stambenih jedinica obavezuje nas da tražimo sredstva i izvan budžeta i skupih kredita. Ovaj Fond bi uz aktivnije učešće regionalnog predstavništva

Kantona Sarajevo pri EU sigurno mogao da ti dobre rezultate. Tražili smo da se predvide i sredstva za reviziju učinka komunalnih preduzeća kako bi znali šta i kako trebamo restrukturirati kako bi dobili efikasniji sistem i kvalitetniju uslugu. Napominjem da je ovo bila i obaveza Vlade s obzirom na zaključak koji je donesen na ovoj Skupštini. Međutim sredstva nisu predviđena. I dalje smatramo da bez neovisne i stručne analize nema smisla pričati o rješavanju problema komunalne privrede niti opravdanosti važećih cijena. Ali na ovoj Vladi i parlamentarnoj većini je odgovornost za sve procese pa i za korake koje namjeravaju provesti u cilju rješavanja problema u komunalnoj privredi i mi u tome nećemo biti smetanja nego jedna konstruktivna opozicija. S obzirom da od povećanja budžeta za 6,2 miliona ne možemo očekivati realno više nego što je urađeno u ovom prijedlogu i da su sredstva prilično realno raspoređena, podržat ćemo ovaj prijedlog. Nadamo se da do eventualnog rebalansa izrada studija za razne sanacije i rekonstrukcije neće koštati više nego li sama sanacija i rekonstrukcije i da ćemo sa opravdanim fuzijama i racionalizacijama baviti u svim sektorima a ne samo u obrazovanju. Zahvaljujem.

**Poslanik/zastupnik Predrag Kojović:**

Zahvaljujem predsjedavajuća. Ja mislim da je ova činjenica da je bilo ovako malo pitanja, pa rekao bih izgleda kao da nas ne očekuje neka velika i teška diskusija o budžetu, govori da je ovaj budžet u ovim zakonskim okvirima vjerovatno nešto što je optimalno moguće postići. Ali mi govorimo o sistemu koji znači postoji već 20 godina i koji je sada sa ovom vladom na neki način usavršio, malo počeo da realnije sagledava i prihode i rashode. Ali bilo bi preambiciozno po mom mišljenju nazvati ovaj budžet reformskim. Znači sve ono što smo slušali kao objašnjenje. Ovo je budžet koji na neki način održava sistem u kome mi živimo i radimo, već 20 i nešto godina. Sada je sasvim izvjesno, ja neću ulaziti sa ministrom u raspravu ili neke komentare koje je napravio on o makroekonomskim pokazateljima, ekonomskim indikatorima, jer ako meni kaže ministar koja naša institucija se bavi kojim ekonomskim indikatorom i kako gleda dubinski u našu ekonomiju. Ja ću prihvatiti da je on u pravu, ali pošto ja znam da mi nemamo takve mehanizme, nego većinu podataka dobijamo tzv. anketnim metodom, oni su vrlo neprecizni. I nisam naravno mislio ministre samo na to da su uvijek projekcije ekonomskog rasta napravljene preambiciozno nego sam ukazivao između ostalog i na činjenicu da su prema javnosti u BIH iskazane preambiciozno, a u pismima koja se upućuju ozbiljnih ljudima kao što je MMF, iskazano su vrlo realno. Pa je tako recimo makroekonomsko odjeljenje prošle godine predviđalo rast od 3% u BIH a u pismu namjere MMF-u se zadovoljio sa samo 0,5% da bi se pokazalo da je ipak MMF bio u pravu i da je bilo minus 0,5-1,0%. Ali ja sam možda čak i mislio da će danas biti prvi dan da se u nekom od bh parlamenata spomene ime vjerovatno najvećeg ekonomskog autoriteta u ovom momentu Tomasa Piketija, ali ne želim kažem sada da otvaramo raspravu o tome. Još uvijek se na neki način gledao kao na pozitivnu stvar kada se govori o tome da se od ovih postojećih privrednih subjekata uspijeva naplaćivati više poreza. I na neki način to se slavi kao pobjeda, umjesto da se ide na ono što se ide što se zove proširenje poreske osnovice da više privrednih subjekata plaća manje stope a da ukupan iznos koji dolazi u budžete bude veći. I to su one mjere s koje je jako teško sprovesti i ovdje na federalnom nivou gdje imate recimo 94% budžeta kako se to kaže našim političkim slengu zakovano zakonskim obavezama. Ali kao što sam rekao u uvodu nema ovdje reforme, zašto? Još uvijek mi dajemo 44 miliona KM našoj komunalnoj privredi, za koje mi ne znamo kako su utrošene, kako će biti utrošene, a što je ono najviše što meni nedostaje ne znamo kakav će biti efekt toga što smo im dali 44 miliona. Mislim ja kada nekome posuđujem neki novac onda očekujem da to ima određeni efekt. Dobro, ja ću ti posuditi, al šta? Ti ćeš uplatiti neki kurs, završiti nešto naći posao i onda od tog posla platu koju dobijaš ćeš mi to vratiti. Mi i dan danas nemamo nikakav plan. Ja imam osjećaj da ova Vlada čeka na Federalnu Vladu da izađe sa zakonom o konsolidaciji komunalne privrede. Federalna Vlada čeka da se a državnom nivou kroz mehanizam pomoći privrednim

subjektima riješi to pitanje i tako svi čekamo. I samo da vas podsjetim, a naš Gras svaki mjesec uzme iz džepova poreskih obveznika Kantona Sarajevo 2,5 miliona i stavi ih u onaj šreder gdje se melje onaj papir. I kako bih rekao nestane 2,5 miliona KM. Dajemo 1,5 milion sindikatu za koji svaki dan u medijima čitamo, je li legalan, je li uopšte postoji taj sindikat, jel taj čovjek legalan predsjednik tog sindikata itd. Koncept po kome vlast plaća plate sindikalnom rukovodstvu. Mislim to je znači ja ne znam to je ko da ne znam da Vlada plaća demonstrantima da demonstriraju ispred njihove zgrade protiv Vlade. Znači to je konceptualno sindikat je udruženje radnika zaposlenih negdje koji svojom članarinom finansiraju svoje rukovodstvo i svoju pomoć, i koje služi kao hajd da kažem pod navodnicima, neprijateljsko rukovodstvo koje onda sa vladom i poslodavcima pregovara o pravima radnika o njihovoj cijeni rada, ali mi ovdje imamo da taj poslodavac ustvari plaća platu tom rukovodstvu sindikata i onda mi očekujemo da on bude nezavisan, da zastupa isključivo interese radnika itd. To je apsurdna situacija. Ja vam garantujem da ne postoji u svijetu jedan poslodavac koji plaća plate svom rukovodstvu sindikata da nastupa protiv njega. Nemamo i dalje, iako je to velika stavka od 80 i nešto miliona, socijalna davanja. 97 sada smo vidjeli ali govorim samo o ovim tekućim transferima bez civilnih država rata koje dolaze sa federalnog nivoa. Nemamo registar korisnika socijalne pomoći. O tom registru se ovdje pričalo dvije godine. Priča se o tome na federalnom nivou tri godine, da bi se ispostavilo da je firma koja je radila taj softver za to ustvari pokrala i sada se nalazi na sudu za 370.000 KM zato što je prevarila federalnu Vladu. Dala im je softver koji ne radi, koji je pokraden i originalni autori su tužili i sada je kasno. A sva istraživanja pokazuju jednu vrlo konzistentnu od 96/97 godine pa i od onog zakona o uvođenju boraca, konzistentno pokazuje 80% socijalne pomoći ide onim građanima BIH kojima socijalne pomoć uopšte ne treba. Znači čovjek zarađuje 3000 KM negdje, ili živi u domaćinstvu koje zarađuje 10.000 KM i dobija 156 KM socijalne pomoći. A ne ide onima kojima bi možda trebala u onom omjeru u kojima bi trebala. Jer ne možemo mi biti društvo koje će održavati ljude socijalnom pomoći kao nezaposlene na rubu siromaštva narednih 25 godina. Ono što mi stalno govorimo moramo (nerazumljivo). Mene iskreno, sada ovom ću možda grubo reći, ne zanimaju ljudi koji su na birou 15 godina i koji su odbili da rade deset poslova. Ali me jako zanimaju ljudi koji nemaju posla koji je spreman i hoće da kaže: hoću da idem u Centar za obrazovanje ostalih da naučim nešto što se traži na tržištu,. E u takvog čovjeka ja mislim da mi moramo uložiti 10.000 KM da ga obrazujemo. Međutim naš sistem uopšte ne poznaje taj koncept da vi uložite u nekoga ko je ostao bez posla jer njegovo zanimanje više nema zahtjeva za njega, i da uložimo u njega i da od socijalnog korisnika stvorimo poreskog obveznika. To je ono za šta se mi zalažemo. I završit ću. Evo izvinjavam se ako sam malo vremena probio. Imam još par minuta. Ono što očekujem, nekako smo sada u tom periodu šta su najveći hitovi bili u 2015 godini ali već pomalo počinjemo da razmišljamo šta nas čeka i u 2016 godini. Ovaj budžet kao što rekoh u ovim zakonskim okvirima ako se to ne misli dirati, on je optimalan i ja ne sumnjam da će on dobiti danas ovdje dovoljno ili možda čak ubjedljivu većinu u ovoj Skupštini. Ali apelujem zaista ovom prilikom sada na Vladu a to su sada one najteže odluke. To su odluke koje ćemo morati donosi ovdje na kantonu i u FBiH. Da vam kažem, neko će morati da kaže da 30% korisnika postoji u PIO FBiH koji ne smiju biti u tom fondu jer nemaju uslova. Ja znam a se radi najvećim dijelom da je to populacija boraca. Ali je nepravedno bilo uvoditi te ljude na sistem koji se zovi PIO i koji kaže moraš imati toliko staža. Ali naravno da ću podržati sistem po kome se na svaku kutiju cigara stavlja sada dvije marke akcize, formira se fond iz koga se isplaćuju boračke, ovo što smo im obećali. Ja mislim a je politika prema njima bila pogrešna, to pretvaranje patriotizma u mjesečna izdavanja, mislim da je trebalo nešto drugo. Ali ako smo obećali to ljudima, to moramo održati. Ali to se mora uraditi na jedan drugi način. Ono što očekujem od ove Vlade Kantona u 2016 godini je to da počne praviti ovu vrstu teških odluka. Da počne izbacivati ljude iz socijalnog sistema kojima socijalna pomoć ne treba. Da one koji su na birou zato što imaju posao na crno a tamo koriste zdravstveno osiguranje da

konačno razdvoje te dvije stvari. Ja jesam za to da svako ima zdravstveno osiguranje. Ali nisam za to da čovjek radi na crno da mu poslodavac ne plaća zdravstveno osiguranje a on se prijavi kao nezaposlen. Znači to će biti tek tada ćemo vidjeti ima li ova parlamentarna većina kapacitet za ono što zovemo reformska agenda. Jer ovo sada što imamo, za šta ćemo glasati danas to nije reformski budžet. To je super upeglani budžet po sistemu koji podržavamo 20 godina i koji nas vrlo konzistentno, ako išta postoji konzistentno u politici SDA, vodi prema siromaštvu. Hvala.

**Poslanik/zastupnik Muhamed Kozadra:**

Zahvaljujem i pozdravljam sve prisutne u Sali, da ne nabrajam poimenično. Ja ću pozvati kolegu Kojovića danas od 14,00 sata a se za neke diskusije gore priključimo u Domu naroda jer one su za gore, a nisu za ovdje. Znači sve ono što jest promjena zakona i zakonskih propisa koji su na višem nivou, ovdje se mora implementirati. To nije niti do ove Skupštine niti do ove Vlade koja treba to da provede. Ja hoću da kažem da ovaj budžet ima svoj karakter onako kako je ministar ovdje iznio i razvojni i socijalni i stabilizirajući. U ciframa koje su prezentirane ovdje, razvojni budžet zajedno sa kapitalnim projektima i vraćanjem kredita, vi znate da smo u ranijim godinama sve uzimali kredite za kapitalne projekte, i ovi projekti, odnosno premijer koje je najavio, ponovo su to kapitalni projekti tako da nemojmo žaliti za takve kredite gdje ćemo uložiti u kapitalna sredstva, infrastrukturu itd. Socijalni kada pogledamo strukturu, prema funkcionalnoj metodi ovdje nije 2/3 kako se govori dato onima kojima ne treba. Pogledajmo koliko je za porodicu i dijete, pogledajmo koliko je za stare i iznemogle, tako da ovaj iznos slažem se da jedan dio ide onima kojima ne treba, prema socijalnom statusu. Ali opet je to izmjena zakonskog propisa. Jedna od najbitnijih i najboljih stvari koja je počela da se dešava evo na svim nivoima a evo i ova Vlada je u potpunosti ispoštovala budžetski kalendar iz člana 15 znači od procedura donošenja budžeta, DOB-a, nacрта i evo danas prijedloga da smo otprilike ispoštovali sve ono što je dato od viših nivoa vlasti kao instrukcije, odnosno prospekcije i one su bile gotovo uvijek uravnotežene i ako smo pratili izvršavanja budžeta ona su gotovo se kretala u jedan do 1,5% nadam se da i ova procjena koja je korigovana data između nacрта i prijedloga da će biti ispoštovana. I onaj dio koji će uticati na kapitalne prihode razgraničenja ovdje su pominjani neki amandmani koji su se odnosili a pretežno razgraničenja odnose na kapitalne projekte posebno unutar infrastrukture vode, putnih komunikacija, kanalizacije, uređenje korita itd. Tako da će ovaj iznos od 59 miliona biti uvećan za to, a to ćemo znati kada bude podnesen završni račun. Reformski jeste, zašto ne. Mi ovdje govorimo o politikama koje trebaju da se provedu sa aspekta evo zapošljavanja, moratorij, odlaska u penziju praćenje tih ljudi koji jesu ovdje je rečeno da se ti iznosi povećavaju itd. Znači bit će primijenjen ona stalna žudnja gdje bila ovdje da ispoštujemo samo prirodnu selekciju odlaska u penziju. Napuštanje, smrtni slučajevi da nikoga ne ostavljamo na ulici bez posla i ovdje sa ovih 10.880 predviđenih je jedan od momenata da se i te politike ispoštuju a samim tim ne smanjujući osnov za plaće doćemo u situaciju da povećamo onu našu osnovicu, koja je, s pravom mogu a kažem da je na najnižem nivou od svih budžetskih korisnika u općinama. Mi kada smo pravili ovaj budžet, tamo smo prezentirali kolike su osnovice po općinama. Nema manje od 283,5. i jednu od najbitnijih stvari koju hoću da pomenem i da predložim, sugerišem Vladi ovdje, mi imamo tužbe koje smo pokušali u dva navrata ranije da riješimo. Isplatom one razlike koja je bila po zakonu u 2012 cca nekih 14-15 miliona. U 14 smo na kraju ispoštovali sve koeficijente po Zakonu o državnim službenicima i namještenicima i za sve budžetske korisnike i u obrazovanju i kulturi i socijali i tu je iznos bio nekih 14-15 miliona, da to nismo uradili, nismo mogli pokriti ove tužbe. Danas kada imamo prijedlog od 8 miliona i 3 miliona ne znam da li će se realizirati ali oko 11 miliona za realizaciju tog projekta. Predlažem Vladi da dio u budžetu predviđenih 20 miliona za pokriće deficita da se ide na izvršenje kompletnih tužbi koje jesu ovdje kako bi

smanjili negativne efekte. Zašto smo u socijalnom dijalogu imali jednu nepravdu prema jednoj populacionoj grupi, prema osnovnom obrazovanju? Znači osnovno obrazovanje samo po kolektivnom ugovoru uskraćeno je za šest godina za 44 miliona. Jedini oni nisu mogli tužiti i nisu mogli naplatiti TO. Svi ostali su naplatili. I sada je nekorektno da svi oni koji jesu utužili da dobiju i zatezne kamate da dobiju i sve ovo a da oni ne učestvuju iopšte4 u tome niti da imaju povećanu, imaju istu osnovicu za platu kao i svi oni koji jesu. Stoga predlažem da Vlada čim prije potpiše sporazum sa sindikatom, mi to nismo uspjeli u ranija dva navrata, da se vratimo u okviru zakona o plaćama i naknadama i da ovih svih 20 miliona koji će biti uzeti ide se na isplatu ovih tužbi, odnosno presuda koje jesu donesene i potpisu se sporazumi sa svim onim koji nisu tužili. Ovdje u sali sad ima najmanje deset ljudi koji nisu tužili, nisu učestvovali u obaranju fiskalnog sistema i situacije u kantonu da se i sa njima potpiše sporazum i da se ova situacija okonča. Nezavidna je situacija na svim nivoima vlasti, i to smo često ponavljali, realni sektor to ne može izdržati, a i ovaj budžet da bi bio razvojni, da ovih 40 miliona da je još bilo moguće utužiti. Znači sve bi smo mogli riješiti probleme unutar obrazovanja s aspekta škola i njihove opreme itd. Mislim da je budžet uravnotežen, da je realan i da će uz one predviđene projekcije rasta GDP-a u državi da ćemo i mi učestvovati u tom kolaču i moguće se nadati rebalansu naviše. U tom smislu stranka SDA podržava u potpunosti ovaj budžet i podržat će vladine politike koje se ne vide sada u ovom datom trenutku i politike viših nivoa Vlade FBiH koje će biti provedene kroz donošenje zakona a koje ćemo mi implementirati ovdje. Stoga predlažem da u potpunosti prihvatimo ovaj budžet uz ove sitne izmjene koje jesu od strane Vlade prihvaćene da budu sastavni prijedlog budžeta. Zahvaljujem.

**Predsjedavajuća:**

Dobro. Ima li još rasprave? Nema. Zatvaram raspravu. Premijer, izvolite.

**Premijer Elmedin Konaković:**

Ja ću kratko bilo je pitanja dva i mali komentar na izlaganje kolege Kojovića i evo kolege Kozadre. Aplauz predsjednika Sindikata osnovnog obrazovanja Muhamedu Kozadri veća je senzacija od jedinstvenog glasanja za Nacrt budžeta do sada. To je nešto što je pozitivno, to u ovom trenutku za nas je znak dobrih odnosa. Kada tamo piše ostale, ugovorene i druge usluge pitanje kolegice Kerle i meni je to nešto naravno uvijek što bode oči i samo ako se sjećate posebno na ZZO bit će to kada budemo gledali taj rebalans vidjet ćete koliko smo bili u pravu da se pod plaštom ugovorene i druge usluge često krije mogućnost da se eventualno realizuju ideje koje baš i nisu ok. Da tako kažem. Istovremeno na ugovorene i druge usluge kada je riječ o našem budžetu su recimo ova odbrana po službenoj dužnosti za koju ove godine nam fali vjerovatno, ne fali nego moramo prebacivati sredstva, čini mi se blizu miliona zato što nas taj Zakon za koji također očekujemo relaksiranje neko s Federacije da nas oslobodi toga i da na drugačiji način pružimo tu vrstu pomoći. To je jedan od segmenata. Drugi je recimo taj, pojavi nam se taj IRC taj dio Svjetske banke koji kaže mi imamo 80.000 ili imamo 200.000 ustvari su oni dali za realizaciju ovog projekta ubrzavanja administracije građevinskih dozvola bez čekanja i morate sufinansirati. Nismo ih planirali, mi iz tih dijelova kažemo evo 30.000. u školama je to najčešće edukacija. Ne može se planirati onda se pojave neki seminari ili neki mogući vid usavršavanja neke struke i onda se odluči direktor JU da eventualno iz tog dijela plati. Tako da je pitanje zaista na mjestu. I njegovo odgovor je najbolji na izvršenjima. Dakle kada budemo čitali izvršenja ili kada budemo gledali izvještaj onda pod tim ugovorenim i ostalim uslugama trebamo do detalja vidjeti šta je neko eventualno zloupotrijebio jer stalno imamo tu dilemu. Nešto se ipak pojavi što se ne može planirati budžetom a s druge strane da li je neko to eventualno zloupotrijebio. Sindikati crpe prava iz kolektivnog ugovora. Evo mene su zatrpali s tri telefona različitim slikama, službenih novina objavljenih u kojima se kaže sindikalni povjerenik ima prava ta i ta. Ovdje ne govorimo o

davanjima, ne govorimo o novcu, govorimo o pravu da manje radi zbog obavljanja sindikalnog posla. Dakle on ima pravo da izostane dva ili četiri časa, dva časa. A to se plaća. A to je novac. To u suštini nije neko davanje direktno sindikatu ali jeste ako se recimo i sindikalci uključe u nastavni proces u punom radnom vremenu na određeni način dakle može se dodatno još racionalizirati broj uposlenika. To je činjenica i to je trenutno stanje koje mi, evo počeli smo pregovarati s tim što sada imam informacije da novi Zakon o radu daje veća prava sindikalnim povjerenicima. Čak kaže predviđa neku platu povjerenika. Da li se to dešava praktično da zbog toga sindikati kako bih rekao budu u dobrim odnosima s vladom, ne dešavala se. Mi zaista imamo odlične odnose sa svim sindikatima, ali isti ti naši sindikati odu pred zgradu mog kolege Novalića za kog sam ja jedva čekao taj Zakon o radu da prođe da nas sviju oslobode i oni naravno bez obzira što odavde jesu plaćeni gore naprave kaos ljudima i vama koji gore sjedite i donosite tu vrstu odluke. Tako da ja mislim da to nije kupovina nikakvog sindikalnog povjerenja niti se ono dešava, mislim čak suprotno da u proteklom mandatu zato mi je ovaj aplauz bio interesantan je bilo i ovdje kod nas protesta za koje ja kao zastupnik sam mislio da nisu bili opravdani a primale su se pare. Tako da je to nešto o čemu u ovom procesu novog kolektivnog pregovaranja svakako trebamo imati svi kao dio svijesti u glavi da li taj dio novca trošiti na ovaj način ili taj dio novca trošiti na ovo što smo mi zajedno sa sindikatima krenuli u tu reformu obrazovanja i kojom već pokazujemo da svaka marka koja ostane u obrazovanju ide samo u poboljšanje uslova rada trenutno još uvijek ne plata, zato što imamo tužbe. Ali onog trenutka kada skinemo taj balast s leđa, sigurno eventualno i prvom prilikom povećanja plata u nekim kategorijama. Primarno mislim na državne službenike koji rade u ovoj zgradi. Ljude koji su u kolektivnom ugovoru dva puta izlazili u susret Vladi a imaju najmanje koeficijente i u ovoj istoj zgradi, to stalno ponavljam, s druge strane zgrade sjede puno plaćeniji u administraciji nego u našoj kantonalnoj. I to su procesi koji nas očekuju. Ja se zaista slažem. To sam ako se sjećate rekao na rebalansu prošlog budžeta budžet dok mu ne stvorimo zakonsku pretpostavku da bude reformski ne može biti reformski. On ne može po svim ovim pravima socijalnih davanja, boračke populacije, sindikalnih prava, različitih vrsta prava utemeljenih u zakonu. Mi ne možemo ga reformisati. Možemo se odlučiti kao što su neke Vlade odlučivale da se to ne plati i mi danas to plaćamo s kamatama. I mi od toga bježimo- ne možemo ići u ono što je zakonski osnov za plaćanje. To se mora. I mi to radimo. Sigurno takvih anomalija ima jako puno. Dakle neću ponavljati sada silne procese koje vodimo od Zakona o obrazovanju odraslih, od dokumenta koji danas ovdje imate na dnevnom redu. Mjere aktivnog zapošljavanja koji su bolji odgovor za ovo što kolega Kojović govori a potpuno se slažemo jer i mi znamo da nas ljudi 15 godina na birou koštaju bez ikakvog interesa da se zaposli i sa socijalnog i sa aspekta davanja zdravstvenih usluga. Tako da ja ne mislim da ćemo biti brzo u prilici da kažemo da ćemo biti brzo u prilici da kažemo ovaj budžet jeste reformski, svaka njegova marka značit će dvije ili tri. Mislim da smo napravili iskorak koliko je to bilo moguće u podršci malim i srednjim preduzećima zakonom pa sa 3,5 miliona. Pa recimo evo Serda isto dobar primjer. Mi tu Serdu finansiramo sa 400.000 KM sa budžeta Kantona. Ona nam je ove godine, mi smo dali milion a Serda je dala svoj milion. Imamo dva, udružujemo s bankama na kraju ćemo napraviti fond od 8 ili 10 miliona KM kao podrške zapošljavanju. I to ne u javnom sektoru jer istovremeno imamo moratorij i taj se broj ljudi smanjuje. Dakle to je po mom mišljenju reformski. I zato im nismo pristali baš za Serdu koja osim tog miliona koji nam je dala direktno u budžet daje još mnogo učešća na različitim projektima pa i ovome o kojem je govorio Kojović također registra socijalnih davanja. Mi smo sada napravili konekciju da se na neki način napravi taj iskorak krenuli smo kroz Ministarstvo za rad i socijalnu politiku da napravimo registar socijalnih davanja i detektujemo ove ljude koji su sigurno tamo, a ne bi trebali biti. Dakle to je još jedan od procesa reformskih u budžetu se ne vidi a isto ga tako radi Serda koja eto i na taj način bez plaćanja bilo kakvog ko jedno dodatno Ministarstvo, jer ga mi tako prepoznajemo dakle zaista daje značajno učešće od detektovanja ovih brzo-rastućih preduzeća, malih i srednjih, učešća



na ovom projektu sa IFC projekta strategije razvoja Kantona. Dakle vrlo značajnu ulogu ima i ne košta nas više ni marke od onoga što damo jer istina je finansiraju se sa drugih grantova. Dakle više ćemo mnogo napraviti sa aspekta zakona u reformama jer će nam oni biti nova podloga da naredni budžet bude više reformski nego što je ovaj. Ovo za 44 miliona KM nisam maloprije htio da govorim dugo a to je bio akcenat sinočnjeg sastanka sa direktorima JKP koji još uvijek svi do jednog imaju veću platu od premijera. I nisu efikasni onoliko koliko bi trebali biti. Uveli smo alate u kojima smo stabilizirali taj dio kontrole zapošljavanja. Mi sada od poreske uprave. Ja sam dobio prvu šihitaricu na kraju mjeseca broj uposlenih u komunalnoj privredi. Činjenica njima smo sinoć govorili imamo najavu jednog direktora JKP već je kontaktirao naše Ministarstvo finansija da je prvi koji će uplatiti simbolična sredstva u budžet Kantona. Pa ne može da riješi pravno, nego je rekao sufinansirati ću jedan od projekata. To će biti par desetina hiljada maraka. Zato što mi baš zbog toga vršimo na njih pritisak. Nekima smo dali monopol na tržištu, nekima smo sada uradili neke hrabre poteze pa smo korigovali cijenu Toplana kada je to bilo nelogično, kada je padala cijena energenta, mi smo korigovali cijenu Toplana, istrpili neke kritike, i vjerovatno početkom januara smanjujemo obje cijene. Zato što smo stabilizirali plaćanje jer sada nemamo više penala na osnovu tog nekog aranžmana i posebna je tema odnos BH gasa prema našem preduzećima, koji je jedna nova pandorina kutija koja će ići u korist građanima Kantona Sarajevo jer do sada je bila neuslagašena. Dakle, nismo plaćani realnu cijenu gasa, uradili smo pretpostavke, stabilizirali plaćanje i sada ćemo plaćati realnu i smanjivat ćemo oba sektora. Dakle, naravno tada da očekujemo, ja sam to govorio na sjednicama Vlade. Kakve tranše, zašto tranše u Sarajevo gasu i Toplana? Očekujemo. S druge strane naša obaveza ustavna je da pružimo uslugu ne da budemo profitabilni. Dakle ja ne mislim da treba da naša komunalna privreda donosi, ovo je sada simbolično, riječ je o jednom od preduzeća koje je više ipak više tržišno i bliže tržištu i ono može. Ali u prevozu, u grijanju, u vodovodu, teško da možemo sebi postavljati ciljeve da budem profitabilni. Trebamo postavljati ciljeve da budemo efikasni, da oni u VIK-u ne izdaju tu dozvolu za urbanističku ili građevinsku po tri mjeseca investitoru od kojeg mi treba da prihoduju pare. Veliki dio ove priče, zaista nadam se da zajedno onako kako smo do sada radili možemo delegirati federalnim nivoima vlasti. Mi ćemo zahtjeve Skupštine i često to radimo, dakle upakovati ko Vlada i ići na razgovore s Vladom FBiH da se mijenjaju ovi propisi, porezna politika osim ovog poreza na imovinu, ne znam šta bi smo mi to mogli dodatno uraditi i evo enormnog u ovim okolnostima stimulisanja zapošljavanja realnog sektora. Uz strah naravno da tu moramo imati pravu kontrolu, ne kao do sada davanja sredstava sa službe nekih kredita koji nikada nisu vraćeni nekim bliskim prijateljima. Dakle to jesu obaveze i tu jesu reforme. Ovaj budžet jest ovakav kakvog ga je prikazao Halebić, o njemu govorio Kozadra, u ovom trenutku Kojović kaže optimalan. Slažem se u odnosu na stanje, ali to je naše stanje, al zaista smo počeli u ovih prvih 9 mjeseci ozbiljne procese reformske u kojima nas nije strah da detektujemo problem bez obzira na političku pripadnost, bez obzira na posljedice i ako zadržimo taj kurs, ja mislim da već naredne godine možemo pričati o mnogo ozbiljnijim ciframa ili brojevima koji su onda odraz svih tih naših politika i reformi koje radimo. Zahvaljujem se.

**Predsjedavajuća:**

Hvala lijepo premijeru.

**Poslanik/zastupnik Hamed Aljović:**

Zahvaljujem predsjedavajuća. Imam repliku na odgovor premijera oko sindikata. Znači, da se ne stekne dojam da ja sada kritikujem ovu Vladu zašto je počela plaćati sindikate jer su neke prije Vlade to počele raditi. Znači ova Vlada je samo nastavila. Premijer kaže da prema kolektivnom ugovoru se plaćaju sindikalni povjerenici. Znači ja trenutno imam četiri presude u mojoj školi gdje kaže sud rekao da kolektivni ugovor ne važi zato što sindikat nije

registrovan. Znači četiri različite4 sudije na različitim nivoima. Znači nije registrovan, kolektivni ugovor ne važi. Uposlenik izgubio, sudski troškovi 4000 KM. Znači moj kolega. Ja branio školu, bio protiv kolege. Sada se tim ljudima skida sa plate, znači svaki mjesec mu se odbije zato što ga je neki advokat zastupao, ne znam tamo, već su poznati ti advokati koji to rade. Ovih dana imaju pravosnažne presude, a to zna ministar Kazazović u Hadžičkim školama je došlo 30 presuda uposlenici u OŠ izgubili. Samo zato što sindikat nije bio registrovan, odnosno kolektivni ugovor ne važi. Pa kako sada mi plaćamo te sindikalne povjerenike po kolektivnom ugovoru koji ne važi. Znači pravosnažne sudske presude. Znae ko je dobio premijeru u osnovnim školama, koji uposlenik? Samo tamo gdje je direktor tužio i sekretar i njegove kolege dogovorili se, direktor nije zastupao školu nego sam sebe. Ja sam vama nedavno poslao presudu, direktora jedne škole, gdje tužio on, sekretar, sindikalni povjerenik i dobili zato što niko nije branio školu. Odnosno državu. Znači sada ova Vlada daje pare tim ljudima a vamo ljudi koji vole ovu državu nisu tužili, znači sada su oštećeni. A ovim je isplaćeno i čak se ti ljudi sada vidim stavljeni su na Vladu da se imenuju za direktora. Znači nagrađeni. Ima još drugih škola, to je jedna presuda. Ima na Ilidži škola, u 3. osnovnoj isto nije se niko pojavio na ročištu, i presuda je bila 37.000 KM plus zatezne kamate. Da se ne stekne ovdje dojam da ja imam nešto protiv sindikata. Ako ćemo plaćati sindikate onda trebamo plaćati sindikate građevinara, poljoprivrednika, i državnih službenika. Zašto baš samo sindikate u osnovnih i srednjih škola. Pa onda imaš tamo da ti ljudi se ne bave sindikalnom borbom nego se bave tamo vrše zapošljavanje. Od tri člana komisije, dva su predsjednika osnovnog i srednjeg obrazovanja. Za prijem, znači 500 ljudi ove godine raspoređeno u školama zaposleno preko tih, ti su sindikalci zaposlili. To nema nigdje na svijetu. Znači nemam ništa protiv sindikata neka rade svoj posao. A vjerovatno je sada Kozadri aplaudirao da bi dobio pare. Naravno pola plate dobija iz budžeta za nerad. Pola plate. Zamislite čovjek ništa ne radi dobija pola plate. Pa sada ćemo imati.

**Predsjedavajuća:**

Vratite se na temu, molim vas.

**Poslanik/zastupnik Hamed Aljović:**

Tema je sindikat. Sada ćemo imati registraciju, znamo Zakonom o radu da se može više sindikata registrovati. Tri čovjeka se skupe, registruju sindikat i pola plate dobija iz budžeta. Hvala.

**Premijer Elmedin Konaković:**

Mislim nemamo mi uopšte kako bih rekao neka nerazumijevanja ali ovo zaista oblast Zakona o osnovnom obrazovanju kolektivnog ugovora i drugih akata za koje ja lično mislim i ministar Kazazović da ima mnogo anomalija. Dakle od načina izbora direktora u kojima vlast ili Vlada nema skoro nikakav uticaj. Mi to dobijemo od školskih odbora. Mene najviše to, tamo me simpatišu me na Vladi kada ja uzmem čitati Kazazovićeve prijedloge listu ovoliko imena i prezimena ljudi, prvo kada imenujemo školske odbore, izaberu ih roditelji, izaberu ih uposlenici. Dakle to je sastav dvotrećinski. Direktor ima bolji odnos sa ovima koji predstavljaju roditelje i uposlenike nego što ima sa vladom. Naravno, govorimo o primjerima, pojedincima. Vrlo je veliki broj ljudi časnih koji poštuju institucije. S druge strane ova prava naravno, to je sve segment naše reforme u koju pozivam vas, i vi ćete biti organ koji o tome odlučuje. Vi ćete biti organ koji na izmjene Zakona o osnovnom obrazovanju daje pečat. Mi ga možemo predložiti da sve damo sindikatu. Vi ovde kažete ne, nego ćemo ga na ovaj način urediti. Taj problem dugo traje. Mi federalni sindikat koji je registrovan, koji je predstavnik reprezentativni i pregovara sa Federacijom, onda nam pošalju papire akte u kojima kažu ovo je jedini, članstvo to govori ogroman broj ljudi. S druge strane, činjenica da u Ministarstvu pravde po imenu nije registrovan onako kako bi trebao biti i u stalnom smo pritisku. I to je

ponovo, ja sam govorio o tome, kada završimo budžet nas očekuje niz aktivnosti u kojima se uređuje ta oblast. Dakle mi novim zakonom o osnovnom obrazovanju, novom racionalizacijom, skupštinskom komisijom, ministarstvom uređujemo to do kraja. Kako se opredijelimo tako će biti računajući naravno na svijest ljudi koji tu rade da kažu da se ta sredstva mogu, ne davanjem nego radit ćemo cijelo puno radno vrijeme a bit ćemo sindikalni povjerenici. Mogu i to reći sami. A to je već pitanje unutrašnje organizacije. To je isto kao kada meni dođu iz drugih JKP i traže da se umiješamo u izbor predstavnika sindikalaca. To je nemoguće mada bi mi sebi probrali neke koje bi mi preferirali. Dakle slažem se. Ako je riječ o budžetu tu je mali prostor da u ovom trenutku s obzirom na praksu dosadašnju, s obzirom na stanje, s obzirom na stanje i propise da mi kažemo sada ćemo tu rezati pa se pravno ponovo nadmetati. Mi smo se opredijelili za politiku dijaloga da malo dobijemo vremena i evo neke efekte već vidimo.

**Predsjedavajuća:**

Hvala lijepo premijeru. Prelazim na izjašnjavanje po amandmanima.

Amandmani zastupnika Hameda Aljovića. Da li odustajete? Odustajete. Hvala lijepo.  
Amandmani zastupnice Segmedina Srne Bajramović. Da li zastupnica Segmedina odustaje?

**Poslanik/zastupnik Segmedina Srna Bajramović:**

Dopustite mi uvažena predsjedavajuća najprije da se izvinem kolegicama i kolegama zastupnicima. Ja sam svoje amandmane na vrijeme uložila onako kako to nalaže amandmanska procedura 22.12. 2015 godine no oni su se od protokola do Ureda predsjedavajuće negdje zagubili, valjda u bespućima skupštinskih ladica. No ono što je važno jeste da su amandmani stigli do premijera. I ja zahvaljujem i ministru Halebiću i premijeru Konakoviću na obrazloženju. Ni jedan amandman nije usvojen. No cijeneći da mi danas imamo sjednicu Doma naroda, da sedam delegata u Domu naroda iz ove Skupštine mora nastaviti rad tamo gdje također usvajamo budžet, ja odustajem od izjašnjavanja o ovim amandmanima. Hvala.

**Predsjedavajuća:**

Hvala lijepo. U redu. Ako nemamo više nikakve rasprave, sve smo to završili.

**MOLIM POSLANIKE DA PRISTUPE IZJAŠNJAVANJU O PRIJEDLOGU BUDŽETA KANTONA SARAJEVO ZA 2016 GODINU.**

**Premijer Elmedin Konaković:**

Evo red je zaista da kažem da je velika čast ali je mnogo veća obaveza kada vi s ovim odnosom prema Vladi Kantona Sarajevo dajete ruku za budžet. Ne kažem da dajete povjerenje Vladi, imamo ovdje različite političke stavove, imamo nekih tema u kojima se ne slažemo, ali zaista nam je to jako obavezujuće i mi ćemo kao Vlada i u buduće biti i vjerovatno moramo još otvoreniji za sve procese koji se u ovoj Skupštini vode. Naglašavam to, mi smo ovu poruku slanja stavljanja interesa građana u prvi plan, a naših političkih nešto malo ispod toga, krećući se po BIH zaista zadobili zainteresovanost u državi BIH zašto se takav proces dešava u Kantonu Sarajevo.

/aplauz/

**Predsjedavajuća:**

Zbog stenograma ipak moram da konstatiram. Temeljem glasovanja dobili smo 30 Za poslanika, a 1 protiv i suzdržan ništa.

## **KONSTATUJEM DA JE SKUPŠTINA DONIJELA BUDŽET KANTONA SARAJEVO ZA 2016.**

Upravo zbog nedostatka vremena ja prelazim na sljedeću tačku dnevnog reda, a to je:

### **AD – 3.**

#### **PRIJEDLOG ZAKONA O IZVRŠAVANJU BUDŽETA KANTONA SARAJEVO ZA 2016.GODINU**

Prijedlog zakona dobili ste u svojim materijalima. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Nema. Ima li pitanja? Nema. Otvaram raspravu. Nema rasprave. Zaključujem raspravu. Ukoliko nema niko ništa da kaže,

**MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O IZVRŠAVANJU BUDŽETA KANTONA SARAJEVO ZA 2016 GODINU.**

**Temeljem glasanja za je bilo 28 poslanika, protiv ništa i suzdržan 1.**

**KONSTATUJEM DA JE SKUPŠTINA DONIJELA OVAJ ZAKON.**

Prelazim na sljedeću tačku dnevnog reda.

### **AD – 4.**

#### **PRIJEDLOG ZAKONA O DOPUNAMA ZAKONA O OSNOVNOM ODGOJU I OBRAZOVANJU**

Prijedlog zakona ste dobili uz poziv za sjednicu. Molim predstavnika Predlagača da podnese uvodne napomene. Izvolite ministre Kazazoviću.

**Ministar Elvir Kazazović:** UVODNO IZLAGANJE SUMIRANO ZA ZAKON O DOPUNAMA ZAKONA O OSNOVNOM ODGOJU I OBRAZOVANJU, ZAKON O DOPUNAMA ZAKONA O SREDNJEM OBRAZOVANJU

#### **Predsjedavajuća:**

Hvala lijepo ministre. Obzirom da je tačka broj četiri i pet ista tema, samo prije nego što pređem na dalji radi naše Skupštine, ja molim naše uvažene poslanike da stvarno poštuju Etički kod. Ovo što se dešava u Sali, da je sala poluprazna i da naš uvaženi ministar govori pred polupraznom salom, dakle gledaoci i naši glasači su glasali za nas da sjedimo ovdje. Mislim da nije korektno da se toliko izlazi i da toliko budemo odsutni da je ovo stvarno vjerujte za mene poražavajuće. Molim službu da pozove sve poslanike da nastavimo raditi. Rekli smo da imamo Dom naroda i da zbog iste situacije moramo biti vrlo ekspeditivni. Hvala lijepo,

Da li predstavnici radnih tijela žele riječ? Je li služba izbrojala imamo li kvorum? Imamo. Ima li pitanja po tački 4 i tački 5? Nema rasprave. Otvaram raspravu.

**MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O DOPUNAMA ZAKONA O OSNOVNOM ODGOJU I OBRAZOVANJU.**

**Tko je za? Tko je protiv? Nitko. Tko je suzdržan? Nitko.**

**Temeljem glasovanja dobili smo 28 ZA.**

**KONSTATUJEM DA JE SKUPŠTINA DONIJELA ZAKON O DOPUNAMA ZAKONA O OSNOVNOM ODGOJU I OBRAZOVANJU .**

**Ja ću odmah dati prijedlog poslanicima da glasaju za tačku broj 5. to je:**

**AD - 5.**

**PRIJEDLOG ZAKONA O DOPUNAMA ZAKONA O SREDNJEM OBRAZOVANJU**

**Pa odmah da predemo na glasovanje.**

**Tko je za? Tko je protiv? Tko je suzdržan?**

**Temeljem glasovanja ZA 28, protiv ništa, suzdržan ništa.**

**KONSTATUJEM DA JE SKUPŠTINA DONIJELA OVAJ ZAKON.**

**Tačka 6.**

**AD – 6.**

**PRIJEDLOG ZAKONA O UNUTRAŠNJIM POSLOVIMA KANTONA SARAJEVO**

Prijedlog zakona ste dobili uz poziv za sjednicu. Molim predstavnika Predlagača da podnese uvodne napomene.

**Ministar Ismir Jusko:** evo ja ću iskoristiti samo priliku da pozdravim vas predsjedavajuća, vaše dopredsjedavajuće, članove Vlade, članove Skupštine, nemam nikakvih dodataka osim jedne male tehničkog detalja, a to je da napomenem da su sugestije na predloženi Zakon dali uvažena kolegica Segmedina Srna Bajramović, Slaviša Šućur, Klub SDA Kemal Ademović i Zvonko Marić. I jedna mala dopuna, radi se o tehničkoj grešci koju ćemo mi ispraviti i koja suštinski ne mijenja ništa. A to je znači u članu 45 gdje se navodi praćenje rada policijskog komesara stav 3 umjesto „šest mjeseci“ izvještaj ide svako tri mjeseca. I to je jedina greška koja se desila, ali veoma jednostavno za korigovati. Ništa više. Hvala.

**Predsjedavajuća:**

Hvala lijepo. Da li predstavnici radnih tijela žele riječ?

**Poslanik/zastupnik Predrag Kojović:**

Zahvaljujem predsjedavajuća. Ja nemam zaista nešto ozbiljno ali imam jednu malu primjedbu koja mene uvijek jako pogodi. A to je upotreba izraza „nacionalna pripadnost“ u ovom zakonu, i u drugim zakonima. Po meni ispravno je reći „etnička pripadnost“. Znači ako ste Bošnjak, Srbin, Hrvat vi imate neku etničku pripadnost. Nacionalna pripadnost, nacionalnost kao što svaki građanin BIH zna u ličnoj karti mu piše šta je po nacionalnosti. Po nacionalnosti mi smo svi Bosanci i Hercegovci. tako piše u ličnoj karti, pogledajte iako mnogi misle da ne piše, ali piše. A po etničkoj pripadnosti pripadamo različitim različitim (nerazumljivo). Ja znam da se ova upotreba fraze nalazi u svim zakonima ali ja upozoravam na njenu pogrešnu upotrebu tamo gdje ja mogu da govorim, gdje sam prisutan, kao što je sada ovdje. Znači nije

to ni neka izmjena i dopuna, niti je to neki amandman to je po meni više ispravna semantika, ispravna upotreba. Ja pripadam sekti jednoj tajnoj koja vjeruje da će pravilna upotreba riječi spasiti svijet pa bih molio ministra da u ovom zakonu samo pravilno primijeni ovu semantiku. Hvala.

**Predsjedavajuća:**

Hvala lijepo. Ima li pitanja? Nema. Otvaram raspravu.

**Poslanik/zastupnik Zvonko Marić:**

Hvala predsjedavajuća. Pozdravljam ponovo sve prisutne i odmah da ne bi bilo dilema moram kazati nekoliko riječi budući da sam i sam iznio određene primjedbe još kada je ovaj prijedlog zakona bio u formi nacрта. Tada je to bio mogu slobodno kazati užasnije od užasnog, mislim u zakonodavno pravnom smislu. Zato što je bio manjkav, nedorečen i nekako s brda s dola napravljen i nije bio u skladu sa ozbiljnošću koja se odnosi na ovu oblast. Naravno, da otklonimo svaku dilemu, ja osobno a i moje kolege podržat ćemo ovaj prijedlog zakona iz dva razloga, barem ja osobno mogu da kažem, a to je: prije svega što je upravo na inicijativu kada smo još tada govorili ja i gospodin Kemal Ademović i gospodin Pindžo može se uzeti i transkript ili stenogram sa sjednice i ukazivali na manjkavosti tog predloženog nacrt. Dakle, podržavamo zato što je uvršteno u ovaj prijedlog zakona vrlo važna odredba a to je usklađenost sa federalnim zakonom. I prije svega odnosi se na onaj dio kontrole, civilne kontrole nad radom MUP-a. I drugi razlog, red je budući da je sadašnji ministar, aktuelni, gđin Jusko, naslijedio ovakav nacrt, odnosno kako ga je i izložio onda, evo zahvaljujući tom periodu u kojem sam i ja uložio neke primjedbe, sugestije ili kako god hoćete nazovite da mu damo podršku na neki način u obavljanju vrlo teškog i složenog zadatka koji je pred njima, sreće će mu svakako trebati. I sa dosta naslijedenih loših stvari koje će u svom poslu da obavlja. Međutim, dužan sam da kažem zbog gledateljstva i da podsjetim na nekoliko stvari koje smo naučili zahvaljujući upravo ovom produženom roku kada je premijer Konaković u ime Vlade povukao ovaj Zakon, onog dana kada je sjednica bila i moram kazati da je gospodin Konaković u nekoliko navrata poentirao, moram to reći, ipak i to neko treba znati, a prevashodno volio bih da bude praksa ono što je rekao, da bi red bio i da je manjkavost ove Vlade i ministara što ne preslušaju ili ne pogledaju transkript odnosno stenogram sa sjednica pa se ne bi morali ponavljati prijedlozi, dopune sugestije svih zastupnika koje moramo ovdje zaista cijeliti jer ne bih volio i uvijek se protivim tome da kada nešto kažemo kao zastupnici koji smo pod zakletvom da ćemo govoriti istinu i zalagati se za itd. da ne ponavljam dalje za interese građana koji su nas birali. Da se osobno ništa ne shvata. I vjerujem da će gospodin Konaković i njegova Vlada uvesti tu praksu pa da ne bili u situaciji, gubili dragocjeno vrijeme, ponavljali sve sugestije, na predloženi nacrt zakona itd. Ono drugo, što je veoma važno, isto je riječ o gđinu Konakoviću, odnosno premijeru Konakoviću, kada je jednom vrlo vještom moram reći, političkom egzibicijom rekao, i što sam ja uvijek ukazivao i naučio kao novinar prije 25 godina, da kada se neko pozove prije nego što počne izlagati i iznositi argumente za jedan Zakon, pozove da je to međunarodna zajednica, podržala jer je rekla da se usvoji, da apsolutno prepoznajem, da ima u tome manjkavosti i da se u tome traži alibi za nedostatke tog zakona. Na kraju krajeva mi donosimo ovdje Zakon za naše građane, za policiju i svako bi bio idiot ko bi imao bilo šta protiv policije. Ali im treba dati dobar Zakon da bi bili efikasni i da bi obavljali svoju funkciju. Ovo što imamo sada pred sobom, daleko je od dobrog zakona iz hiljadu drugih razloga. I gospodin Konaković, treći put, kada je rekao da je prilikom povlačenja prilikom ovog prijedloga zakona, ako ima toliko primjedbi jedan ekspert, kakav je Kemal Ademović, uputio kompliment, ne sporim, čak šta više vrlo poštujem i cijelim ono što gospodin Ademović zna u ovoj oblasti. Ali nije bilo potrebno biti nikakav ekspert da bi se prepoznalo da takav Zakon nigdje u okruženju ni u jednoj zemlji, ni u EU ne postoji. I nismo valjda toliki iluzionisti da mislimo da će zemlje EU preslikati ovaj Zakon ili

da će im biti uzor, a grdno se varamo. I te kako će morati da se doraduje ovakav Zakon i ja nisam očekivao kada sam podnosio sugestije da će one biti prihvaćene jer smatram da su previše proevropske i da nije možda takav politički trenutak, ali jednoga dana sigurno će morati evo i skladu sa onim što je u RS-u urađeno, a donesen je Zakon o MUP-u koji je vrlo evropski. Međutim, žalim, to je bila jedna moja vrsta testa da vidimo koliko smo dostigli taj nivo. Ali žalim što nisu sugestije gdina Ademovića uvažene. Prije svega na proširenje baze koja se odnosi na eventualne ili buduće kandidate za izbor komesara, gdje jasno i precizno, čak je i naveo stručnu spremu. Znači ako neće da uvrstite u Zakon stručnu spremu za vrlo osjetljivo mjesto, znate Poslovnikom vi to možete da riješite u određenom trenutku, znači unutar njim internim aktima svašta nešto. I to je vrlo upitno. I da ne nabrajam još brojne, brojne primjedbe na ovaj Zakon, ali u svakom slučaju bolji je od onog prošlog zakona i zbog same činjenice da je usklađen barem u ovom dijelu civilnog nadzora nad policijom iz federalnog zakona. U to ime da je puno evropskiji bolji mogli bi da slobodno kažemo da bi bio ovo novogodišnji poklon našim građanima. Međutim to neću reći ali evo imat će novogodišnji poklon u usvojenom Budžetu za narednu godinu, i u to ime želim da im čestitam i sretnu Novu godinu uz dobro zdravlje. Hvala vam lijepo i kažem Prijedlog zakona da ćemo podržati.

**Poslanik/zastupnik Hamed Aljović:**

Zahvaljujem predsjedavajuća. Ja imam jednu poslovničku intervenciju pošto sam maloprije bio izložen verbalnom napadu u skupštinskoj klupi od strane ovoga, ne znam kako bih ga nazvao, jel vladin službenik ili neregistrovani sindikat. Čovjek je naišao pored mene i kaže: "On ima milion maraka ako mi treba da mu se obratim". Mislim meni ne treba jer ja trošim zarađene pare a on troši državne pare. Gospodin Sivro, znači evo čovjek je bio prisutan iza mene kada je naišao. Sivro Saudin. Znači sada je naišao pored mene i kaže ako mi treba, on ima milion maraka ako mi treba da mu se obratim. Meni ne treba jer ja trošim svoje pare.

**Poslanik/zastupnik Zvonko Marić:**

Upravo tako nešto i sličan primjer i molim vas predsjedavajuća da, mi smo ipak zastupnici i o tome treba voditi računa. Taj isti gospodin je isto tako na isti način brutalno nastupio prema meni, govoreći pri tome da naše kritike, posebno je pomenuo mene i kolegicu Ćudić, utiču na to da mu raste rejting kod supruge. Mislim da je to ispod svakog nivoa. Ta vrsta primitivizma ne smije biti dopuštena u ovoj zgradi. Pa mi smo zastupnici, ne znam na koji način smo mu podigli rejting kod njegove supruge i neću u to da ulazim, ali svjedok sam da takva vrsta primitivizma ne priliči ničemu jer sam svjedočio još iks primjera takvih tako da ta bahatost, i da zamolite ovi koji imaju uticaja na gdina Sivru da poštuju malo dignitet ovih zastupnika. Hvala vam.

**Predsjedavajuća:**

Hvala lijepo gospodine Mariću. Ja vjerujem da naš kućni odgoj treba da bude na prvom mjestu ulaznica u ovakvu jednu ustanovu koja je najveći zakonodavno tijelo. Ako nema rasprave ja bih zatvorila ovu raspravu. Gospodine premijeru imate li vi nešto za reći? Ne.

**MOLIM POSLANIKE DA PRISTUPE IZJAŠNJAVANJU O PRIJEDLOGU ZAKONA O UNUTRAŠNjim POSLOVIMA KANTONA SARAJEVO.**

Tko je za? Tko je protiv? Tko je suzdržan? Nitko.

Temeljem glasovanja 28 je ZA poslanika, protiv niko, suzdržan 1.

**KONSTATUJEM DA JE SKUPŠTINA DONIJELA OVAJ ZAKON.**

**Prelazimo na 7 tačku dnevnog reda. A to je**

**AD – 7.**

**PREDNACRT ZAKONA O UVOĐENJU POSEBNIH MUZEJSKIH ZONA ZAŠTITE, KORIŠTENJA I OBNOVE KULTURNE BAŠTINE I ORGANIZACIJE SAOBRAĆAJA NA LOKALNIM CESTAMA NA PODRUČJU KANTONA SARAJEVO**

Nacrt zakona dobili ste uz poziv za sjednicu. Molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Ne. Dobro. Ima li pitanja? Nema pitanja. Otvaram raspravu.

**Poslanik/zastupnik Neira Avdibegović:**

Hvala uvažena predsjedavajuća. Ja ću dati kratak osvrt Kluba DF-a na predloženi nacrt. Dakle, broj turista koji svake godine posjeti Kanton Sarajevo, kulturno historijske spomenike i znamenitosti po kojima smo prepoznatljivi je sasvim opravdan argument za donošenje Zakona koji će urediti ovu oblast i rezultirati sticanjem dodatnih prihoda od organizovanih turističkih posjeta koje bi se dalje usmjeravale u zaštitu i obnovu turističke infrastrukture. Naš cilj treba biti obogaćivanje turističke ponude kroz sanaciju i rekonstrukciju muzeja i zaštićenih objekata kako bi Sarajevo postalo što privlačnija turistička destinacija. Po osnovu naknada koje Zakon predviđa, prihodi u budžetu Kantona Sarajevo će rasti i isti će se namjenski trošiti za finansiranje izgradnje objekata u posebnim muzejskim zonama zaštite, obnove kulturne baštine i saobraćajne organizacije. Klub DF-a smatra da je nacrt koji je i sačinio DF-ov ministar gospodin Samer Rašidat dobra polazna osnova za izradu prijedloga zakona uz posebnu preporuku da se uvaži prijedlozi Ureda za zakonodavstvo, odnosno u pripremu i izradu materijala aktivno uključe i ostala resorna ministarstva, posebno Ministarstvo za saobraćaj i Ministarstvo prostornog uređenja, građenja i zaštite okoliša, ali i lokalne zajednice sa ciljem pronalaženja kvalitetnih rješenja za pitanja iz njihove nadležnosti. Klub DF-a će podržati da se i nacrt uputi u javnu raspravu u trajanju od predviđenih 30 dana a navedene preporuke o potrebi interesorne saradnje smatrajte prilogom iste. Hvala lijepo.

**Predsjedavajuća:**

Hvala lijepo. Ima li još ko za raspravu? Nema. Zatvaram raspravu. Ministar se želio obratiti. Izvolite ministre.

**Ministar Mirvad Kurić:**

Uvažena predsjedavajuća, dopredsjedavajući, kolegice zastupnice i zastupnici, ministri, premijeru svi gledatelji TVSA sve vas srdačno pozdravljam i stvarno vam se zahvaljujem na ovakvoj podršci. Naravno Ministarstvo će uz sve one primjedbe koje su stigle iz pojedinih komisija, prvenstveno se to odnosi na Zakonodavno pravnu komisiju uvrstiti. Ono što se tiče ministarstva saobraćaja usaglasili smo se dijelove koji su u nekom ranijem prijedlogu ovog nacrta bile sporne tako da mislim da je ovo u redu. Hvala vam puno. Prijatno.

**Poslanik/zastupnik Kemal Ademović poslovnička intervencija:**

Kod utvrđivanja dnevnog reda Skupština je izglasala da se ovaj materijal razmatra kao prednacrt Zakona u skladu sa članom 131 i 132 Poslovnika koji je zove prethodni postupak. Dakle u tom slučaju Skupština bi morala da u skladu sa tim članovima donese zaključak i da odredi ko je nosila izrade i priređivač ispred Vlade jer to Vlada u dosadašnjoj proceduri niti Ministarstvo nije predložilo. Tu su Ministarstvo saobraćaja, Ministarstvo komunalne infrastrukture, Ministarstvo kulture i sporta. Itd. Tu su najmanje tri ministarstva i lokalna zajednica to jest općine. Dakle Skupština bi morala da donese zaključak o tome o principima i



o tome kako to kaže ovaj član 132 i o tome ko će biti priređivač. Hoće li i dalje ostati jedno Ministarstvo ili će biti tri ministarstva ili će biti jedno od ova tri ministarstva. Dakle ne razmatramo danas nacrt zakona nego provodimo prethodni postupak da bi se utvrdio materijal i nosilac izrade. Hvala.

**Ministar Mirvad Kurić:**

Ja koliko sam shvatio kada se glasalo o dnevnom redu bilo je govora samo kada je u pitanju Zakonodavno pravna komisija da je bilo govora o izmjeni dvije tačke dnevnog reda sa zaključkom a ne da ovo ide u formi prednacrta i koliko se ja sjećam Skupština se nije u tom kontekstu izrazila da ide u formi prednacrta. Konsultovano je Ministarstvo saobraćaja, to sam i rekao, stručne službe su uradile usuglasile sporne dijelove koji su bili u ovom nacrtu od ranije, mislim da nema potrebe da idemo i da odugovlačimo procese. Naravno, Ministarstvo kulture i sporta svaku primjedbu, svaki amandman, svaku sugestiju koju vi uputite da li neko iz Vlade, da li od resornih ministara, da li od vas zastupnika će razmatrati i prihvatiti ali nema potrebe da zaustavljamo proces. Mislim nacrt je nije prijedlog tako da bih ja volio da ovaj nacrt ide u ovoj proceduri. A što se tiče ovog člana 131 i 132 na koji se poziva Zakonodavno pravna, član 131 kaže prije podnošenja nacrta zakona predlagač može podnijeti teze itd. Može a i ne mora, tako da zahvaljujem se. Prijatno.

**Predsjedavajuća:**

Zahvaljujem se. Mi smo na početku čitanja dnevnog reda ustanovili da je ovo prednacrt i da smo objedinili tačku 15 i 16, odnosno zamijenili njihov redoslijed i tačku broj 7 također umjesto nacrta dali prijedlog da je to prednacrt. I da ćemo tako voditi i ovu tačku dnevnog reda. Možda niste čuli uvaženi ministre ali tako je bilo na početku. Mi moramo imati zaključak o kojem se Skupština mora izjasniti i evo ja ću da.

**Dopredsjedavajući Sabahudin Delalić:**

Zahvaljujem predsjedavajuća. Treba nam novi zaključak, tako da ovu tačku odlažemo. Nastavit ćemo s radom dok Ministarstvo ne izradi novi zaključak o kojem ćemo glasati. To normalno prednacrt ovog zakona.

**Predsjedavajuća:**

U redu, hvala lijepo. Prelazimo onda na tačku 8.

**AD – 8.**

**PRIJEDLOZI ODLUKA O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINA KANTONALNIH JAVNIH KOMUNALNIH PREDUZEĆA:**

- a) KJKP „Vodovod i kanalizacija“ d.o.o. Sarajevo;
- b) KJKP „Rad“ d.o.o. Sarajevo;
- c) KJKP „Park“ d.o.o. Sarajevo;
- d) KJKP „Pokop“ d.o.o. Sarajevo;
- e) KJKP „Sarajevogas“ d.o.o. Sarajevo;
- f) KJKP „Toplane Sarajevo“ d.o.o. Sarajevo;
- g) KJKP „Tržnice – pijace“ d.o.o. Sarajevo

Predlažem da po ovim odlukama provedemo jedinstvenu raspravu, a izjašnjavanje pojedinačno. Molim poslanike da se izjasne o ovom prijedlogu. Tko je za? Za je glasalo 31, protiv ništa, suzdržan ništa.

Konstatujem da je Skupština donijela odluku da se po Prijedlogu navedenih odluka provede jedinstvena rasprava, a izjašnjavanje pojedinačno.

Molim predstavnika Predlagača da podnese uvodne napomene.

## **Ministar Senad Hasanspahić: UVODNO IZLAGANJE**

### **Predsjedavajuća:**

Dobro. Da li predstavnici radnih tijela žele riječ? Ne. Ima li pitanja? Ne. Otvaram raspravu.

### **Poslanik/zastupnik Mirsad Pindžo:**

Zahvaljujem ja ću iskoristiti priliku da pošto su sljedeće četiri pet tačaka, sve na istu temu, da u jednoj diskusiji objedinim sve da ne bih se javljao više puta a ista je tema. Samo različite oblasti prostorno, komunalna infrastruktura, saobraćaj i privreda i pravda. Ne ulazeći u prijedlog Vlade pojedinačno, imenom i prezimenom ko su ljudi predloženi. Znači kada je u pitanju razrješenje, ljudima je istekao mandat i to je formalnost da se izglasa odluka o razrješenju. To je samo potvrđivanje nečega što je već nastupilo. Ako su u pitanju imenovanja, pošto su i sljedeće tačke i razrješenja i imenovanja u svim resorima, ja moram reći stav Kluba DF-a da ne želi i neće učestvovati u nezakonitom radu, a ovo je nezakonito. Vlada je u obrazloženju citirala član 4 Zakona o izmjenama i dopunama Zakona o ministarskim, vladinim i drugim imenovanjima u FBiH gdje je predviđeno da se imenovanja na kraći period moguća najviše tri mjeseca koja se ne mogu ponoviti. Što znači da dva puta imenovanje vršioca dužnosti je nezakonito. I mi u tome ne želimo učestvovati. A pogotovo što su prošla tri mjeseca i da je Vlada imala sasvim dovoljno vremena da pripremi konačno imenovanje po raspisanom javnom konkursu. Pogotovo što imamo informacije bar iz medija a su dva puta raspisivani konkursi pa poništavani, neću ulaziti u finansijski dio koliko je to sve koštalo, ali je neshvatljivo da se poslije tri mjeseca ponovno krši Zakon i ide imenovanje vršioca dužnosti, suprotno zakonu koji sam citirao. Zbog toga mi ne želimo apsolutno učestvovati u ovome niti ćemo podržati. Ako je obrazloženje promjena vladajuće većine i za to je bilo dovoljno vremena, jer od dana imenovanja Vlade, od danas je prošlo više od mjesec dana i za taj period se mogla provesti procedura zakonita, konkursna danas imam zakonit prijedlog kako rekoh bez obzira na imena jer apsolutno nećemo da se bavimo imenima nego o procedurama i o zakonitosti postupka. Zahvaljujem.

### **Predsjedavajuća:**

Hvala lijepo. Ima li još neko za raspravu? Zaključujem raspravu.

### **Premijer Elmedin Konaković:**

Ja ću ovim narodnim jezikom odgovarati. Dakle, ovako kaže Zakon: članom 4 Zakona o izmjenama i dopunama Zakona o ministarskim, vladinim i drugim imenovanjima FBiH predviđeno je da se: nominacije, imenovanja, na kraći period su nominacije ili imenovanja na najviše tri mjeseca koja se ne mogu ponoviti. Mi nismo ponovili ni jedno ime ni u jednoj Skupštini. I smatramo da je u moru problema koje imamo u ovim imenovanjima ovo najmanje štetno. Dakle slažemo se. I naravno da je to odraz političkih većina. Konkursi. Kao što je bio i prvi put. Da konkursi koje raspisuje Vlada jesu uglavnom i mi idemo ka tome da se vratimo na one prvobitne prijedloge, žao mi je što nismo uspjeli. Ne možemo biti Skupštine preduzeća. Ja sam sve uradio da to budemo, ali ne možemo. Ali možemo po onog jednog delegirati bez nadoknade iz ministarstava. To Zakon dozvoljava. I na tom putu dok se

odlučimo da li ovaj konkurs novi koji bi predviđao tri ili ovaj koji bi nas vratio na po jednog opunomoćenika naravno ne ministra, ne premijera, ne nekoga od vas izabranih dužnosnika, trenutno nam je već duži period bez upravljačkih struktura dobar dio komunalne privrede. Dakle mi smo u tom moru političkih i administrativnih propisa odlučili se da ponovimo period od tri mjeseca i ni jedno ime ne ponovimo. Dakle ne mogu se ponavljati. To je na neki način malo blaža verzija najboljeg rješenja trenutno kojeg Vlada vidi. Zaista nam je tu teško i voljeli bi smo da je bilo pretpostavki i uslova da se to završi na način kako su procedure predviđale. Sjećate se procesa u ovoj Skupštini u kojima smo mjesecima bili bez organa bez struktura, mislim da je tu najveća šteta, i ovo je opredjeljenje Vlade i brzo ćemo reagovati da se ne produži, ne ponovi. Ako se ne promijeni neka nova parlamentarna većina pa ne procijeni da bi se moglo uraditi isto. Hvala.

**Poslanik/zastupnik Mirsad Pindžo:**

Ja moram odgovoriti vama gospodine premijeru i ispraviti vas u prethodnoj većini nije bilo ovakvog imenovanja nezakonitog. Znači rekli ste „odraz parlamentarne većine“. Da, slažem se i nemam ništa protiv toga i to je sasvim logično i normalno i to treba raditi u zakonitoj proceduri. Podsjetit ću vas i na vaša izlaganja u ovoj Skupštini kada ste citirali jednog SDP-ovog federalnog zastupnika „znamo da nije po ustavu i zakonu ali nama se žuri“. Vidite stiglo vas u istim opancima. Nije u redu. Znao sam i čuo sam po kuloarima ovo objašnjenje kao nema ne ponavljaju se imena. Ovdje se ne govori o pojedinačnim imenovanjima nego o vladinim imenovanjima organa. Ne može se tumačiti nije jedno ime u ovom preduzeću pa će sada biti u onome. Imenovanje Skupština JKP je vladino imenovanje i može se imenovati na kraći period do tri mjeseca i ne može se ponoviti. To tumačenje koje je vama dato da bi malo ublažili ovo što radite nezakonito, ne stoji gospodine premijeru.

**Premijer Elmedin Konaković:**

Bez obzira što je malo sa smiješkom ja uvijek svaki put odbacujem bilo kakvu insinuciju da lično radim nešto nezakonito ili da to radi Vlada. Evo ja ću član po član pročitati i predlažem da se organ očituje. Da pošaljemo upit Zakonodavno pravnoj komisiji ili tumaču autentičnog tumačenja ovog propisa koji kaže „nominacije/imenovanje Zakon o izmjenama i dopunama Zakona o ministarskim vladinim i drugim imenovanjima predviđeno je da se nominacije/imenovanja na kraći period su nominacije ili imenovanje na najviše tri mjeseca koja se ne mogu ponoviti. Dakle mi nismo ponovili nominacije, jer smo nominovali druge ljude. Nominujemo druge ljude jer isti ljudi u vd mandatu po tri mjeseca smatramo da je nezakonito. Tako da smo tu našli uporište u zakonu da riješimo taj dio problema. Ako sam krivo rekao nisam rekao da je to bilo na početku našeg, možda ste me krivo shvatili. To stoji kolega Pindžo. Ali ovo drugo da radimo nezakonito ne stoji. Dakle radimo u okviru ovog propisa koje je možda malo nejasan. Mi ga tumačimo ovako a vi onako i eto to je.

**Poslanik/zastupnik Mirsad Pindžo:**

Ja ne uzimam sebi pravo da tumačim zakone jer zakone onaj ko donosi on ih može i tumačiti. Ovo je federalni propis i trebali bi imati tumačenje federalnih organa ali za svaki prijedlog vladin, gospodine premijeru, u ovoj Skupštini vi ste dužni pribaviti u proceduri mišljenje Ureda za zakonodavstvo i Zakonodavno pravne komisije. I to je još jedna od manjkavosti koju vi nemate u prilogu, ni jednog ni drugog organa mišljenje ta dva organa. A oni su ti ovlašteni da tumače Zakon ovako ili onako. Mi ta izjašnjenja ni jednog organa nemamo. Hvala.

**Premijer Elmedin Konaković:**

Slažem se. U tom dijelu. I opet se vraćam na našu obavezu da imamo Skupštine ili da ih nemam. I neću politizirati, prisjećati se prošlih perioda ali zaista mi moramo brzo uspostaviti

sistem kontrole u JKP i zbog onoga što smo na budžetu govorili, a trajno rješenje vidimo u izmjenama ovih propisa i vjerovatno opredjeljenju da idemo ka jednom opunomoćeniku kako bi se ove političke konotacije u budućnosti izbjegle da tu stranke ne odlučuju, nego da to bude jedan ovlaštenu predstavnik ministarstva koje je po ustavu nadležno da vrši nadzor nad radom i žao mi je što ne postoje organi koji bi tretirali da to evo na FBiH radi Vlada, kod nas to ne može raditi Vlada i mi, poštujući Zakon, mi smo se za to opredijelili.

**Predsjedavajuća:**

a)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA „VODOVOD I KANALIZACIJA“ D.O.O. SARAJEVO

ZA JE GLASALO 30 POSLANIKA, PROTIV ništa I SUZDRŽANO ništa.

KONSTATUJEM DA JE SKUPŠTINA DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA „VODOVOD I KANALIZACIJA“ D.O.O. SARAJEVO

B)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA „RAD“ D.O.O. SARAJEVO

ZA JE GLASALO 30 POSLANIKA, PROTIV ništa I SUZDRŽANO ništa.

KONSTATUJEM DA JE SKUPŠTINA DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA „RAD“ D.O.O. SARAJEVO

C)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA „PARK“ D.O.O. SARAJEVO

ZA JE GLASALO 30 POSLANIKA, PROTIV ništa I SUZDRŽANO ništa .

KONSTATUJEM DA JE SKUPŠTINA DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA „PARK“ D.O.O. Sarajevo.

D)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG PREDUZEĆA „POKOP“ D.O.O. SARAJEVO

ZA JE GLASALO 30 POSLANIKA, PROTIV ništa I SUZDRŽANO ništa.

KONSTATUJEM DA JE SKUPŠTINA DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA „POKOP“ D.O.O. SARAJEVO

E)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA „SARAJEVOGAS“ D.O.O. SARAJEVO

ZA JE GLASALO 30 POSLANIKA, PROTIV ništa I SUZDRŽANO ništa .

KONSTATUJEM DA JE SKUPŠTINA DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA „SARAJEVOGAS“ D.O.O. SARAJEVO

F)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA „TOPLANE SARAJEVO“ D.O.O. SARAJEVO

ZA JE GLASALO 30 POSLANIKA, PROTIV ništa I SUZDRŽANO ništa .

KONSTATUJEM DA JE SKUPŠTINA DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA „TOPLANE SARAJEVO“ D.O.O. SARAJEVO

G)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA „TRŽNICE – PIJACE“ D.O.O. SARAJEVO

ZA JE GLASALO 30 POSLANIKA, PROTIV ništa I SUZDRŽANO ništa .

KONSTATUJEM DA JE SKUPŠTINA DONIJELA ODLUKU O POTVRĐIVANJU RAZRJEŠENJA VRŠILACA DUŽNOSTI PREDSEDNIKA I ČLANOVA SKUPŠTINE KANTONALNOG JAVNOG PREDUZEĆA „TRŽNICE – PIJACE“ D.O.O. SARAJEVO

**Prelazimo na 9 tačku dnevnog reda.**

**AD - 9.**

**PRIJEDLOZI ODLUKA O POTVRĐIVANJU IMENOVANJA VRŠILACA DUŽNOSTI PREDSEDNIKA I ČLANOVA SKUPŠTINA KANTONALNIH JAVNIH KOMUNALNIH PREDUZEĆA:**

- a) KJKP „Vodovod i kanalizacija“ d.o.o. Sarajevo;
- b) KJKP „Rad“ d.o.o. Sarajevo;
- c) KJKP „Park“ d.o.o. Sarajevo;
- d) KJKP „Pokop“ d.o.o. Sarajevo;
- e) KJKP „Sarajevogas“ d.o.o. Sarajevo;

- f) KJKP „Toplane Sarajevo“ d.o.o. Sarajevo;
- g) KJKP „Tržnice – pijace“ d.o.o. Sarajevo

Prijedloge navedenih Odluka dobili ste u dopunskom materijalu. Molim poslanike da se izjasne o ovom prijedlogu. Molim? Pojedinačno. Izvolite.

**Poslanik/zastupnik Eldar Čelik:**

Hvala uvažena predsjedavajuća. Mi smo na tački 9. pošto tačka 9, 10, 11, 12 i 13 su tačke koje se odnose na istu materiju na razrješenje i imenovanje Skupština JKP mislim da bi trebali obaviti jedinstvenu raspravu po svim ovim tačkama i a se izjašnjavamo, npr. za tačku 9 kompletnu. A ne da glasamo u tački 9 pod a za jedno preduzeće, pod b za drugo itd. Mislim da ovdje se stavovi u samoj Skupštini znaju. Ko će bit za, protiv, itd. Pa mislim da bi u smislu uštede nekog vremena mogli a se tako izjasnimo za sve ove tačke ako su kolege za to.

**Predsjedavajuća.**

Evo ja dajem prijedlog da glasamo o prijedlogu kolege Čomora, tko je za?

Pošto smo svi za, onda da skratimo postupak. Ja mislim da ne trebamo ništa predlagača. Nema potrebe. Hvala lijepo. Ni jedan predlagač. Da li predstavnici radnih tijela žele riječ? Ne. Ima li pitanja? Nema. Otvaram raspravu. Nema rasprave.

Onda da glasamo. Morali smo malo da se konsultujemo pošto smo donijeli jednoglasno ovu odluku o ovim tačkama

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDSJEDNIKA I ČLANOVA SKUPŠTINA KANTONALNIH JAVNIH PREDUZEĆA PO SVIM OVIM REDOSLIJEDIMA.**

**Temeljem glasovanja dobili smo**

**ZA JE GLASALO 19 POSLANIKA, PROTIV 9 I SUZDRŽAN 1.**

**KONSTATUJEM DA JE SKUPŠTINA DONIJELA ODLUKU O OVIM IMENOVANJIMA.**

**Samo jedan trenutak još. Tačka 10.**

**AD – 10.**

**PRIJEDLOZI ODLUKA O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINA KANTONALNIH JAVNIH PREDUZEĆA, I TO:**

- a) Kantonalno javno preduzeće „ZOI '84“ Olimpijski centar Sarajevo d.o.o Sarajevo;
- b) Kantonalno javno preduzeće „Veterinarska stanica Sarajevo“ Sarajevo d.o.o. Sarajevo;
- c) Kantonalno javno preduzeće za gospodarenje državnim šumama „Sarajevo-šume“ d.o.o. Sarajevo;
- d) Kantonalno javno preduzeće „Poljoprivredno dobro Butmir“ d.o.o. Sarajevo – Ilidža;
- e) Kantonalno javno preduzeće Centar „Skenderija“ d.o.o. Sarajevo;

Prijedloge navedenih Odluka dobili ste u dopunskom materijalu. I ovome pošto smo glasali za ovo molim predlagača. Nema potrebe. Da li predstavnici radnih tijela žele riječ? Ne. Ima li pitanja? Ne. Otvaram raspravu. Zatvaram raspravu.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA V.D. PREDSJEDNIKA I ČLANOVA SKUPŠTINA KANTONALNIH JAVNIH PREDUZEĆA KAKO SMO IH NAVELI U PRETHODNOM STAVU.**

**ZA JE GLASALO 29 POSLANIKA, PROTIV ništa I SUZDRŽANO ništa.  
KONSTATUJEM DA JE SKUPŠTINA DONIJELA OVE ODLUKE .**

**Prelazimo na tačku 11. to su:**

**AD - 11.**

**PRIJEDLOZI ODLUKA O POTVRĐIVANJU IMENOVANJA VRŠILACA DUŽNOSTI PREDSJEDNIKA I ČLANOVA SKUPŠTINA KANTONALNIH JAVNIH PREDUZEĆA, I TO:**

- a) Kantonalno javno preduzeće „ZOI '84“ Olimpijski centar Sarajevo d.o.o Sarajevo;
- b) Kantonalno javno preduzeće „Veterinarska stanica Sarajevo“ Sarajevo d.o.o. Sarajevo;
- c) Kantonalno javno preduzeće za gospodarenje državnim šumama „Sarajevo-šume“ d.o.o. Sarajevo;
- d) Kantonalno javno preduzeće „Poljoprivredno dobro Butmir“ d.o.o. Sarajevo – Ilidža;
- e) Kantonalno javno preduzeće Centar „Skenderija“ d.o.o. Sarajevo

I za ovu tačku smo također konstatovali da smo za. Molim predlagača, ima li potrebe? Nema potrebe. Da li predstavnici radnih tijela žele nešto reći? Ne. Ovo jako ide brzo. Ima li pitanja? Otvaram raspravu. Nema rasprave.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA V.D. PREDSJEDNIKA I ČLANOVA SKUPŠTINA KANTONALNIH JAVNIH PREDUZEĆA KAKO SMO NAVELI U PRETHODNOM IZLAGANJU.**

**ZA JE GLASALO 19 POSLANIKA, PROTIV 9 I SUZDRŽAN 1.  
KONSTATUJEM DA JE SKUPŠTINA DONIJELA OVE ODLUKE.**

**Dvanaesta tačka dnevnog reda:**

**AD – 12.**

- a) **PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE KJKP „GRAS“ D.O.O. SARAJEVO;**
- b) **PRIJEDLOG ODLUKE O POTVRĐIVANJU IMENOVANJA VRŠILACA DUŽNOSTI PREDsjedNIKA I ČLANOVA SKUPŠTINE KJKP „GRAS“ D.O.O. SARAJEVO;**

Prijedloge navedenih Odluka dobili ste u dopunskom materijalu. Kao i prethodnoj tački, ja mislim da smo se to dogovorili da glasamo. Molim predstavnika Predlagača da podnese uvodne napomene. Nema potrebe. Da li predstavnici radnih tijela imaju šta reći? Nema. Ima li pitanja? Bibija Kerla, izvolite. Moramo radi stenograma. Odustajete. Hvala lijepo. Otvaram raspravu. Nema rasprave.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINA KANTONALNOG JAVNOG KOMUNALNOG PREDUZEĆA “GRADSKI SAOBRAĆAJ” D.O.O. SARAJEVO**  
**ZA JE GLASALO 28 POSLANIKA, PROTIV ništa I SUZDRŽANO ništa.**  
**KONSTATUJEM DA JE SKUPŠTINA DONIJELA OVU ODLUKU.**

**b)**

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDsjedNIKA I ČLANOVA SKUPŠTINE KANTONALNOG JAVNOG KOMUNALNOG PREDUZEĆA “GRADSKI SAOBRAĆAJ” D.O.O. SARAJEVO**  
**ZA JE GLASALO 20 POSLANIKA, PROTIV 8 I SUZDRŽAN 1.**  
**KONSTATUJEM DA JE SKUPŠTINA DONIJELA OVU ODLUKU.**

**Trinaesta tačka dnevnog reda.**

AD – 13.

- a) **PRIJEDLOG ODLUKE O POTVRĐIVANJU RAZRJEŠENJA VRŠILACA DUŽNOSTI PREDsjedNIKA I ČLANOVA SKUPŠTINE JAVNOG PREDUZEĆA „TELEVIZIJA KANTONA SARAJEVO“ D.O.O. SARAJEVO;**
- b) **PRIJEDLOG ODLUKE O POTVRĐIVANJU IMENOVANJA VRŠILACA DUŽNOSTI PREDsjedNIKA I ČLANOVA SKUPŠTINE JAVNOG PREDUZEĆA „TELEVIZIJA KANTONA SARAJEVO“ D.O.O. SARAJEVO**

Pošto smo se već izjasnili o tome, molim predstavnika Predlagača da podnese uvodne napomene. Nema potrebe. Da li predstavnici radnih tijela žele riječ? Nemaju. Ima li pitanja? Ne. Otvaram raspravu. Izvolite gospodine Mariću.

**Poslanik/zastupnik Zvonko Marić:**

Zaista nisam mogao a da nekoliko riječi ne kažem budući da sam četiri pune godine obavljao rukovodeću dužnost u TVSA. Ova moja diskusija samo će se odnositi na to da se ne ponove neke stvari koje su bile nemile u prošlim vremenima. Koje sam ja zapravo doživio i nadam se da će sada upravljačke strukture imati više sluha nego kada su smjenjivale rukovodstvo prije sedam ili osam godina. Tada je bila neka druga koalicija na poziciji i molim ih da na neki



način rukovodeći kadar imenuju sukladno kompetentnostima. A ne kao što se dešavalo i desilo u ono vrijeme kada su SDP i SDA bili u koaliciji tada je gospodin Mirsad Sipović ušao poput ulaska Gestapoa i zaista ulazio u prostorije i takoreći maltretirao sve tamo zaposlene, čak uključujući i novinare. To je bilo uistinu ponižavajuće. Da bi mi nakon toga rekao da mu je to partijska dužnost. Odnosno partijski zadatak. Ja sam samo njega upitao da li bi partijski zadatak izvršio da skoči sa Trebevičke stijene? On je rekao da sam ja filozof. Međutim ti ljudi koji izvršavaju te prljave partijske zadatke su zaista nepoželjni, pogotovo u medijima. Ja zaista apeliram da to bude na jedan dostojanstven način, na kraju krajeva. Ta televizija predstavlja ujedno i interese i u službi je informisanja građana i da zaslužuje kompetentne ljude a ne kao što se desilo da su tamo zbog nekompetentnosti izvršnog direktora čak pokušali da promjene zakonska akta prema kojima je to poduzeće radilo. I zamislite njegovoj nekompetenciji prilagođavate zakonska akta. Samo da se takve stvari ne dešavaju, a to vjerujem ne bi trebalo ni u ostalim javnim preduzećima jer su od javnog interesa i trebali bi biti u interesu građana i sukladno tome se ponašati. A ono što smo mi pretrpjeli taj teror mobing mi znamo. I imali smo zaista najveću gledanost zato što smatram da smo dobro radili svoj posao, četiri puta je ta TV bila gledanija. Na žalost neki koji danas sjede u ovim klupama su sudjelovali u toj harangi da je tako nazovem, i pogledajte danas indekse gledanosti TVSA u odnosu na vrijeme kada smo mi radili. Mislim da takav zaista tretman nismo zaslužili. Dakle u tom smislu apeliram da svi ljudi koji budu tamo u upravljačkim strukturama na neki način povedu računa kako će i na koji način preuzeti dužnost. Hvala.

#### **Predsjedateljica:**

Molim službu da pozovete, sala je opet poluprazna. Da ne bih imenovala poslanike, ja vodim evidenciju koliko je ko puta izašao iz sale i bit će vrlo rigorozno ovo sankcionisano.

Molim vas, zatvaram raspravu i ukoliko više niko nema šta da kaže da pređemo na glasanje.

a)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU RAZRJEŠENJA VRŠILACA DUŽNOSTI PREDSJEDNIKA I ČLANOVA SKUPŠTINE KANTONALNOG JAVNOG PREDUZEĆA „TELEVIZIJA KANTONA SARAJEVO“ D.O.O. SARAJEVO  
ZA JE GLASALO 27 POSLANIKA, PROTIV ništa I SUZDRŽAN ništa.  
KONSTATUJEM DA JE SKUPŠTINA DONIJELA OVU ODLUKU.

b)

MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA VRŠILACA DUŽNOSTI PREDSJEDNIKA I ČLANOVA SKUPŠTINE KANTONALNOG JAVNOG PREDUZEĆA „TELEVIZIJA KANTONA SARAJEVO“ D.O.O. SARAJEVO.  
ZA JE GLASALO 20 POSLANIKA, PROTIV 7 I SUZDRŽANO ništa.  
KONSTATUJEM DA JE SKUPŠTINA DONIJELA OVU ODLUKU.

Tačka 14.

**AD - 14.**

**PRIJEDLOG ODLUKE O DAVANJU SAGLASNOSTI KANTONALNOM JAVNOM PREDUZEĆU “ZOI '84” OLIMPIJSKI CENTAR SARAJEVO D.O.O. SARAJEVO ZA**

**UPIS HIPOTEKE NA NEKRETNINE U VLASNIŠTVU RADI KREDITNOG ZADUŽENJA KOD KOMERCIJALNE UNION BANKE D.D. SARAJEVO, SA IZJAŠNENJEM MINISTARSTVA PRIVREDE KANTONA SARAJEVO BROJ: 07-05-05-28617/15 -1 OD 22.12.2015. GODINE, A U VEZI SA IZVJEŠTAJEM ZAKONODAVNO-PRAVNE KOMISIJE BROJ: 01-05-31747/15 OD 14.12.2015. GODINE**

Prijedlog odluke ste dobili u dopunskom materijalu. Molim predstavnika Predlagača da podnese uvodne napomene. Nema potrebe. Hvala lijepo. Da li predstavnici radnih tijela žele riječ? Ne. Ima li pitanja? Još jednom hvala lijepo. Otvaram raspravu. Zaključujem raspravu. Izvolite gospodine Pindžo.

**Poslanik/zastupnik Mirsad Pindžo:**

Evo moram samo konstatovati nekoliko stvari. Ova tačka je bila na prošloj sjednici. Vlada je povukla. Zahtjev odnosno sugestija Zakonodavno pravne komisije da se dobiju suglasnosti banaka odnosno njihovo izjašnjenje. Mi smo danas dobili izjašnjenje ministarstva a ni jedne banke. Izjašnjenje Union Banke je odgovor BOR banci a ne Skupštini Kantona. To je jedna stvar. Znači nismo imali potrebe, mogli smo to i prošli put uraditi. Ja hoću samo da kažem sljedeće: preduzeće ZOI 84 je odstupilo od programa Sanacije, zbog toga ne može da dobije ovaj miliona koji je nedostajao da završi ovaj proces, na ukupno 8 miliona. U odobravanju kredita učestvovala su obadvije banke. E ja vas sada pitam: zašto bi banka koja je dio svojih sredstava plasirala po 7,95% kamate sada dala druge uslove na svoju štetu 430.000 KM? Da li odgovor zato što je izvršni direktor banke ujedno i predsjednik NO ZOI'84 trenutno? Hvala lijepo. Mi ćemo protiv glasati ove odluke.

**Predsjedavajuća:**

Hvala lijepo. Ima li ko još za raspravu? Nema. Zaključujem raspravu i molim da se glasa po ovom pitanju. Da ne bih čitala ovaj uvod. Tko je za? Tko je protiv? Suzdržan? Hvala lijepo. TEMELJEM GLASOVANJA 19 POSLANIKA JE BILO ZA, PROTIV 8 I SUZDRŽANO 1. KONSTATUJEM DA JE SKUPŠTINA DONIJELA ODLUKU.

U ovom trenutku pravimo pauzu jedan zajednički.

**Dopredsjedavajući Sabahudin Delalić:**

Evo imamo samo ovaj zaključak na ovu tačku koju smo preskočili pa da ga pročitamo i da glasamo, pa da onda malo pauzu pravimo.

**Predsjedateljica:**

Zaključak

1. Utvrđuje se prednacrt Zakona o uvođenju posebnih muzejskih zona zaštite korištenja i obnove kulturne baštine i organizacije saobraćaja na lokalnim cestama na području Kantona Sarajevo.
2. Predlaže se Skupštini Kantona Sarajevo da utvrdi da postoji potreba za donošenjem zakona o uvođenju posebnih muzejskih zona zaštite, korištenje i obnove kulturne baštine i organizacije saobraćaja na lokalnim cestama na području Kantona Sarajevo.
3. Nacrt Zakona treba da se zasniva na načelima: ustavnosti i usklađenosti sa propisima FBIH iz oblasti saobraćaja.
4. zadužuje se Vlada da formira radnu grupu iz resornih ministarstava koja će baviti i predraspravu sa svim zainteresiranim subjektima i sačiniti nacrt zakona u roku od 45 dana.

Tko je za? Tko je protiv? Temeljem glasovanja ZA je bilo 28, protiv ništa i suzdržan ništa.

Sada imate pauzu od sat vremena. Ovdje zajednički ručak pa vas molim da se zajedno družimo.

**Poslanik/zastupnik Mirsad Pindžo:**

Mogu li ja pitati pitanje prije? Na čiji teret ide? Ko plaća taj ručak? Na teret budžeta ili lično.

**Predsjedavajuća:**

Ja lično gospodine Pindžo.

**Poslanik/zastupnik Mirsad Pindžo:**

Ako je lično i ja ću učestvovati ali ako je na teret budžeta to stvarno nema smisla.

## **NASTAVAK NAKON PAUZE**

/Dopredsjedavajući Sabahudin Delalić preuzeo vođenje sjednice jer su delegati iz Skupštine Kantona Sarajevo u Domu naroda FBIH morali otići na sjednicu/

**Dopredsjedavajući:**

**AD – 15.**

**PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU I ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU**

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene.

**Ministar Zilha Ademaj: UVODNO IZLAGANJE**

**Dopredsjedavajući:**

Zahvaljujemo ministrici Ademaj. Da li predstavnici radnih tijela žele riječ? Ima li pitanja? Otvaram raspravu.

**Poslanik/zastupnik Mirsad Pindžo:**

Zahvaljujem gospodine predsjedavajući. Malo sam u nezahvalnoj ulozi obzirom da je kolega Akšamija njegova oblast doktora, on je otišao raditi valjda preći posao, budžet FBIH, Dom naroda. Pa ću ja vrlo kratko zamijeniti ga ali ne ulazeći u suštinu u meritum, nego iznijeti samo politički stav kada je ova tačka dnevnog reda u pitanju. Uvažena ministrica je podsjetila da je ova Skupština Kantona zadužila Vladu da uradi rebalans Finansijskog plana ZZO u roku od 60 dana. Razlozi zbog kojih je to traženo nisu samo kapitalni izdaci nego i druge stvari. Evo danas se pokazalo da je taj rebalans bio opravdan. Međutim Zakon o budžetima u FBIH obavezuje i van-budžetske fondove kada se dođe u situaciju da su neuravnoteženi prihodi i rashodi da se onda traži rebalansiranje i da se odobri novi plan, a to podrazumijeva da e onda zakonito troši. Sve ovo što je do sada rađeno, ne ulazeći u opravdanost tih troškova. U opravdanost ovih izdataka za šta je plaćeno, po nama 29.12. raditi izmjene i dopune plana

znači samo pokrivanje onoga što je će urađeno. Znači mi smo ovo potrošili. Koje nije bilo odobreno planom i sada od vas tražimo a nas abolirati o odgovornosti koja proizlazi iz zakona o izvršavanju budžeta FBIH koji se odnosi i na ovaj vanbudžetski fond. Znači ne ulazeći u razloge opravdanosti, obzirom na procedure i zakonske odredbe koje tretiraju ovu materiju nepoštivanje Skupštine Kantona Sarajevo koja je zatražila od Vlade i od ovog Fonda da pripremi izmjene i dopune plana u roku od 60 dana a trebalo je devet mjeseci. Ne podržavajući jer ovo je u jednu ruku i nezakonit rad jer je troše mimo onoga što je odobreno planom. Sjećate se vi da smo mi u nekom prethodnom periodu imali situaciju da je i ovaj fond morao uzeti kredit kod komercijalnih banaka da stabilizuje fond zato što je trošeno više nego što je bilo. Ovaj put nije tako ali je trošeno nešto što je bilo predviđeno za druge namjene za kapitalne izdatke trošeno je za druge stvari. I iz tih razloga Klub DF-a ne može podržati i abolirati one koji su bili u obavezi da rade po zakonu i da ranije to predlože bez obzira na zaključak Skupštine da sada na kraju godine, dva dana prije isteka kalendarske godine odobravamo ono što je urađeno u prethodnoj godini, mi s tim se ne možemo složiti i ne možemo podržati ove izmjene. Hvala lijepo.

#### **Dopredsjedavajući:**

Zahvaljujemo zastupniku Pindži. Da li se još neko javlja za raspravu? Zaključujem raspravu. Izvolite premijeru.

#### **Premijer Elmedin Konaković:**

Ja sam generirao ovaj problem pet ili šest mjeseci ovdje zahtjevom da se ne prihvati Finansijski plan ZZO nego da se vrati na izvršenje i danas moram reći da imamo najveći dio opravdanosti za tu vrstu odluke u ovom rebalansu. Sada ću je ja nakratko prokomentarisati uz činjenicu da kolega Pindžo govori sve kako jeste. Dakle mi prvo nismo imali ugovore sa zdravstvenim ustanovama potpisane od strane zavoda i finansirali smo ih bez ugovora. Dakle to je jedan od većih problema. Dakle nezakonito radi Zavod dugo. Ako se sjećate prijedloga Finansijskog plana na devet strana od 350 miliona KM, u kojima su stavke bez ikakve analitike sa iznosima ogromnim, pa je bilo 1,7 milion, ono što je danas pitala kolegica Kerla, 1,7 miliona nepomenutih i drugih usluga i dažbina, a izvršenje iz godine ranije bilo 400.000. na pitanje šta su ta famozna druge usluge – ugovorene, nije bilo adekvatnog odgovora, vratili smo to, zaustavili smo to. Ako se sjećate, bilo je predviđeno 900.000 KM za renoviranje nove zgrade, ta zgrada ko dole ide je ko apoteka, sa vrhunskim uslovima za rad. Bilo je predviđeno 900.000. Imali smo taj problem kapitalnih investicija koji se još nismo našli rješenje na činjenicu da se ne bi trebala finansirati zakonom iz sredstava ZZO, ali trenutno budžet nije u kapacitetu da potrebe realne za izgradnjom nekih novih kapitalnih objekata finansira iz budžeta. To će biti ono u čemu zaista očekujemo podršku Skupštine ili zajednički prijedlog da se postepeno prevaziđe ta situacija. Na različitim stavkama, ortopedska pomagala. Tamo smo imali 7,5 miliona izvršenje iz prošle godine, ja sada govorim napamet, nisam uspio na brzinu naći tu materijal, ali se sjećam svakog tog iznosa. Imali smo 8 miliona prijedlog za ortopedska pomagala. Kada smo pitali o čemu se radi, naravno bez odgovora iz Zavoda ništa se tu nije razjasnilo i dešava se sljedeće, da je u međuvremenu bila odluka u kojoj su resorno Ministarstvo čini mi se i Zavod zajedno donijeli odluku da se ta ortopedska pomagala izdaju u apotekama. Dio ih se realizuje preko Zavoda i u kontroli je, a dio koji se ne izdaje preko Zavoda udvostručio se. I ponovo nismo imali adekvatne pokazatelje realnog trošenja. Imali smo problem zbog nedostatka sredstava, godinu ranije Dom zdravlja je imao amandman u kojem smo rekli, OK to je taj broj ljudi evo vam pare za njihove plate. Onda u ovome nismo predvidjeli te ljude. Iako za taj broj ljudi plaćamo regres i plaćamo TO: formalno pravno mi ih priznajemo. Priznajemo da postoje, plaćamo im regres i TO, a nismo izdvojili novac za njihove plate. Dakle, ovdje smo amandmanom ono što su ljudi s razlogom, a onda je u međuvremenu menadžment odlučio da im se smanji plata, jedino njima u Domovima zdravlja

da se smanji plata 10% i da se smanji broj sati provedenih na poslu, velikom broju njih koji su bili na određeno. Tamo se još uvijek nije mijenjalo stanje drastično. Ovo hoću da kažem, apsolutno preuzimamo odgovornost za činjenicu da nismo u rokovima uradili rebalans. Mi kao Vlada smo najodgovorniji za to. S druge strane, mi smo imali tri sudska procesa u kojima su završena sva tri. U stvari jedan je na kantonalnom, na drugostepenom. Prvo nam je tamo sud vratio privremenom mjerom osiguranja pet članova UO. I ti ljudi danas rade, mi smo ispoštovali odluku suda, i oni su danas članovi UO i vrlo korektno mogu reći rade taj dio posla. S druge strane nam je sud javio da je Faris Gavrankapetanović nezakonito smijenjen i da je prvostepenom presudom dobio spor i da ga vratimo na posao. Prostor je bio žalba drugostepenom organu Kantonalnom sudu i taj se spor vodi i vjerovatno, pa moguće da se to i ne desi, će biti završen prije nego što, ustvari bit će završen njegov mandat će isteći prije nego što završi sud svoju proceduru. Tako sada stoje procjene pravnik a i nećemo ga vjerovatno morati vraćati na posao. Ako bude drugostepena presuda da se mora, on se mora vratiti na posao. Treći proces je bio smjena Kenan Crnkića u kojoj je to trajalo kao jedan ozbiljan pravni slučaj nekom ozbiljnom sudu sa ekipama advokata na obje strane. Jer smo mi prepoznali slabosti u zakonu i prepoznali smo zašto Vlade prije nas su imale problem, ne možete smijeniti čak i kada pada izvještaj ne možete samo po sili zakona ili sili Vlade smijeniti nekoga i poslati ga s radnog mjesta. Odmah ga sud zbog procedura vrati privremenom mjerom osiguranja i onda kaže do okončanja spora koji obično traje jako dugo. Mi smo znajući za to i pripremajući se vodili taj proces bukvalno sa timom pravnik a pa smo morali dati rok za izjašnjenje, pa u tom roku za izjašnjenje, stiglo nam je izjašnjenje na nekih 1500 strana pa smo se morali referirati na to izjašnjenje. Ti su procesi trajali nekoliko mjeseci i da bi konačno sud rekao da je Vlada po zakonu uradila smjenu i nije bilo nikakvih mjera osiguranja. Mi sada imamo direktoricu kojoj je istekao mandat dakle i treba da imenujemo novog vd direktora ili da po završenom konkursu izaberemo, i to mislim da ćemo bez obzira na tempo i dinamiku sutra morati uraditi na Vladi koju sam ja sada upravo zakazivao, jer je ta dinamika zaista nama jako bitna. Mi ovdje stvarno peglamo neke stvari koje nisu bile OK. I opet u tom izboru da li da funkcioniše sistem jer smo mogli odabrati da radikalnije uđemo u obračun s tim dosadašnjim načinom funkcionisanja, odabrali smo ovaj malo mekši da se tu stvari dešavaju. A uradili smo sljedeće za narednu godinu: bio je pripremljen prijedlog Finansijskog plana za 2016 identičan. Na devet strana, ponovo u Zavodu, tu se u Zavodu nisu napravili nikakvi pomaci naprijed, ništa. Ponovo devet strana i ponovo isti iznosi. Sreću smo imali pa je to blagi oporavak ekonomije imao parametre i u Zavodu pa smo oko 7 miliona planiramo do kraja ove godine viška sredstava s kojima se zaista pokrivaju procesi koji su baš je malo grubo kada kažemo, jedan dio jeste nezakonit, a jedan nije proceduralan. Dakle i tih 7 miliona nam pomaže da riješimo neke zaista velike stvari. A sada smo uradili sljedeće: ministrica je zatražila da se prvo donese uredba ili odluka, to zna ministrica Ademaj bolje, o pružanju zdravstvenih usluga na osnovu koje se onda pravi raspodjela sredstava i potpisuju se ugovori sa javnim sektorom i tamo gdje treba sa privatnim sektorom. To je zadatak za koji smo dali rok od mjesec dana na UO na kojem smo oboje bili i mislim da se već dešava u Zavodu, s tim dok se dole ne obnovi struktura upravljačka, ja nisam optimističan da će taj ritam rada Vlade koji imamo kroz budžet pratiti ova ustanova, ali mislim da to ipak do isteka Odluke o privremenom finansiranju može biti slučaj. Dakle da se riješe ovi do sada najveći problemi. U drugom pravcu, budžetska inspekcija je napravila nalaz za 2013 i 2014 zahtjevu Vlade. Finansijsku policiju, ja nemam informaciju da li su dole bili, jesu li radili, izvještaj taj nemam koji neke druge za koje još uvijek očekujemo također smo slali u taj isti Zavod, nalaz budžetske inspekcije pokazao je toliko propusta, on je sada proceduralno otišao na izjašnjavanje Zavodu. Sada je kod njih taj na kog se izjašnjava Zavod. I ima more propusta. Mi smo na zadnjoj sjednici čitali o tim famoznim komisijama u kojima rade uglavnom uposlenici Zavoda i za svaku su po jednoj komisiji zarađivali između 300 i 500 KM i sve su to komisije u radnom vremenu. Sve smo te stvari zaustavljali. Dakle zaustavili smo veliki dio

erozije tog odnosa u samom ZZO, još nismo preuzeli ulogu lidera da dole možemo kreirati svoje politike zbog svih ovih nabrojanih stvari. Dakle, odmah nakon izjašnjenja ZZO u kojih u obje te godine i 13 i 14 ima takvih stvari kao što su pravdanja nekih službenih putovanja u februaru iz januara prošle godine i utroška sredstava, cesija, potpisanih različitih nabavki bez ikakve kontrole i to će zaista biti predmet rada Vlade, naravno i Skupštine. Otvaramo još neke nove interesantne priče u Zavodu. Na prvom sastanku u toj famoznoj informatizaciji smo dobili informaciju da je do sada utrošenih, mada je to baš neko, kreator te cijele priče, bio vrlo inteligentan, od odluke Skupštine 2006 da se pristupi informatizaciji cijelog sistema i iznosu od 60 miliona KM do načina praćenja implementacije tog cijelog procesa, je neko to osmislio zaista kvalitetno, ali ima neke slabosti koje u implementaciji nisu bile dobre. Kada nam se pojavila jedna konkurentna firma za koju niko od nas ne govori da je dobra ni da je loša, mi smo samo poslali konkurenciju da izmjeri šta mi to imamo u sistemu. Ustvari čime trenutno raspolažemo i naravno paralelno smo tražili od ljudi iz struke da nas također informišu šta mi imamo od do sada utrošenih skoro 30 miliona KM. Informacije su zabrinjavajuće šta imamo. Na prvom sastanku na kom sam ja bio, bile su i kolege iz Vlade su mi rekli da je potrebno još 8,5 miliona za završetak kompletne informatizacije da bi smo mogli pratiti put pacijenta da bi smo mogli posebno kontrolisati propisivanje lijekova, vraćamo se na tu listu Esencijalnu, koja je 81 milion ove godine. I tu su stvari sumnjive. Nakon naših prvih kontrola na narednim sastancima, ljudi koji rade taj posao rekli su nam ne treba nam tih 8,5 miliona. To možemo s ovim što imamo do sada, samo da se uvežu i da se hardveri kupe i da profunkcioniše taj sistem. Ko biva, on je tu samo što nije. Istovremeno, otkrivamo stvari kakve su u Kliničkom centru Univerziteta u Sarajevu. Strašne. Gore je dubioza KCUS bit će preko 100 miliona. Između 100 i 110 je realna projekcija nakon što stignu svi zahtjevi dobavljača. Do sada evidentiranih je 95 miliona KM dugovanja ove ustanove i pri tom je to onaj međuprostor u kom KCUS ima mogućnost da izbjegava nadzor Vlade Kantona Sarajevo zato što mi kao glavni finansijer imamo samo dva člana UO i ne utičemo ni na šta u tom KC, kako sada stoje stvari. Dakle, ništa mi odavde ne možemo osim što možemo reći nema isplata i da ona ljudi koje gore rade nemaju platu. Dakle, to naravno nismo smjeli, i zbog toga se vode neki procesi koji treba da transparentnije uvežu tu cijelu oblast. Istovremeno imamo Opću bolnicu u kojoj je popunjenost kapaciteta 1/3. dakle nas to košta oko 23 miliona 100 punih kreveta godišnje. Prosječno. Dakle to je druga anomalija. Ogroman broj JU, tu smo racionalizaciju najavili, integraciju sistema također. I ponovo se vraćamo na one koji bi trebali, Zavod je glavni alat za reformu u zdravstvu. Mi možemo bilo kakvim aktima, ne znam šta sve možemo uraditi, i bez Zavoda i bez onoga ko kontroliše te rashode mi zaista smo nemoćni. A za sada još uvijek ne upravljamo zavodom u onom kapacitetu koji bi mogli nazvati barem dovoljnim za apsolutnu reformu u zdravstvu. Dakle to je stanje u kom sam ja prvi put ovdje govorio otvoreno i sada isto to radim bez obzira na sve moguće posljedice i bez obzira ko je tamo sjedio i radio poslove jer su u tom Zavodu vrlo loše radili poslove i naravno da ćemo iz tih budžetskih izvještaja, budžetske inspekcije poduzimati mjere koje Zakon predviđa. Potražiti ćemo odgovorne i tražiti ćemo sankcije svake moguće za one koji su se na taj način ponašali do sada u zdravstvu. Mi imamo katastrofalnu situaciju. Ovaj bi rebalans pomogao da se riješi dio problema. Istina je baš ovako kako kolega Pindžo govori da se pokrije dio koji su ljudi tamo loše radili sa činjenicom da mi odlukom o privremenom finansiranju i novim modelom i načinom upravljanja počinjemo priču o reformi u zdravstvu koja stoji. Mi tu nismo odmakli skoro nimalo. Čekali smo istovremeno Federalnu esencijalnu listu koja bi trebala riješiti veliki dio problema a ona to nije uradila, nije riješila Federalna lista. Naprotiv, bilo je riječi o smanjenim referalnim cijenama, međutim sve dok stoji na FBIH propis koji kaže da je cijena od 10 KM nekog lijeka obavezujuća za Kanton bez obzira što on ovdje košta 3,5 reforme u zdravstvu nema. I mi smo se dogovorili da ćemo lobirati svim silama i nema naših kolega iz Doma naroda i kroz sve moguće alate da se na FBIH promijeni taj koncept da raspisujemo tender za svaki lijek koji treba i da dobijemo realnu tržišnu cijenu za lijek kako i propisuju.

Sarajevo jedino primjenjuje listu esencijalnu onako kako Zakon obavezuje i zato nam je trošak 81 milion uz napomenu da ta kontrola propisivanja ne postoji. U Zavodu nema kontrolora koji to rade ozbiljno. To je činjenica. U Zavodu ovolikom sa 23 pravnika uposlena sa platama svih pomoćnika 40 % većih pomoćnika, većim od resorne ministricе, i svi plaćeniji od premijera. Dakle, kompletan sistem. Bez ovih komisija. A u komisijama hiljade i hiljade maraka koje se više ne plaćaju. Ovim rebalansom ne dajemo im te pare. Dakle mi smo veliki broj tih stvari, skoro sve, ne mogu govoriti skoro sve zato što trebamo još dole ljudi u upravljačkim strukturama koji će ozbiljnije od nas imati sve informacije. Mi još uvijek nemamo sve informacije. Hiljade, stotine hiljada maraka. To se vidi u rebalansu. Oni predviđeni troškovi u komisijama koliko su umanjeni. Dole ste imali tim za pripremu sjednica UO, pa ste imali koordinator tima je bio direktor koji ima nadoknadu za to 500 KM, što je koordinator tima. A tim su uposlenici koji u sklopu svog radnog vremena treba da pripreme sjednicu UO. Tim za pripremu NO. pa koordinator tima. Sve komisije za liječenje u inostranstvu, komisije. Komisija za implementaciju ovog informatičkog sistema. E sad, šta su dole ljudi previdjeli, šta smo im to rekli? Vrlo su sposobni bili menadžeri koji su vodili ovu instituciju i često su njihovi saradnici potpisivali akte. Često. Ne shvatajući da taj potpis, paraf plaćanje nečega što nije zakonito, ima vrlo ozbiljne posljedice. I naravno mi ćemo do kraja dovesti taj proces i prvo ćemo ga transparentno obznaniti a drugo naravno tražiti da institucije rade svoj dio posla. Ljudi su telefonskim pozivima plaćali fakture od stotina hiljada maraka. Imamo sada informacije u kojima se plaćanje od apotekama tako što apoteka napiše Zavodu šta je potrošila pa Zavod vrati apoteci šta se plaća. I niz, niz anomalija. Ima vjerovatno grešaka u ovom rebalansu kojima ćemo na neki način vjerovatno i pomoći manjim dijelom da se možda neke stvari eventualno zamaskiraju, ali zaista je on suštinski bitan da bi se upravo potvrdile ove stvari koje smo mi najavili i zato bih volio da on dobije danas podršku, da se ljudima u Domu zdravlja plati njihova plata. A da se mi zabavimo načinom na koji je neko u Domu zdravlja primio te ljude. Jer je to činjenica, istina je da su se tamo ljudi primali na nezakonite način. Istina je da danas njih u KC ima za koje mi nemamo pojma da postoje a primaju plate. Da je bilo 8 guljača krompira koji primaju plate. Dakle da ima nemedicinskog kadra u svakoj od ovih JU toliko da je to zabrinjavajuće. Dakle ništa se drugo u ovakvom okruženju ovom ambijentu sa ovakvim sudskim sporovima koje smo imali sa dosadašnjom praksom, ako se sjećate na početku mandata meni je rekao direktor što vi mijenjate metodologiju staru devet godina? Evo danas vidimo zašto smo mijenjali metodologiju staru devet godina. Zato što u toj vrsti metodologije Skupština je bila jedan prolazni organ koji daje saglasnost na već gotov završen finansijski plan a Vlada je bila priređivač tog materijala formalno samo se to upakuje i proslijedi se vama. Mi smo stvarno taj koncept promijenili. Te ozbiljne reforme iz ovih razloga nismo uspjeli sprovesti jer to je stvarno teritorij koji je predobro organizovan, nikakve tu nema politike. Tu su predstavnici svih političkih stranaka uvezani u jedan odličan sistem interesni. Pojedinci koji koriste zloupotrebljavaju činjenicu da ih je neka stranka negdje delegirala. I to će sve, posebno nalaz budžetske inspekcije pokazati. Troškove, kupovine, nabavke, rashode, to je nešto što govorio sam tada da je 80.000 bio prijedlog reprezentacije direktora ako se sjećate. 80.000 KM u prvom prijedlogu, pa eto su se oni malo smilovali pa su vratili na 40.000. a premijer ima 8.800. Ministri nemaju ništa u toku godine. I ne trošimo to. Dakle to su sitne stvari. Ima onih krupnih o kojima ja sada govorim u kojima mislim da bi ovaj rebalans dijelom uredio ove probleme koje smo nabrojali i stvorio pretpostavku da nakon što se usvoji odluka o privremenom finansiranju pa se napravi plan pružanja zdravstvenih usluga u kojoj se tačno vidi koji je to broj timova porodične medicine, koji je to broj potrebnih kapaciteta. Volio bih da kada bude izvještaj Zavoda za javno zdravstvo zaista ću se pripremiti ja da te statistike pogledate koje su poražavajuće. Koja je to popunjenost kapaciteta. Koliko malo mi ljudi opslužimo s ovolikim aparatom koji imamo. Koliko je to mali broj pacijenata u odnosu na prosjeke na standarde. Posebno bolničke kapacitete. Tu smo ponašamo se ko Finska. Ponašamo se ko da imamo toliko para da nam je

nebitno hoće li biti 1/10 bolnice puna ili će biti kapacitet realno pun. Kadar način na koji su se do sada dobivale specijalizacije, kompletan taj sistem je zaista potvrda izvještaja o radu bit će ovo o čemu govorimo i ovaj rebalans dijelom popravlja i stvara pretpostavke da se ova priča počne implementirati onako kako smo u svakoj od koalicija najavili. Dakle to smo zaista najavili ali zbog ovih okolnosti to nije bilo moguće. Volio bih da ako imate eventualno nisam sigurno se osvrnuo na sve te moguće probleme koje smo detektovali, ali je ovo otprilike nešto što sam stvarno htio da izložim Skupštini da zamolim da taj rebalans usvojimo i da stvorimo pretpostavku da se naredni finansijski plan koji ćemo raditi u martu donese na način kako izgleda budžet Kantona. Na barem pola strana jer je riječ o pola para. 350 miliona je pola našeg budžeta i imamo ovakve posljedice. Redovno ćemo naravno i to ćemo posebno tražiti od Zavoda izvještaje o stanju u KC, izvještaj o stanju u Opštoj bolnici, izvještaj o stanju u drugim ustanovama kao pretpostavku za neku integraciju koju smo najavili koja će se desiti nadam se u narednom periodu. Hvala.

**Dopredsjedavajući:**

Zahvaljujem premijeru.

**MOLIM POSLANIKE/ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU I ODLUKU O IZMJENAMA I DOPUNAMA ODLUKE O IZVRŠAVANJU FINANSIJSKOG PLANA ZAVODA ZDRAVSTVENOG OSIGURANJA KANTONA SARAJEVO ZA 2015. GODINU ZA JE GLASALO 18 zastupnika, PROTIV 5 i SUZDRŽAN ništa. KONSTATUJEM DA JE SKUPŠTINA DONIJELA ODLUKU.**

Tačka 16.

**AD – 16.**

**PRIJEDLOG ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO, ZA PERIOD OD 01.01.2016. DO 31.03.2016. GODINE, BROJ;UO/04-23224-2/15, KOJU JE DONIO UPRAVNI ODBOR ZAVODA ZDRAVSTVENOG OSIGURANJA KANTONA SARAJEVO NA SJEDNICI ODRŽANOJ 09.12.2015.GODINE**

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene ako je potrebno. Izvolite ministrice.

**Ministar Zilha Ademaj: UVODNO IZLAGANJE**

**Dopredsjedavajući:**

Zahvaljujem ministrici. Da li predstavnici radnih tijela žele riječ? Ima li pitanja? Otvaram raspravu.

**Poslanik/zastupnik Eldar Čomor:**

Hvala predsjedavajući. S obzirom na ovo sve što je premijer rekao vezano za prethodnu tačku dnevnog reda, ne mogu a da se ne javim i nešto ne progovorim vezano za Odluku o



privremenom finansiranju ili eventualno donošenju novog finansijskog plana ZZO u martu mjesecu. Naime u 11 mjesecu ovdje smo imali tačku dnevnog reda Pitanja i inicijative gdje svako od nas zastupnika podnosi određene inicijative. Ja sam uputio inicijativu vezano za ginekologa i UZ aparate. Dijelom ta inicijativa je od strane ministarstva i Zavoda za zaštitu žena i materinstva prihvaćena i čini mi se da je ginekolog na lokalitetu ili odjelu ovoga zavoda u Hadžićima već počeo da radi. I dobio sam odgovor da nema sredstava za nabavku UZ, a na strani 49 Izvještaja o provedenoj javnoj raspravi JU Zavod za zdravstvenu zaštitu žena i materinstva Kantona Sarajevo je istu primjedbu uputilo Vladi Kantona Sarajevo gdje su tražili da se odobri sanacija i remont kotlovnčkog postrojenja u iznosu od 60.000 KM. U obrazloženju se kaže sanacija i remont ovog postrojenja je neophodan iz razloga što je rješenjem Kantonalne uprave za inspekcijske poslove, inspektor urbanističko, građevinske, ekološke i komunalne inspekcije naloženo Zavodu da poduzme potrebne mjere i aktivnosti kako bi emisija parametara (nerazumljivo) u zraku bila u granicama dopuštenog a jedini način da se emisija parametara istog u zraku smanji jeste zamjena kotlovnice. Govore dalje u istoj toj inicijativi o nabavci tri UZ aparata sa tri sonde u vrijednosti od 240.000 KM obzirom da su isti neophodni radi pružanja adekvatne zdravstvene zaštite pacijenticama na području Kantona Sarajevo. JU Zavod za zdravstvenu zaštitu žena i materinstva Kantona Sarajevo pruža usluge zdravstvene i ginekološke zaštite na osam lokaliteta a UZ sa kojima raspolažemo su jako stare. Pojedini su proizvedeni 2000 godine a prema nalazu i mišljenju servisera iste nije moguće ni popraviti ,te ukoliko ne izvršimo nabavku novih UZ aparata tri općine na području Kantona Sarajevo Ilidža, Ilijaš i Hadžići ostat će bez usluge UZ ginekološke zaštite. Zbog svega gore navedenog, molimo vas da u Budžetu Kantona Sarajevo za 2016 godinu planirate 300.000 KM za ovu ustanovu. Stav predlagača odnosno Vlade je bio da primjedba se ne prihvata zbog nedostatka sredstava što je razumljivo, a JU Zavod za zdravstvenu zaštitu žena i materinstva Kantona Sarajevo je ustanova koja se nalazi u sklopu, ovdje se misli na finansiranje iz JU Zavod zdravstvenog osiguranja Kantona Sarajevo pa se predlaže da se navedena primjedba uputi JU ZZO Kantona Sarajevo na dalje postupanje. Ne znam da li je Zavod za zaštitu žena i materinstva uputio ovu inicijativu na ZZO ali evo ja koristim priliku da na ovakav način tražim finansiranje nabavke ove opreme iz ovih gore navedenih razloga mislim da je potpuno opravdano da se u finansijskom planu ZZO nađu ove stvari. Pored ovoliko problema ili nekih stvari koje ZZO finansira, možda ih ne bi trebao finansirati mislim da to treba da se nađe i koristiti ću priliku u narednom periodu da pratim šta će biti s tim. I još jedna stvar, vi već imate situaciju da određene specijalističke usluge je gotovo nemoguće izvršiti jer imamo deficit kadrova što se tiče ginekologa, pedijataru, radiologa itd. Bez obzira i ako nabavimo opremu u nekim stvarima nećemo imati ljude koji će raditi taj posao. I mislim da isto tako u finansiranju specijalističkih ili specijalizacija narednom periodu ZZO u saradnji sa ovim ustanovama iz oblasti zdravstva trebaju da naprave adekvatan plan kako ne bi došli u neugodan položaj i oni a i pacijenti.

**Poslanik/zastupnik Mirsad Pindžo:**

Ja ću biti vrlo kratak pošto je odluka prijedlog, odnosno tema Prijedlog odluke o davanju saglasnosti na privremeno finansiranje ZZO. Kao odgovorni ljudi, mi ćemo podržati prijedlog ove odluke jer dovesti u poziciju građane da nemaju uslugu, ili zdravstvene uposlenike da nemaju platu, bilo bi neozbiljno i mi ćemo je podržati. Ono o čemu je premijer govorio potpuno razumijemo i to je dodatni razlog zašto podržavamo ovu odluku da se promijeni način finansiranja u skladu sa najavljenim. Nadamo se da će tako i biti i u skladu s tim ćemo se i opredjeljivati za buduće planove. Hvala lijepo.

**Dopredsjedavajući:**

Zahvaljujem zastupniku Pindži. Da li se još neko javlja za riječ? Zaključujem raspravu.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA ODLUKU O PRIVREMENOM FINANSIRANJU ZAVODA ZDRAVSTVENOG OSIGURANJA KANTONA SARAJEVO, ZA PERIOD OD 01.01.2016. DO 31.03.2016. GODINE, KOJU JE DONIO UPRAVNI ODBOR ZAVODA ZDRAVSTVENOG OSIGURANJA KANTONA SARAJEVO NA SJEDNICI ODRŽANOJ 09.12.2015.GODINE. ZA JE GLASALO 23 POSLANIKA, PROTIV niko i SUZDRŽAN niko . KONSTATUJEM DA JE SKUPŠTINA DONIJELA ODLUKU.**

**Tačka 17.**

**AD – 17.**

**PRIJEDLOG ODLUKE O DAVANJU SAGLASNOSTI NA PROGRAM RADA JU „SLUŽBA ZA ZAPOŠLJAVANJE KANTONA SARAJEVO" SARAJEVO ZA 2016. GODINU**

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Ako vi želite da, može. Zahvaljujem. Da li predstavnici radnih tijela žele riječ? Ima li pitanja? Otvaram raspravu. Zaključujem raspravu.

**MOLIM POSLANIKE/ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA PROGRAM RADA JU „SLUŽBA ZA ZAPOŠLJAVANJE KANTONA SARAJEVO" SARAJEVO ZA 2016. GODINU**

**ZA JE GLASALO 22 ZASTUPNIKA, PROTIV niko i SUZDRŽANO niko. KONSTATUJEM DA JE SKUPŠTINA DONIJELA ODLUKU.**

**Tačka 18.**

**AD – 18.**

**PRIJEDLOG ODLUKE O DAVANJU SAGLASNOSTI NA FINANSIJSKI PLAN JU „SLUŽBA ZA ZAPOŠLJAVANJE KANTONA SARAJEVO" SARAJEVO ZA 2016. GODINU I NA ODLUKU O IZVRŠENJU FINANSIJSKOG PLANA JU "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2016. GODINU**

Prijedlog odluke ste dobili uz poziv za sjednicu. Da li trebaju uvodne napomene? Zahvaljujem. Da li predstavnici radnih tijela žele riječ? Ima li pitanja? Otvaram raspravu.

**Poslanik/zastupnik Mario Vukasović:**

Zahvaljujem. Evo ovako, kao što možemo vidjeti u predloženom Planu za 2016 godinu planirano je povećanje broja zaposlenih unutar službi i povećanje samim time i izdataka za plate a u isto vrijeme planirano je i smanjenje na prihodovnoj strani. Također za 2016 i 2017 godinu se također planira novo povećanje broja zaposlenih i novo uvećanje izdataka za plate

od skoro milion KM uz novo smanjenje na prihodovnoj strani. Pa me interesuje da se malo pojasni ovo za šta su nam potrebna nova upošljavanja unutar Službe za zapošljavanje, hvala.

**Dopredsjedavajući:**

Zahvaljujem. Da li se još neko javlja za raspravu? Zaključujem raspravu. Da li neko želi odgovoriti? Može direktor JU Zavod za zapošljavanje Kantona Sarajevo, gospodin Kamočaj.

**Direktor JU Služba za zapošljavanje Igor Kamočaj:**

Dobar dan želim, poštovani premijeru, članovi Vlade, radno predsjedništvo, zastupnice i zastupnici želim da vas pozdravim u svoje ime i ime uposlenika Službe za zapošljavanje Kantona Sarajevo. Dakle indeks o kojem govorite mi danas smo na istom nivou kada su u pitanju uposleni kao i prethodnih godina. Služba nikada broj koji je predviđen postojećom sistematizacijom nije popunila niti ima potrebe ali obzirom da smo krenuli ovim reformskim putem uspostavljanja ILO međunarodnih standarda rada i praksi o kojima smo govorili posljednji period u narednim godinama, vi ćete o tome donijeti konačnu odluku i prilikom izmjena i dopuna novog pravilnika koji se priprema, bit će potrebe. Radi se vjerovatno o jednom broju savjetodavaca u našim općinskim biroima. Dakle, mi moramo prikazati kada se priprema taj DOB da postoje nakane u tom dijelu i moram reći da zbog, da me pogrešno ne shvatite, izraza zbog godina ljudi koji rade trenutno u Službi imamo povećana sredstva na minuli rad i dakle tu nije indeks koji pokazuje velik neki rast za zapošljavanje. Na kraju krajeva danas postoji monitorig koji mi poštujemo. Nema sredstava koliko možete vidjeti u narednom periodu koja će se izdvajati. U 2016 nema takvih planova vezano za zapošljavanje. Radimo u skladu sa postojećom sistematizacijom. Priveli smo sve odluke svi koji su za penziju, penzionisali, čak smanjili broj uposlenika a o tome ćemo u izvještajno vrijeme. Hvala.

**Dopredsjedavajući:**

Zahvaljujem direktoru Kamočaju. Kolega Vukasović, zadovoljni ste odgovorom?

**Poslanik/zastupnik Mario Vukasović:**

Znači samo me interesuje u 2016 nisu planirana nova upošljavanja unutar Službe? Ne.

**Dopredsjedavajući:**

Zahvaljujem. Riječ premijeru.

**Premijer Elmedin Konaković:**

To je kolega Vukasoviću i predmet našeg interesovanja, slažem se naravno i mi pažljivo pratimo da li se i u vanbudžetskim fondovima. Tako smo i uspostavili neku kontrolu preko Poreske uprave, broj uposlenih konstantno svaki mjesec. Svakako će to biti predmet interesovanja i Vlade. Ovo o lemu je direktor Kamočaj govorio ovo je i po našem mišljenju nova standardizacija ovih procesa. I mi mislimo da se ova reforma upošljavanja može rješavati kvalitetnije. Da se sredstva mogu trošiti od pripravnčkog staža preko stimulacije ovih samozapošljavanja i drugih mjera aktivnog zapošljavanja. Dakle mislimo i o tome smo govorili. Evo danas smo iscrpno, dnevni red nam je baš dug i svaka od ovih tačaka je zaslužila da se o njoj raspravlja kao u budžetu ali teško je naravno da smo fokusirani sa svim ovim brojevima na tu metodologiju. Najavili smo da u 2016 imamo značajno, skoro duplo ili više od duplo sredstava za aktivne mjere zapošljavanja i najavili smo ono što zaista imam potrebu da kažem s ove govornice. Od pripravnčkih 317, 300 i nešto ove godine, na način na koji su do sada oni primljeni do sada novog nekog metodološkog pristupa u kojem se prije svega valorizira obrazovanje. Naš UNSA i Zlatne značke, Srebrene, dobitnici povelja će biti privilegovani na neki način. S druge strane dužina boravka na birou, ono što se planira kreirati

u narednim godinama u mjerama da stimuliramo samozapošljavanja tamo gdje postoji već analiza da znamo da će ljudi zadržati ta radna mjesta. Da su to deficitarni kadrovi, da više ne kao do sad, pripravnike uzima samo poslodavac pa onda bira s biroa nekoga ne onoga ko bi eventualno mogao ostati. Dakle sve su to stvari u kojima će biti sigurno zahtjevi pred Službom za jednu ljestvicu podignuti. U tome pratimo, davat ćemo saglasnost za popunu upražnjenih radnih mjesta kao i drugim procesima. A za svako novo radno mjesto mora biti opravdan razlog koji će Vlada odobriti a naravno u slučaju takvih potreba, pošto je riječ o nekim novim standardima, možda takve ljude ili kadrove nemamo. Ovdje jeste činjenica da dole ima dosta ljudi koji su na zalasku karijere, više njih i da tu brzo treba očekivati zanašljanje ove institucije i zbog nekih novih trendova i novih metodologija rada, i činjenice da su oni tamo zaista u toj prirodnoj selekciji već će biti inovirani. Tako da i mi naravno pratimo ovo pitanje kolege Vukasovića. Htio sam još da kažem ovih nekoliko rečenica bitnih jer je i dio odgovora na onu priču o budžetu. Tu moramo svi zajedno osmisliti kvalitetniji program ovih investicija jer je ovo već značajan dio sredstava, čini mi se 30 miliona da mi baratamo u ovoj godini zajedno sa Federalnim. Onoga što će se implementirati u Sarajevu za aktivne mjere zapošljavanja to su već ozbiljni iznosi i oni moraju biti malo drugačije sa malo više senzibiliteta raspoređeni i utrošeni.

**Dopredsjedavajući:**

Zahvaljujem premijeru.

**MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA FINANSIJSKI PLAN JU „SLUŽBA ZA ZAPOŠLJAVANJE KANTONA SARAJEVO" SARAJEVO ZA 2016. GODINU I NA ODLUKU O IZVRŠENJU FINANSIJSKOG PLANA JU "SLUŽBA ZA ZAPOŠLJAVANJE KANTONA SARAJEVO" SARAJEVO ZA 2016. GODINU ZA JE GLASALO 26 ZASTUPNIKA, PROTIV niko i SUZDRŽAN niko. KONSTATUJEM DA JE SKUPŠTINA DONIJELA ODLUKU.**

Zamolio bih predsjedavajuću da nastavi sa radom.

/predsjedateljica Ana Babić je preuzela vođenje sjednice po povratku sa sjednice Doma naroda FBiH/

**Predsjedateljica:**

Hvala lijepo kolega. Evo pošto je bilo jako uspješno na Domu naroda gdje se usvojio Budžet za 2016 godinu. Sada prelazimo na 19. tačku dnevnog reda.

**AD – 19.**

**PRIJEDLOG ODLUKE O IZMJENI ODLUKE O IMENOVANJU KOMISIJE ZA IZBOR I IMENOVANJA I ADMINISTRATIVNA PITANJA SKUPŠTINE KANTONA SARAJEVO**

Prijedlog odluke ste dobili uz poziv za sjednicu. Molim predstavnika Predlagača da podnese uvodne napomene. Ima li potrebe? Nema potrebe. Da li predstavnici radnih tijela žele riječ? Ne. Ima li pitanja? Ne. Otvaram raspravu. Nema rasprave. Zatvaram raspravu. Ukoliko se više niko ne javlja molim vas da glasamo.

**MOLIM POSLANIKE DA PRISTUPE IZJAŠNJAVANJU O PRIJEDLOGU ODLUKE O IZMJENI ODLUKE O IMENOVANJU KOMISIJE ZA IZBOR I IMENOVANJA I ADMINISTRATIVNA PITANJA SKUPŠTINE KANTONA SARAJEVO. ZA JE GLASALO 20 POSLANIKA, PROTIV 5 i SUZDRŽAN 1. KONSTATUJEM DA JE SKUPŠTINA DONIJELA ODLUKU.**

**Prelazimo na 20. tačku dnevnog reda.**

**AD – 20.**

**INFORMACIJA O RADU KOMISIJE ZA PRAĆENJE PROVEDBE RACIONALIZACIJE U PREDŠKOLSKIM USTANOVAMA, OSNOVNIM I SREDNJIM ŠKOLAMA KAO U JAVNIM USTANOVAMA NA PODRUČJU KANTONA SARAJEVO**

Informaciju ste dobili u dopunskom materijalu. Molim predstavnika Predlagača da podnese uvodne napomene.

**Poslanik/zastupnik Eldar Čomor:**

Hvala. Mislim evo možda i nema potrebe na kraju samo još ova dva zaključka koja Komisija nudi Skupštini Kantona Sarajevo na usvajanje. S tim samo u prvom zaključku drugi red ovo „zvanični dokument“ da se briše riječ „Zvanični“. Već da se traži usvajanje dokumenta o mjerama racionalizacije. To je jedina ispravka u zaključcima.

**Predsjedateljica:**

Ima li pitanja? Izvolite.

**Poslanik/zastupnik Predrag Kojović:**

Zahvaljujem predsjedavajuća. Ja bih samo volio da mi objasni predlagač kakva je razlika između zvaničnog dokumenta i dokumenta?

**Poslanik/zastupnik Eldar Čomor:**

Kada su službe pisale ovaj zaključak u raspravi po dokumenta o mjerama racionalizacije koji se često koristi od strane nastavnika, profesora, direktora itd. koji je nekada bio na web stranici Vlade Kantona Sarajevo, nije bio zvanični dokument Vlade Kantona Sarajevo a o njemu se non stop pričalo kao o dokumentu Vlade koji se tiče mjera racionalizacije u sistemu predškolskog, osnovnog i srednjeg obrazovanja. Međutim, to nije zvanični dokument Vlade na koji možeš na bilo kakav način da reaguješ i hajde da kažem da se daju određeni prijedlozi i primjedbe i sugestije da se taj dokument popravlja. I ovdje je upotrijebljena riječ zvanični dokument u tom smislu da Vlada usvoji zapravo Dokument o mjerama racionalizacije na koji će se moći dati primjedbe, prijedlozi i sugestije. Iz tog razloga je samo ovdje bila riječ zvanični. Ja tražim znači da se riječ zvanični dokument briše, već da ostane samo da se traži dokument o mjerama racionalizacije. Možda javnost da bi bilo jasnije, pošto zastupnici imaju zaključke. Skupštinska komisija koja je formirana u mjesecu julu, koja prati provedbu racionalizacije predškolske ustanovama, osnovnim i srednjim školama kao JU na području Kantona Sarajevo Skupštini Kantona Sarajevo predlaže da se usvoji sljedeći zaključak:

- a) Skupština Kantona Sarajevo traži od Vlade Kantona Sarajevo da u narednom periodu usvoji Dokument o mjerama racionalizacije optimalizacije u

predškolskim ustanovama, osnovnim i srednjim školama kao JU na području Kantona Sarajevo.

- b) Skupština Kantona Sarajevo traži od ministarstva za obrazovanje, nauku i mlade da se dostavi izvještaj o stanju u oblasti predškolskog, osnovnog i srednjeg obrazovanja za 2015 godinu.

Ako je, mislim da sam pojasnio o čemu se radi.

**Predsjedateljica:**

Molim zastupnike da se izjasne o ovim zaključcima pa da krenemo sa glasanjem. Hvala na sugestiji.

**Konstatujem da je glasalo 26 zastupnika, protiv ništa, suzdržano ništa.**

Konstatujem da je Skupština usvojila predložene zaključke i ova se informacija prima k znanju.

Obzirom da smo iscrpili sve tačke Dnevnog reda ove Desete sjednice Kantonalne Skupštine iskorištavam priliku da se svim kolegama i prisutnim u Sali, kao i građanima pored malih ekrana zahvalim na strpljenju i da im zaželim sretnu Novu godinu i svima onima koji slave pravoslavni Božić neka im je sretno. Hvala lijepo.